

SIBUPEHO SA MUTU YA PETEHILE



Ni itumezi, Muzwale Neville. Mulena aku fuyole.

Ki hande ku kutela mwa tabernakele hape kakusasana cwana. Ki kakusasa “wa muhau,” ku mina kaufela. Mi Ni sepa kuli le ikaba lizazi lelituna ku luna kaufela, ilifa—ilifa Pila Mulena luna. Mi cwale Ni na ni tuto kakusasana wo. Ni bata kukena kapili mwa tuto ye, kakuli ki. . .Ni sepa ki kwa butokwa. Mi ki. . .Ni kubuluka sicaba kwa kusaba baba bilaela, mwa ziba, balukela kuina nako ye telele, babañata banze bayemi. Ni ka ya fela ku libana ni tuto.

² Mi cwale, busihu bo, Ni bata ku ambola fa tuto yeli *Muzamaisi Wa Bupilo Bwaka*. Mi Ni sepa kuli babañata ba bakona, ka buñata mo kukona kubela, bakaba teni ka nako ya busihu bwa kacenu yani. Konohe, haiba muna ni keleke ya mina bañi, luteni. . .ka niti, lubata kuli mube kwa—kwa likeleke za mina. Wani ki musebezi wa mina fa kuba kwani, koku fumaneha sibaka sa musebezi wa mina, kutuhela liseli la mina kuli libenye.

³ Cwale, lu sepa kuli, nako kaufela ha mukutela, luka banga ni sibaka nyana kwanu. Kono luna ni butata nyana ka sona, oh, kai ni kai. Sikwata sa basepahali sikeni mwa lika zateñi ka butungi kaufela. Mi balumela kwa sibaka sesiñwi, baka si lumeleza; mi ba silumela kusili, mi kipeto ba si hanyeza. Mi ba si luma hape, mi kipeto ba si lumeleza *kwanu*, ni kukuta. Oh, ki nako ye cwani ye lubile ni yona! Kono, mwa ziba, Satani ki mulwanisi kamita wa se silukile. Muhupule fela, kamita mu lukisize kaza ni. . .

⁴ Ne ni sa zibi kone uinzi, Anthony. Na bona no kopani nibo ndataho. Mi Ne ni talimile mwa buse, mwahala sicaba. Naize ne uinzi kwani. Lu tabile kuba ni bo ndataho ni wena mwahala luna, Muzwale Milano kuzwa kwa New York. Lwa sepa, uya kwa buse bwa mawate ka nako ye, Nibanga ni nako yeñwi ya pumulo, kwani kwa New York, kwande kwani kokuñwi, haiba Mulena alata.

⁵ Mi kacwalo lu tabile hahulu ka mutu ni mutu wa mina. Ki—ki hande fela hamuli mo.

⁶ Cwale nelu nani nako yende maabani busihu, kamba mbweshwa Ne nibile niyona. Ne ni nani. . .[Puteho ili, “Amen.”—Mu.] “Mi Isaya mwa tempele.” Mi kakuli mwa. . .

⁷ Mi kakusasana cwana, lu bata ku ambola fa tuto yeli, kamba kuluta, nitaluse, haiba lukona, “Kuyaha Tabernakele yepila; kuyaha mu—kuyaha muyaho o pila wa Tabernakele ya Mulimu yapila mwa sibaka sa kuina, Mutu ya petehile; ona Tabernakele ye pila ya Mulimu ya pila, ili ko Apila.” Mi haiba. . .

⁸ Ni utwisisa kuli ba nani baopeli babande babañwi kwanu. Hani ba utwangi. Mi busihu bwa kacenu, Nika lika kutaha kwanu. Musalaka uni bulelezi kaza Muzwale Ungren, Na sepa kona libizo la hae, yazwa kwani kwa—kwa Tennessee. Cwale, nali kwanu busihu bwa maabani. Hani muboni kakusasana cwana, kono Na sepa uteni mo kokuñwi. Mi Ni ka tabela ku muutwa ha opela busihu bwa kacenu, haiba Ni kona, kuli, mwendi kiya kuli *Kuzwa Kwa Kanya Ya Hae*, kamba *U Yo Mutuna Cwani*. Ni tabela kuutwa sani. Ki babakai babaka tabela kuutwa Muzwale Ungren? [Puteho ili, “Amen.”—Mu.] Oh, Ni—Ni tabela kopelo yende. Mi Meda ubulezi kuli una ni mufuta wa linzwi leli dodoma. Mi uni hupulisa ka Muzwale waluna Baxter; ki muopeli, niyena, sina halu ziba kaufela luna. Mi *Kuzwa Kwa Kanya Ya Hae*, kamba *U Yo Mutuna Cwani*. Na sepa Ni mu fumani cwale, kwa . . . Sani sikaba se sinde, Muzwale Ungren, busihu bwa kacenu, haiba utabela, haiba uka ba teni? Uka siala, kamba kulika ku siala kwa sebelezo ya busihu? Kihande, Ni—Ni . . . Kihande, musike . . . Na mi bulelela, cwale kucwañi kase, haiba luka . . . Hani lati kutiseza mutu kusa lukuluha. Kono kupalañi, he, haiba lukona, ka nako ya *Limamatela Ze Supa*, haluka kutaza sani, haiba muka taha. Ni tabela kuli siyo tepiñiwa, mwa bona, kuto ikutwela, *U Yo Mutuna Cwani*, mi, hape, *Kuzwa Kwa Kanya Ya Hae*, ka nako yani.

⁹ Oh, kana haki nto yende ku sebeleza Mulena? [Puteho ili, “Amen.”—Mu.] Hani zibi sene Ni ka eza haiba Ne nisi Mukreste! . . .? . . . Ki nto yende fela kuba Mukreste. Ni ikutwa fela inge nika tulaka-tulaka ni kuhuwa, fa halimu a linzwi laka. Kuba Mukreste, mu nahane fateni, kaufela zona lisweli hande ku Kreste!

¹⁰ Na ziba Na kona kubiza libizo la muuna yo ka mafosisa nako kaufela. Ikona kuba S.T. kamba T.S., kamba sesiñwi sesi cwalo. Sumners, Muzwale Sumner. Uka . . . Ni bata ku itumela ku yena ni musala hae yomunyinyani. Ni sepa kuli nainzi ka, neku bonahala sina, ka likweli ze silezi, ka kutaipa kwa *Likeleke Za Linako Zesupa*. Mi cwale luna ni yona kwanu, itaipilwe, i libelela ku fi tuluka mwateni, ni kukena kuli ibe buka, *Likeleke Za Linako Zesupa*. Kezeli Sumner, kaufela ko inzi, kaniti ulu tuhele lu ku life ka seo. Yani, ingile musebezi o mutuna. Kiñi, ki butuna *cwana*. Ika ni tanda likweli ze silezi kuli ni bale mwateni, hasamulaho kona ikaya kwa ku tepiñiwa kuizusa fa tepu, mi cwale ni ku i potolosa ni kuzusa mwateni za kukuta kutela, ni kuipanga mwa mufuta wa buka. Luka i lukisa ni ku ilumela kwa bahatisi kapili, kakuli lu hupula kuli ki sika seba lukela kuba ni sona batu ona fa cwale, mi mwa kona ku ibala. Cwale Billy na ni bonisa fela, hane Ni kutile kwani, mizuzu nyana yefitile, kuli—kuli—kuli nei—nei lukile cwale i libelezi kuya kwa ku pulintiwa. Kacwalo, kezeli, tabernakele ika kulifa ka seo. Na hani libeleli kuli ueze

musebezi wo mahala fela. Mi—mi kamba kuli lu . . . Haiba luba ni buka luka ibeya fa teko nyana, kamba sesiñwi, luka beya teko yo mukona kuba niyona nako kaufela haba i lekisa, seo kaufela sili sona. Mu ambole fela kwa bazamaisi, ba sikwata sa ba sephali, kamba babañwi ba kubona kwani, mi baka mi tokomelela zona. Mulena ami fuyole hande luli.

¹¹ Muzwale yomunyinyani ni Kezeli Kidd bainzi mo, bukaufi ni kufita fa mwanda, hanyinyani fela. Mi Ne ni katani fa nako nyana yefitile, mi kiha li, “Kihande, ye ikaba nako ya mafelelezo ye Ni ka kubona, Muzwale Billy.” Naize, “Se ni supala hahulu.”

¹² Se nili, “Oh, mawi! Hani lati kuutwa ha ubulela cwalo. Uswana fela sina me yomunyinyani ni ndate wa kale.” Lu lata Muzwale ni Kezeli Kidd. Luna, mutu kaufela, lwaba lata. Mi seli fela . . .

¹³ Si ezanga sika sesiñwi kuna ha Ni ba bona bakena mwa keleke, ni babanyalani ba banyinyani ba kale cwalo. Mi mu nahane fela, neba kutaza Evangeli Ni sika pepwa kale. Mi fa se Ni li musupali. Eeni, mu nahane fela, neba kutaza Ni sika pepwa kale. Mi ki Na yo fa cwale, Ni hupulanga kuli Nisweli ku supala hahulu. Ni bata ku hupulanga za ku itulela. Ni bona Muzwale ni Kezeli Kidd haba kena, “Kanya ku Mulimu! Haleluya!” Ni li, “Batili, Ni ikutwa hande.” Eeni, sha. Kuba bona, mo ba konela, kamo ba mi susumeleza!

¹⁴ Mi muka lemaha kuli, bukaufi ni myaha yaka, hape, mi niteni ba sa ya mwa simu. Nebatile kakusasana wo ku to kupa libuka, haiba neba ka shimba libuka ni ku li lekisa. Neba bata matepu, kuli ba zamaye kwande, ba wine mioya ka kuliza matepu aa, bukaufi ni myaha ye mwanda ya kupepwa. Cwale akai “mafufa amina amabeli” one lu ambola ka ona maabani busihu? Eeni. Ne ni kalile kuhupula kaza, “Aka ainzi kai?” fani hana bulezi cwalo—cwalo maabani. Muna ni myaha yemikai, Kezeli Kidd? [Kezeli Kidd uli, “Nieza mashumi aketalizoho ka amalalu—ni iliñwi.”—Mu.] Mashumi aketalizoho ka amalalu—ni iliñwi. Muna ni myaha yemikai, Muzwale Tom? [Muzwale Kidd uli, “Mashumi aketalizoho ka amalalu—ni zepeli.”] Mashumi aketalizoho ka amalalu—ni iliñwi ni mashumi aketalizoho ka amalalu—ni zepeli za kupepwa, mi ba sa itusisa mafufa abona, mwa musebezi, ba sa zamaya.

¹⁵ Lika kaufela za fosahala mwa Ohio, kuli Kezeli Kidd wa ziba kazeo, luwaile ne lu lilile kwa ndu. Ka zazi leliñwi, na lizize, mi mbututu yo munyinyani, musizana yo munyinyani wa mbututu, Na sepa neli cwalo, yana pepilwe, mi mala na labutukezi fande. [Kezeli Kidd uli, “Sinya.”—Mu.] Sibulukelo sa mushamo, fande a mbututu. Mi mualafi na sa zibi sa kueza ka sona, mi na saba kuli apazule. Selu lapela. [“Neba pazuzi, Muzwale Branham, ni ku si kutisa mwahali, kakuli, neba

ize, ‘Nasike kupila.’ Mi kiha ba kutisa mala a hae mwahali.”] Ku kutisa mala mwahali, ka ku pazula, mi neba hupula kuli haana ku pila. Mi ato pila. [“Kusina nzila.”] Kusina nzila yezwa—yezwa kwa . . . kuzwela kwa nzila ya ze maswe, kuli lico lifite mwateni. Mi Kezeli Kidd sa liza hape. Kiha lu lapela hape, mi cwale una ni nzila ye iketile. Mi kiyo uinzi fa, kakuba paki; mualafi, niyena. Mwabona? Ki paki ya kuli Mulena Jesu, Mubupi yo mutuna! Mwabona seo Satani nalika kueza? Ku pumela bupilo bwa mbututu yani fahali. Mi cwale, mwabona, mi Ni lumela kuli kalibe natile ku Mulena. [“Na kutezi hape ku Mulena, ona kwani kwa lapa laka.”] Akuta ku Mulena. Kezeli Kidd amu etelela ku kutela ku Kreste, kasumulaho wa makazo tuna ye ku ezahalela ku mbututu wa hae.

¹⁶ Ne ni na ni pizo kuzwelela kwa California, maabani, muzwale yomunyinyani wa mukutazi wa kwani, yene Ni li ni yena ha Ne niile lwa pili kwa California, lilimo ze fitile. Muikulyae wa mushimani na pepilwe ni—ni mipila . . . yemine yemilalu inge ikwalilwe mwa pilu ya hae. Mi Na mubulelela ka za taba yani. Se nili, “Yena Mulimu yana bupile omuñwi o niku ueza hande, kaniti wakona kufolisa muikulyoe wa mushimani.” Ubulele fela mushimani abe ni ku itiisa.

¹⁷ Mi mushimani nali mwa mukopano hane Nili lwa pili mwa California, seli myaha ye lishumi ka i ketalizoho ni yemilalu cwale, myaha ye lishumi ka i ketalizoho ni iliñwi yefitile, ye se ibile teñi. Mi Nenili mwa California. Mi yena . . . Mukopano no susumelize hahulu mushimani yani kufitela . . . Haba to ba ni mbututu, mi kiha pepwa, mi ba bona kuli nekuna ni sene si fosahalile, neli mubala wa ndilu, mi balika kupompela mwateni moya, ni zeñwi cwalo. Mi neisa bonahali kuli ika pila, mi baalafi cwale kiha ba tatuba, mi ba fumana kuli mipila yemilalu ne ikwalilwe mwa pilu. Neku sina foku kwaluhile ni hanyinyani, mwabona, neli fela—fela mupila ulimuñwi ono beleka. Mi kiha biza bo ndatahe, mi ali, “Tate, mubize Muzwale Branham, ona nako ye. Mu mubulelele kuli . . . ‘Akupe fela Kreste. Uka li eza.’” Ki hona. Oh, mawi! Susumezo yani, seo ba bona, mwabona, sene lubulela kasona, maabani busihu. Taba ye lukile ka nako ye lukile.

¹⁸ Kihande, lwakona kuzwela pili kubulelela, haluna kukena mwa tuto, nji cwani? Kinto yeswana sina ku kangela kwa kubata kwa kakusasana, ki ze kangezi kamo likona kubela, mwa ziba, mi kaufela li swalani hamoho. Lu tabile hahulu kuba ni kopano ye cwalo. Eeni, sha.

¹⁹ Kacwalo halu akufeni, cwale, mi lu kene mwa tuto cwale. Kuzamaya mwendi . . . Hani zibi haiba mwa bona sani kamba kutokwa, fa limati. Mwendi haiba Ni fetula kamukwa *ocwana*, fa nako yelikani, kiñi, lu ka kona, cwale, babañwi ba kumina, ku . . . [Muzwale Edgar “Doc” Branham uli, “Mubata ku monyeha fateni?”—Mu.] Mubulelela cwani?

["Mubata ku monyeha fateni?"] Batili, Ha ni sepi cwalo, ona fa, Doc. Mwendu fela ka ku likana. ["Ona fani fafasi, Na kona ku monyeha fateni."] Kihande, luka—luka eza cwalo ha Ni kaba nize nyinyani. . . Muna ni liseli kwanu? Ku lukile. Halu sikululeni fela ku lona. Kana mwakona kubona kwa mulaho kafo? Kana kucwalo? Haiba mwakona ku bona, mu nanule mazoho amina, haiba mwakona kubona limati lani, mubale sani fani. Batili. Ku lukile. Mutise lumonyi. Cwale, habanze baitukiseza zani. . .

²⁰ Nika kala ka kulieha nyana kakusasana wo; kamba, batili, batili, ku itahanela ka mizuzu ye lishumi ni i ketalizoho. Mi kacwalo, he, lukanga fela nako yaluna cwale, kakuli halu lati ku akufa kumata. Ha mu akufa kumata, fohe kipeto mu sinya lika zene mu lukela ku bulela. Cwale, Ne ni teezeza kwa tepu, zazi leliñwi, sina hane Ni mibulelezi, mi Na be na swaba hahulu; isiñi zene Ni bulela, kono ka mukwa one Ni ambolela kapili hahulu, mi ki mubulelelo o tumukile. Ni ikutwa sina ku libelela. Ki. . .

²¹ Ne—Ne ni boni zazi leliñwi hane baya kuyo yaha sibaka sa ku buhelanga lifolofolo, kwanu mwahala Louisville. Mi Bo Brown, Na sepa neli yena, ona kwani, nafile ma dollar aeza lule kuamana ni muyaho wa lifolofolo. Kihande, kambe Ne ni nani yona, Ne nika bafa ona ili ku lukulula lifolofolo zani. Na—Na hani lumeli mwa ku kiyela sika kaufela cwalo. Ni banga. . . Ni yanga kwa sibaka sa ku bulukela lifolofolo kuyo bona lifolofolo zani za kale, libere, ni litau, ni lika, hali zamaya kuya kwa pata ni kwa mulaho, mwa tolongo bupilo kaufela, mwa bona. Limieza kuli muutwe bumaswe. Ni teni, liswelwi ki zibo ya mutu yana ni butali kufita mo li inezi. Mwabona? Mi ba liswala ni kulibeya mwa butanga.

²² Mi Ni nahana ka zona: diabulosi wa ezanga cwalo. Unga batu babande ba balukela ku zamayanga mwa libaka zetuna za Mulimu, ni masimu, mi—mi ni lika zecwalo, mi u mubeya mwa tolongo ya ndu ya kopano yeñwi, kamba lituto zeñwi za bumulimu, kamba sesiñwi, ni ku mu tama ona mwani. Mi ki taba ye sabisa cwani.

²³ Mi Na hani lati libaka za ku bulukela lifolofolo. Kono Ni ikutwa sesiñwi inge iliñwi ya lifolofolo zani, ha mu kiyezwi mi mulika kuzwa kuli mu lukuluhe, mwa ziba, ku—ku zwela kwande kuezwa sesiñwi.

²⁴ Cwale, lusika atumela kale Linzwi, halu atumeleni Muña Linzwi, halunze luinamisa litho zaluna cwale mwa tapelo.

²⁵ Ndata luna Yomunde wa Lihlimu, lu kopani kakusasana cwana ka Libizo la Mulena Jesu, Mwana Hao yomunde. Mulimu, mwa nama, yana tile mwa lifasi, ka ku swalela libi zaluna, mi ashwa, ya Lukile; kuli luna, ka kuluka kwa Hae, kakuba baba sika luka kuli lubeiwe baba petehile ku Yena.

Lutaha ka ku ipulela kuli halu swaneli, Mulena. Hakuna sika sesinde ka luna. Mi kaufela luna lumwa ndu yetuna ya tolongo. Hakuna taba ka mayemo afi eluyemi ku ona, luna kaufela lu sali mwa tolongo. Hakuna yakona kutusa yomuñwi. Kono, Mulimu, mwa sishemo sa Hae sesi sa palelwi sika, natile fa lifasi kuto kwalula minyako ya tolongo, ili kuto lu lukulula. Halu saliyo mwa tamo cwale. Halu saliyo mwa sibaka sa lifolofolo sa lifasi, kono cwale lu lukuluhile. Lu kwande.

²⁶ Oh, kamo lu Mulatela ni ku Mu lumbeka! Kamo lukona ku zamaela kukena mwa masimu amatuna a sepiso ya Hae, ni ku libona ha li ezahala fapila luna! Mi ka meto aluna bañi, lubone Mulimu yomutuna wa Kuyakuile hai patulula Iliyena fa pila luna, ni kuiuzeza Iliyena kuba wa niti, sina mwa Na ezelize kwa bapolofita ba kale. Kakuziba cwana, kuli ba lobezi ni sepiso, kuli zazi leliñwi luka kutisezwa hape, kasamulaho bupilo bo habuta fela, ka la zuho, kwa Bupilo bwa Kuyakuile bo bu sike bwa yunda. Mibili yaluna haina ku supala. Mi haluna kushwa ni hanyinyani. Mi haluna kuba ni tala ni hanyinyani. Mi haluna kuba ni kutokwa ni hanyinyani. Kono luka zamaya ni Yena. Lubata ku Mu utwa abulela kuli, “Kena mwa tabo ya Mulena, ye lukiselizwe wena kuzwa kwa mutomo wa lifasi.” Kwa mulaho koo sibi sisika kena kale, kamo Na bezi ni buitukiso bobu pangilwe, sina ka Adama ni Eva, kuli neba sike bakula kamba kuba ni butata. Mi cwale U li lukiselize luna, mi Na zibile kuli lwa taha. Sibi nesi tibile nzila ka butuna, mi cwale sibi si takuzwi, ka Mali a Jesu. Cwale, lutamehile kuya kwa Naha ya sepiso, ka sepiso ya Mulimu, yeli ya Kuyakuile.

²⁷ Lu fuyole cwale, Ndate, halunze lubala Linzwi la Hao. Lubata kuziba mufuta wa batu be lulukela kuba bona, fakuli lube Kwani. Ulu tuse kacenu mwa sikolo se, kuli lukone kuba ni Muzamaisi yomutuna wa Muluti ni luna, ona Moya o Kenile, yaka taha fafasi ni kuto i patulula Iliyena ku luna, ka Linzwi la Hae. Kakuli lwa likupa ka Libizo la Hae ni kwa kanya ya Hae. Amen.

²⁸ Cwale, pili, Ni bata kuli mu sikuluhe nina mwa Pitrosi wa Bubeli, kauhanyo ya 1. Ni bata kubala siemba sa Liñolo le, Pitrosi wa Bubeli, kauhanyo ya 1. Mi kumina muna ni lipotoloto ni mapampili. . .

²⁹ Mi Na lumela Ne ni bulelezwi kakusasana wo kuli—kuli nako yeñwi, ku sikululanga toho yaka kuzwa kwani, kwa timanga tepu. Na kaniti hani talusangi kueza cwalo. Mi Na lumela, fokuñwi, haiba neluka hupula kaza kuba ni—ni maiki yesina muhala, ni ku ilepeleza mwa situwa mo. Hakuna taba fo kona kuba he, noka ba hande. Neku kaba hande, sibaka kaufela, maiki fela mwa halimu mwa situwa.

³⁰ Mi cwale, hani nze Ni bulela; mi haiba mina, hasamulaho wa sebelezo, kamba mwa itakaleza, mwa kona kuswanisa sika se

fa. Mi Ni na ni sona sitaipilwe mo. Ni kanga mapo mi ni sibeye kwa pata kwanu, haiba mubata kuli mueze cwalo nako yeñwi. Mutahe ka ku itahanela nyana musihali wo, ili kuli lu utwisise.

³¹ Cwale lu atumela *Maswayo A Supile*. Kona lu sa zo feza fela *Likeleke Za Linako Zesupa*. Mi le ki Liñusa fa tuto, leli tama mutu mwahali, yaka liululwa ka Mali a Mulena Jesu, mi kiya kaba mwa Keleke ya lusika lwani, lusika lwani lwa Keleke ya Kuyakuile kwa mafelelezo a Maswayo. Cwale lwa ziba kuli luna ni Litolombita Zesupa, Likoto Zesupa, Manaka, ni zeñwi cwalo, ze luka kena kuzona, halunze luya cwalo. Kono lu libelela sibaka sesituna kuli sicaba sikone kuina.

³² Cwale, mi Ne ni hupula kuli se sika swalana kamo ne Ni kulubela. Ne ni si ka libelela kuswanisa siswaniso se, kono zazi leliñwi Ne ni inzi ni balikani baka babañwi babande, ba ha Cox, kwani kwa Kentucky. Ne ni ile kwateni, nahupula kuli mwendi ni yoina teni zazi liliñwi cwalo la kuzuma tumale ba sika kwala kale nako yateñi. Mi Ne nili kwani mwa mishitu ni mulikanaka, Charlie, inza yemi fani, ni Rodney, muzwale wa hae. Ne ni sika bona nihaiba kamale. Ni sepa kuli Ne ni tu sabiselize kwahule, hane Ni huwaka mwa mushitu mwani. Se kona sene sitile ku na, bashimani, ni—ni Kezeli Nellie ni Margie, mi hane Ni mi bulelezi kuli Ni ka bulela la Sunda ha Ni ka yofita kwateni. Sani kona sene sitile kuna, fa liñusa lene Ni ka ambola ka lona. Mi ni kamo ze siyezi kaufela nelito kopanela hande ku lona! Mi, oh, Na lata sani. Ne nibile ni—ni moya wa—wa niti wa kuhuwa, ona mwani mwa mishitu.

³³ Cwale fa, halu baleni cwale, Pitrosi wa Pili, kamba... Pitrosi wa Bubeli, nitaluse, kauhanyo ya 1, siemba sa Yona.

Simoni Pitrosi, mutanga ni muapositola wa Jesu Kreste, kuba ba amuhezi tumelo iliñwi ni luna kwa butokwa kabakala kuluka kwa Mulimu ni Mupilisi wa luna Jesu Kreste:

³⁴ Ni tabela muinelo wo iñozwi kaona onafu, kakuli tuto yaka kakutala ka kusasana wo i tomile fa tumelo. Mwabona? Mutuhele nibale sani hape. Muteeleze hande.

Simoni Pitrosi, mutanga ni muapositola wa Jesu Kreste, kuba ba amuhezi—baba amuhezi tumelo iliñwi ni luna...kwa butokwa kabakala kuluka kwa Mulimu... Mupilisi wa luna ni Jesu Kreste:

³⁵ Mulemuhe, u bulela, kuli, “Ni amuhezi tumelo ye, mi Ni ñolela se ku baba amuhezi tumelo iliñwi ni luna ye ya butokwa.” Ni bata... Haki kwa lifasi la kwande. Ki kwa Keleke, mwabona, bani babali ku Kreste.

Sishemo ni kozo liatisezwe ku mina kuya ka zibo ya Mulimu, ni (kuya) ka Jesu Kreste Mulena luna,

Kuya ka mata a hae a bumulimu ulu file lika kaufela . . . mata a hae a bumulimu cwale fa ulufile lika kaufela zeli za bupilo . . . bumulimu, kuya ka zibo yaya lu bizelize kwa kanya ni mata:

Kazona lufilwe kwa . . . lufilwe kwa lisepiso zetuna mi za butokwa: kuli ka zona (lisepiso ze) lufumane kabelo kwa sibupeho sa bumulimu, . . .

³⁶ Cwale seo ha sinwele hande cwale. Hani kutazi kakusasana wo; lusweli fela ku luta tuto ye. “Sibupeho sa bumulimu.” Muni tuhele nibale timana yabu 4 yani hape cwale, kuli musike mwa imbunja. “Kazona lufilwe. . .”

Kazona lufilwe kwa lisepiso zetuna mi za butokwa: kuli ka zona (lisepiso ze) lufumane kabelo kwa sibupeho sa bumulimu, ka ku banduka kubola koku liteni mwa lifasi ka litakazo.

³⁷ Mwabona, “lifasi,” lu bandukile kwani cwale. Uñolela se kwa Keleke. Kikabakaleo luteni mo kakusasana cwana, ki kufumana seo nzila ili yona, seo Mulimu abata. Hakuna mutu mwahali mo, ya lata Mulimu, kono kiya bata kuba—kuba sina Kreste. Cwale kutomilwe kale mo. Mukreste kaufela! Na ni mutu wa kale. Mutalime Muzwale ni Kezeli Kidd kwanu, kibona baba supezi hahulu mwa muyaho mo. Kono hene Ni ka ba buza, “Sesi lakazwa ki pilu ya mina kisikamañi?” Nei kaba kuli, “Kusutelela ku Mulimu.” Ha mu ituta za Kreste, kuna ni sesiñwi ka Yena se si tisa lilato hahulu, mulika fela kukena ku Yena.

³⁸ Musike mwa iseza ngana kwa mubulelelo wo. Ne ni bulelezi musalaka, kwanu haki kale hahulu, yena . . . sibeli saluna lwa supala, mi Ne niize ku yena, Na li, “Kana wa ni lata sina mono ni latela?”

Ki hali, “Na luli kaniti kucwalo.”

³⁹ Mi Na li, “Wa ziba, Ni kulata hahulu kufitela Ni bata ku kunga ni kuku hohela mwa hali kuna, kuli lukone fela kuba, luli, kuba alimuñwi, nikufita.”

⁴⁰ Cwale, sani, mualule seo ka mianda ye eza lule, mi cwale muka fumana kamo mulumeli, ya ipumana mwa lilato ni Kreste, i tabellela ku kena ku Yena, kakuli ki lilato. Mi mo Uka lu bonisa kamo kuinezi kuli, kuya ka lisepiso ze, lukone kuba ni kabelo ya sibupeho sa Bumulimu bwa Kreste. Ze, mubili o shwa, kamo lukona kubela ni kabelo.

⁴¹ Na kona ku bulela sesiñwi fa. Libaka leo Ni lumelela . . . Cwale yomuñwi nasika ni utwisisa hande, kwanu haki kale hahulu. Ne ni amuhezi liñolo kuzwa kwa katengo ka babuleli, lene li bulela kuli Ne ni lumela kuli nekuna ni . . . “Nelu ngungahanyizwe ka moya. Mi lulukela kusiya ba latiwa baluna haiba nelu sika ngungahana ka moya ku bona, ni kunyala usili ye lu ngungahanyizwe ni yena ka moya.” Oh, mawi!

42 Ne niize, “Na hani ikalelwi kaza mabulatwi a cwalo.” Na kamita nibile ni lwanisa sani. Na—Na hani lumeli mwa lika zani. Kaniti kutokwa. Ni lumela kuli Mulimu walufanga mulatiwa. Yani ki niti. Mi luba siemba sa yomuñwi ku yomuñwi. Yani ki niti. Mi muuna hasika nyala kale, ulukela ku nahanisisa ka lika, ku lialunguta.

43 Mucaha na ni buzize zazi leliñwi, kuli, “Uhupula kuli Na kona, na lukela kunyala, Muzwale Branham, ku musizana wa *kuli-ni-kuli*?”

Na li, “Kana unahana zekai ka yena?”

Yena ali, “Oh, mawi, Ni mulata fela.”

Na li, “Kihande, haiba haukoni kupila kusina yena, kihande umunyale kanti. Kono haiba nji wakona kupila ni kwa siyo, usike wa lika. Kacwalo, kono haiba nji kize ka kubulaisa, kihande he—kihande he uzwelepili mi umunyale,” Na bulela. Mi kacwalo sene Ni lika ku mu tolokela, se, kuli, ki haiba u mulata hahulu!

44 Cwale, onafa cwale, usika nyala kale, lika kaufela ki zende mi kize munati. Kono hasamulaho wa kunyala, cwale miliko ni matata a bupilo za taha mwatani. Fani kona fo mu lukela kuba mwa lilato leli ñata kuli mu utwana yomuñwi ni yomuñwi. Haiba mu na ni semu swabile ka yena, yena uswabile ka mina, niteni mu ka utwana yomuñwi ni yomuñwi.

45 Cwalo kona mo kuinezi ni Kreste. Mwabona? Lulukela kuba mwa lilato leli ñata ni Yena, kufitela kuli halu kupa sika, mi Ha sa lufi sona, sani hasina ku lu nyanganyisa ni hanyinyani. Mwabona? Mwabona? Kiñi? Mi nzila fela yemu kona kueza cwalo, ki ka kuba ni kabelo kwa sibupeho sa Hae sa Bumulimu, fohe muka utwisisa libaka Ha sa mi feli sika seo. “Babana ni kabelo kwa sibupeho sa Hae sa Bumulimu.”

46 Mi mutalime fa, “Baba bandukile kubola koku liteni mwa lifasi ka litakazo.” Bali bandukile! Mwabona bao lifilwe kubona? Ki kwa Keleke, bani babali ku Kreste, baba nanuzwi fa halimwa lika ze. Isiñi ya ipahekile ili yena, kono Kreste umu pahekile.

47 Kwa mizwale ni likezeli baka ba bansu baba liteni kakusasana cwana, Hani talusi taba ye ka ku nyemisa kaufela. Kono, nenili mwa mukopano nako yeñwi yefitile, Hani zibi haiba Ni kile na bulela cwalo mwa tabernakele. Ni libulezi libaka zeñata. Neku na ni kezeli yo munsu ya naize, “Kana Nakona kuba ni bupaki, kamba kupaka?”

“Kaniti, kezeli, uzamaye cwalo uzwelepili.”

48 Musali ali, “Nibata kufa bupaki bo kwa kanya ya Mulimu.” Ki hali, “Mwa ziba, Na—Na haniyo kamo Ni lukela kubela,” mi ki hali, “Na—Na haniyo mo Ni batela kubela, kono,” ki hali, “nto iliñwi yaniti, Na hani saliyo mone Ni belanga.” Mwabona? Na zwile kokuñwi. Na sa hulizizwe.

⁴⁹ Kona mo lu zibela kuli lu zwile mwa lifu kukena mwa Bupilo. Lu talimanga kwa mulaho mwa musima wo ne luzusizwe kuona wani. Mwabona? Halu sikaba mone lu latela kuli lube; halu sikaba niheba sene lu lukela kuba sona; kono nto iliñwi ye lu itumela ka yona, halu saliyo mone lu belanga. Yani ki niti. Lu mwa musipili.

⁵⁰ “Mi ka ku banduka kubola koku liteni mwa lifasi.” Ka ku banduka zani, litakazo ni kubola kwa mwa lifasi, mu fa halimwa sani. Cwale wani—cwale wani ki mufuta wa mutu yo A bulela ku yena, mutu ya bandukile lika ze, mwabona, kubola kwa lifasi.

Mi kwanda zeo, mu ikataze hahulu, muekeze mata kwa tumelo yamina; mi kwa mata muekeze zibo;

Mi kwa zibo muekeze buiswalo; . . . kwa buiswalo muekeze ku itiisa; . . . kwa ku itiisa muekeze bulapeli;

Mi kwa bulapeli muekeze ku latana; mi kwa ku latana muekeze lilato.

⁵¹ Cwale U lufile sikuka fa mwa ku ezeza lika, kuziba mwa li ezeza. Cwale, sina ha Ni bulezi, kaufela luna lulika kutaha bukaufi ku Mulimu. Ki kabakaleo Ni ketile Liñusa le kakusasana cwana, kila keleke, ka kuziba kuli sicaba si sweli ku zamaya. Kakuli busihu maabani, Ne niize, “Ki babakai babali mo, babazwa kwande a tolopo?” Buñata bwa sicaba hahulu luli, bazwa kwande a tolopo. “Ki babakai mo babazwa kwa buhule bwa limaele ze mwanda?” Kiñi, i fitelezi, Na sepa, lipesenti ze eite cwalo. “Ki babakai mwahali mo babazwa kwa limaele ze mianda i ketalizoho?” Mane ni bukaufi ni—ni silundwamanje luli sa batu kuze mwanda, butelele bwa limaele ze mianda i ketalizoho. Mu nahane fateni, ka sicaba sesi mwa misipili. Kihande, sicaba se ha si tahangi kwa keleke sina cwalo kuto boniwa fela. Hakuna . . . sina lifasi la kwande mo likona kubonela bunde kaufela mwahala sibaka se. Kaufela bona ki batu sina batu kaufela, babotana, batina ze zibahala. Hakuna lipina zetuna ze zwa kwa baipapati baba ipuma kuli kiba kwaya ya Mangeloi, liharepa za kufuta, ni mahaulo amañwi atampakani. Muna ni nako ye butuku fa kuina fa sipula sa mabala ni kuyema kwa matuko a limota. Ha ba tahangi kwa lika ze cwalo. Kono ba tahanga kakuli mwahali kubona kuna ni sesiñwi sesi bona bunde bo bu sa bonwi ka liito la butu. Ki liito la moya lelibona bunde bwa Kreste. Kikabakaleo ba tahanga.

⁵² Kacwalo, ka mazazi kakuli luna ni sebelezo, Na lapelanga kamita. Kuya mwa mishitu, kulwala mwa pokoto yaka . . . Ku bulelela musalaka kuli, “Ni ya kwa kuzuma tumale kakusasana wo.” Mi Ni beya potoloto ni kaemba ka pampili mwa pokoto yaka. Hakuse kuya ku sa kuli se ku bonahala, Ni kabe niinzi kokuñwi kuyendamena fa kota, mazoho ananuhezi mwa halimu, ni kubulela kuli, “Mulena, ki sikamañi se Ni ka eza? Kisikamañi So ka nifa sa bana ba Hao?”

53 Mi ha Ni ka fita fa sika sesiñwi sesi bonahala kuli sa bila mwatasi, kutaha sika sesi cwana. Kubatani kwa Hae haku sutelela, Ni kala kuutwa sika cwalo inge fa hule nyana, sesiñwi ka mukwa wo. “Tu ha i alulwa ka tu ki fo.” Bukaufi, “Tu ha i alulwa ka tu ki fo. Tu ha i alulwa ka tu ki fo. Tu ha i alulwa ka tu ki fo.” [Muzwale Branham ubulela ka ku akufisa nyana hanza kutakela—Mu.] Cwalo, cwalo, cwalo, sina cwalo. Ki Kubatani kwa Hae koku nze kutaha.

54 Muipe ili mina, mi hasamulaho nyana muka ikaba kuzwa ku mina bañi. Ku tahanga pono, “Zamaya kwa sibaka *sakuli-ni-sakuli*, mi sika *sakuli-ni-sakuli*.” Mwabona? Sa kala kuya, kuzwa kwa ku hupula muhupulo ku Mulimu, kuzwa mwa lifasi, kwahule ni lifasi, kwani mwa lihalaupa, uinzi unosi.

55 Mi Sikala kutaha, “Hañwi, hañwi. . .” Ni li, nombolo kaufela, kamba sika kaufela, sesiñwi fela sikala ka bunyinyani, sitaha ka busisani. Mi sitaha ka ku akufa, ku akufa. Wa ina fani mi unanula mazoho ahao, hau buleli linzwi ni lelikana, wali kunanula fela mazoho a hao mwa halimu. Sika sapili mwa ziba, butu bwa hao kaufela bu ngilwe. Mi ukabona lika Za bata kuli ulizibe, ku kubonisa lika ze sa taha.

56 Fokuñwi sitaha fa sibaka, konji fa sibaka sesiñwi, mi kipeto sa tuhela. Ha si kenanga mwa pono. Kipeto Mañolo a suluha fela hamoho. [Muzwale Branham uliza munwana wa hae halalu—Mu.] Ni nga potoloto yaka, kuli Ni sike na i libala, mi ni ku iñola, ku iñola.

57 Mi Ni taha kwa ndu ni ku nahanisisa fateni, ni ku balisisa fateni. Mi fokuñwi ha si ni fangi nihaiba bunde ha Ni sweli ku talimisisa fateni. Mi he, hasamulaho nyana, ki se fa! Sa taha, mi kisani sa ya hape. Kipeto Ni nga kabuka nyana sina *ka*, ni kukala fela kuñola cwalo, ona cwalo ka mo Ni konela fela, sona Sa ni bulelela. Na hupula, “Mulena, Niya kwani kwa tabernakele ni kuyo ba bulelela. Na . . . ‘Akutahe ona cwalo.’ Ni na ni sesiñwi sa bona.” Kihande, cwalo kona mo litelanga. Yani ki niti. Kufitela, pili, Wa ni fa sona, Hani koni ku si bulela.

58 Kacwalo, he, kaona maswaniso omu ni bona ni talimile kuona aa. Ni se, pili, Ne ni kalile, Ne nisika nga sibaka se konji mwendi ka zazi liliñwi kamba amabeli afitile, kwani mwa mishitu.

59 Cwale, sicaba se ki—ki. . . Pitrosi ubulela kuli, fa, kamo lu lukela kuba ni kabelo kwa sibupiwa sa Hae sa Bumulimu. Cwale, mutu ni mutu wa luna usweli kulika kuhula kufita fa siyemo sa Mulimu.

60 Cwale, hasamulaho lu feza ka Maswayo A Supa, kipeto, ka nako yani kulila kwa Liswayo labu Supa, kamba ku tamulula . . . Kakuli, lwa ziba seo liswayo lili sona, ki ku tamulula bulumiwa, ku tamulula Maswayo a Supa. Mi luka bona sani fa siswaniso. Ki ku tamulula Liñusa, sesiñwi sesi swailwe.

⁶¹ Busihu bwa la Sunda yefitile, Ne ni kutsalize fa, “Sinotolo.” Mi sinotolo ki tumelo. Tumelo kona yeswala sinotolo, mi sinotolo ki Mañolo. Mi Krete kiyena Sikwalo. Mwabona? Kacwalo tumelo ilwala tuemba totunyinyani twa Mañolo ni ku kiulula kanya ni bunde bwa Mulimu, ku isa kwa sicaba sa Hae. Mwabona? Kacwalo, ki, tumelo yeswala sinotolo sesi kiulula Krete kwa sicaba; ku si kiulula, ku si patulula.

⁶² Kacwalo, kacenu, luka lika kunga ona sinotolo sesiswana sa, ku kiulula nzila ya kuba Mukreste wa luli mwa siyemo sa Mulimu, kuli, ni kuba Tabernakele yepila kuli Mulimu yapila aine ku yona.

⁶³ Muhupule, Mulimu uipatululanga Iliyena mwa linzila zetalu. Nako yapili, Na i patuluzi Iliyena mwa Siita sa Mulilo, sani nesi bizwa Bushemi. Mi yena Mulimu yaswana yani, ato iponahaza ku Jesu Krete, mwa mubili wa Na yahile, kupanga mubili wo. Sa bulalu, ka lifu la mubili wani, Na kenisize Keleke yeo Akona kupila kuyona. Neli Mulimu fahalimwa luna; Mulimu ni luna; Mulimu ku luna; Mulimu yaswana.

⁶⁴ Lani kona libaka hana bizizwe Ndate, Mwana, Moya o Kenile. Haki Balimu babalalu; liofisi zetalu za Mulimu alimuñwi. Neba hupuzi fela kazona kwa Mukopano waba Nicene, kaufela luna kambe halusika lyangana cwana, nji cwani? Yani ki niti. Haki balimu babalalu. Batu ne ba sa utwisisi mo Jesu na bulelela ku Ndate, mi Yena ni Ndate kinto Iliñwi. Kihande, kiyani taba ya luli fani. Luli, ya i tatulula. Kaniti. Mwabona? Haki Balimu babalalu. Ki liofisi zetalu! Ku iponahaza koku- . . .

⁶⁵ Ki sikamañi sani? Mulimu ku shetumukela kwa pupo ya Hae. Mulimu utabela ku lapelwa. Linzwi lelili *Mulimu* litalusa “sibupiwa se si lapelwa.” Mi ki Mulimu ya lika ku zamaisa sicaba sa Hae, kuli Ange kubona sa Na ba bupezi. Na sika kupanga kuli ube sika sisili kwanda kuba mwana mushimani ni wa musizana wa Mulimu. Haiba hamusika utwisisa seo, sa kuba mwana wa mushimani ni wa musizana wa Mulimu, mu latehisize ko mulibile.

⁶⁶ Mi “kumbunja,” linzwi lelili s-i-b-i litalusa “ku lateha nzila,” kulateha nzila. Fohe, haiba Ni kunupa fa sika, ku kunupa mapo fahule ka liñokolwa ze mashumi aketalizoho, mi Na kunupa; ku lula tobolo yaka ni ku kunupa, mi Na mbunja fateni, mainci amane kamba aketalizoho, kisikamañi sesi ezahalile? Tobolo yaka itokwa ku otololwa fa halimu. Kuna ni sesi fosahalile. Mi haiba Ni mbunja tumelo ku Mulimu, haiba Ni mbunja kuba Mukreste. . . Mulimu na mibeile fa kuli mube Bakreste. Haiba mukeluhile neku leliñwi, mukute mi mu otololwe hande. Mi kuna ni fela nto iliñwi yekona kuku otolola, ani ki Mañolo. Moya o Kenile mwa Mañolo, umi otolole, ku mi tisa fo mulibile hape. Yani ki niti.

67 Cwale, luka bala Linzwi la Hae. Setefani naize, mwa Likezo 7, mi hape ni mwa . . . Halu baleni fela fateni. (Kubulela kazona cwale, lu ambola fa Tabernakele ya Mulimu.) Cwale, Setefani naize . . . (Haibile, ikaba Tabernakele yepila ya Mulimu yapila.) Setefani naize, mwa Likezo kauhanyo yabu 7, mi Na sepa luka . . . mwa Likezo 7, kukalela fa timana yabu 44:

Bo ndataluna neba nani tabernakele ya bupaki mwa lihalaupa, sina ha sepisize, kubulela ka Mushe, kuli aieze ka siswaniso sa na boni.

Ili yene banani bo ndataluna, bo ndataluna bene batile kasamulaho wa ku tisa . . . Jesu mwa sibaka saba Macaba, ili bao Mulimu na tizize fapila bo ndataluna, kuisa kwa lizazi la Davida;

Yana fumani sishemo fapila Mulimu, mi alakaza ku fumana tabernakele ya Mulimu wa Jakobo.

Kono Solomoni na mu yahezi ndu.

Konohe muambakani ya Pahami aini mwa litempele ze yahilwe ka mazoho; sina mupolofita ha bulezi,

Lihalimu ki lubona lwaka, mi lifasi ki fa hatela mautu aka: ki ndu mañi ye mu ka ni yahela? kubulela Mulena: kamba ki sifi sibaka sa mapumulelo aka?

68 Cwale mwa . . . Cwale, “tabernakele,” ki, kakuli, sibaka ko luya kuyo pumula, cwale, kuba ni ku yoyelwa, ni zeñwi cwalo, sina ku pumula kwa buloko, kamba ze cwalo. Cwale, Maheberu 10, ni timana yabu 5, Paulusi waitisa mwateni.

Kabakaleo ha ka taha mwa lifasi, u ize, Sitabelo . . . (Yani ki Kreste). . . Sitabelo ni nubu ha u sika litabela, kono mubili kona o ni lukiselize:

69 Cwale Tabernakele ki sikamañi? Ki Mubili, Mulimu kupila mwa Mubili.

70 Mulimu sapili, kwa halimu, fani ha Na tile fa lilundu, nahaiba yona—yona namani kamba sitole hane sika ngunyuta lilundu, nei lukela ku bulaiwa. Mulimu kiya kenile.

71 Maabani manzibwana, fani Mangeloi ani hana i kwahezi kwa lipata za Ona. Liserafimi ze kenile ka lifateho ze kenile, hazibi neba seo sibi si talusa, mi Ana ni ku apesa lipata za Ona, fa Pila Mulimu; ku apesa mautu a Zona, ka kuishuwa.

72 Cwale, Mulimu ya kenile hakoni ku lumeleza sibi, kacwalo hakuna sene sikona kuswala lilundu kone ku inzi Mulimu.

73 Mi Mulimu aezwa nama mi atoyaha ku luna, ka sibupeho sa Jesu Kreste, Mwana Hae, pupo ya Hae. Mi Mwana yani afa bupilo bwa Hae, mi siemba sa bupilo bwa Mali a Mulimu nesi tubilwe, kuli Bupilo bu kone kuzwa mwa Mali, ku luna.

74 Ka ona Mali ani lwa keniswa. Mi cwale mali aluna, bupilo bwa luna, ana tahile ka kupila kwa takazo ya foso, na tizize

bupilo bwa luna mwa lifasi. Mali a Jesu Kreste alu kenisa, acinca sibupeho saluna, kaku lu lumela Moya o Kenile; fohe lutaha mwa sibupeho sa Bumulimu bwa Mulimu, fohe kipeto luba sibaka sa kupila teni Mulimu. Jesu naize, “Ka zazi lani mu ka ziba kuli Ni inzi ku Ndate, mi Ndate u ku Na; Na ku mina, ni mina ku Na.” Mwabona?

⁷⁵ Kuziba kuli Mulimu umwa Keleke ya Hae. Keleke ilukela cwale kunga sibaka sa Kreste, ku zwiseza pili bulumiwa bwa Hae. “Ya lumela ku Na, misebezi ye Ni eza ni yena uka ieza. Ibo nako nyana, lifasi halina ku Ni bona; kono mina mu ka Ni bona, kakuli Ni kaba ni mina, mane mwahali ku mina, kuisa kwa mafelelezo a lifasi.” Mwabona? Kifo cwale, ku zwiseza pili musebezi wa Hae.

⁷⁶ Cwale, Mulimu, kamba Bibebe ibulezi fa kuli, cwana. Setefani na bulezi ka Solomoni kuyaha tempele, “Mi Muambakani ya Pahami haini mwa litempele ze yahilwe ka mazoho. ‘Kakuli Lihalimu ki Lubona lwa Ka, mi lifasi ki fa hatela mautu Aka. Cwale sikai sibaka sa mapumulelo Aka?’ ‘Kono Mubili kona O Ni lukiselize.’” Amen. Kifo cwale.

⁷⁷ “Mubili kona O Ni lukiselize.” Mulimu upila mwa libupeho za batu, ku iponahaza Iliyena mwa Sibupiwa sani. Milapelo ye petehile! Mulimu ku luna, kakuba Tabernakele ya Hae, Mulimu ku iponahaza. Oh, mo lukona ku inela onafu kufitela mubata kufipelwa mwahali mo, kwa kucisa. Mulemuhe, kuli, Mulimu kamita, ka linako kaufela, ubile aiponahaza Iliyena ku mutu.

⁷⁸ Yani neli Mulimu ku Mushe. Mumu talime, na pepilwe ali muzamaisi; Kreste. Ka nako yana pepilwe neku nani nyandiso ya bana, kulika ku mufumana; neli nto yeswana ni Kreste. Mi na—na lukuluzwi mwa nako yani; kona mwana bezi ni Kreste. Nali mufani wa mulao; niyena Kreste kimwa na inezi. Mushe na kambami, mazazi a mashumi amane, mi ayonga milao, mi kiha shetumuka. Kreste naile mwa lihalaupa, mazazi a mashumi amane, mi kiha kuta, ali, “Mu ba utwile ba linako za kale, ‘Usike wa buka.’ Kono, Ni li ku mina, yo kaufela ya talima musali, ka ku mu lakaza, sa mu bukile kale.” Mwabona? Lika ze shutana ze kaufela, kuli, Mulimu wa iponahaza Iliyena.

⁷⁹ Mutalime ku Josefa, na pepilwe ali mushimani wa moya mwahala sikwata sa—sa sikwata sa bana bahabo. Kaufela bona neli baana babande, kaufela bona baikale bani. Kono, fani Josefa hanatile, nali ya shutana. Na kona kubona lipono, kutoloka litolo, mi natoilwe ki bana bahabo yena bakeñisa ona zani. Kakuli ka musebezi luli wo Mulimu na mu bezi fa lifasi kuli aeze, mizwale ba hae neba mu toile ka ona. Mwabona? Mi kaufela neli supa kwa sifapahano. Mi, mutalime, na lekisizwe ka mali a lishekele ze mashumi amalalu a silivera, ka bana bahabo yena. Ku latelwa mwa musima, kuli ashwe, ka bana bahabo yena. Na zusizwe mwa musima wani, mi aya kuyoina

kula bulyo la Faro. Mi hakuna mutu yana kona kutaha ku Faro, yana busa lifasi ka zazi lani, hakuna yana kona kutaha ku Faro, konji haisi ka Josefa. Hakuna mutu yakona kutaha ku Mulimu, konji ka Kreste. Mi cwale Josefa hana zwa mwa sibaka, asika zwa kale, neku nani tolombita yene liziwanga, ni bamati neba mata fapila hae, kuhuwa, “Muwe ka mañwele! Josefa wa taha!” Hakuna taba kamba noli kai, kamba so no sweli kueza, butokwa bwa musebezi wa hao; ne mu na ni kuwa ka mañwele amina konji Josefa hafita kwani.

⁸⁰ Mi cwale Tolombita haika lila, leliñwi la mazazi aa, liñwele kaufela lika kubama mi lulimi kaufela luka paka. Fani Kreste, Josefa waluna, haka siya Kanya ni kutaha, musebezi wa hao hauna kuba butokwa ka nako yeo. Liñwele kaufela lika kubama, ni ku Mu paka kuli ki Mwana Mulimu. Yani ki niti.

⁸¹ Oh, kamo lu Mu bonela ku Davida! Kamo Davida, mulena yana hanilwe, yana tobohile munzi wa lubona lwa hae, ka bana bahabo yena, mwana hae tota, kuina fa Lilundu la Olive, hana kambami cwalo, fa ngo ya Lilundu la Olive, niku talima kwa mulaho kwa Jerusalema ni kulila; ka sicaba sa hae tota, kuli naba sebeleza ni ku ba luta za Mulimu, mi sicaba sa hae tota sa mu fetuhela ni ku mu yumbela lika, ku mu kwelaka mati ni ku mu soma, mi kiha kambama lilundu kakuli na hanilwe. Oh, ki ku petahala kokucwani sina Mwana Mulimu, myaha ye mianda i ketalizoho ka yemilalu hasamulaho; Mulena ya hanilwe, mwahala sicaba sa Hae Tota, aina fa lilundu ni kulilela Jerusalema, sina Mulena ya hanilwe.

⁸² Neli sikamañi sani? Mulimu na iponahaza Iliyena mwa bapolofita bani, ku bonahalisa Kreste.

⁸³ Mi kiha kutaha Alimuñwi yana li ku petahala kwa Mulimu. Neli Mulimu mwahala luna.

⁸⁴ Mi kuzwa nako yani, U iponahalize Iliyena mwa Keleke ya Hae, neku le la Kalvari. Kacwalo, mwa bona, kaufela luna lusweli kulika kufita fa sibaka sa ku pilela se, Tabernakele ya Mulimu ya pila. Cwale kuna ni sicaba sesiñwi . . .

⁸⁵ Lu lemuha fa cwana, na ize, “Pili lube ni tumelo, mata, zibo, buiswalo, pilutelele, bunde kamba bumulimu, ni lilato kwa mizwale.” Ku lukile. Lilato la batu kamukana, mi cwale ku ekeza lilato. Mutuhele ni bale se, kaufela, kusikutela hape, kuli muikutwele sona cwale. Cwale luka kalela fa timana ya 5.

Mi kwanda se, ka swanelo kaufela, muekeze kwa tumelo yamina mata; mi kwa mata amina zibo;

Mi kwa zibo buiswalo; mi kwa buiswalo pilutelele; mi kwa pilutelele bumulimu;

Mi kwa bumulimu lilato la batu kamukana; mi kwa lilato la batu kamukana kulata, yeli lilato.

. . . *kakuli zeo hali liteni ku mina, mi ili ka buñata, lika mitokwisa buzwa ni ku palelwa mwa kubeya miselo mwa zibo ya Mulena luna Jesu Kreste.*

⁸⁶ Cwale Pitrosi utiiseza sesiñwi fa ka luna, mwa kufitela kwani.

⁸⁷ Cwale Ni bata ku bulela se, kuli, kuna ni batu babana ni siemba sa mata aa, zibo, butali, pilutelele, ni zeñwi cwalo, bao mane haba ipuleli kuli ki Bakreste. Cwale luna lu . . . lu luta sina sikolo sala Sunda. Mi yani ki niti. Kuna ni batu babana ni siemba se, bona mane haba ipumi kuba Bakreste. Kono sani hasina . . . Sani hasina kupeta lika. Kuswana sina sitengu sesi lika kuipeya mafufa a nalukapwa, kuli sibe nalukapwa. Sika ishwaulisa fela. Mbubo siitulele sili sitengu onacwalo. Mwabona? Hasika lika kueza lika ze kusina kuba Mukreste, sa zwa mwa sibaka sa sona.

⁸⁸ Kuswana sina kota ya sikomora yelika ku beya ma apule. Haikoni kueza cwalo, mwabona, niha ikaba kota. Kono haikoni kupanga ma apule.

⁸⁹ Kuswana sina mule yelika kupanga boya bwa ngu, kulika kuba ngu kanti yona ki—ki mule. Mwa bona, haikoni ku tahisa boya bwa ngu. Haikoni kueza cwalo. Boya bwa ngu ki mpo ya lingu, isiñi kuba ya mule. Yakona kulika kueza sina ngu, kono niteni isali mule. Mwabona? Kacwalo, ubulela kuli, “Kihande, Na kona kuca sina ngu. Na kona kueza *cwana* sina ngu.” Mi hakuna taba kase mukona kueza, mulukela kuba ngu fakuli mube ni boya bwa ngu.

⁹⁰ Mi ni yeme fa ka muzuzu nyana. Ngu haipangelangi boya. Ina ni boya bwa ngu kakuli ki ngu. Batu babañata balika ku bulela kuli, “Kulukile, Nika lika kuba yomunde. Nika lika kueza *se*.” Musike mwa ipangela sika. Batili, hamukoni kueza cwalo. Ngu haikoni, ha ikupiwi, hai kulubelwi kuli i pange boya. Ina ni boya bwa ngu, mi ina ni bona kakuli ki ngu.

⁹¹ Mi ha uli Mukreste, una ni miselo ya Moya. Ha u—hau ipangeli yona. Musike mwa lika kueza cwalo. Musa lika fela . . . Musike mwa ikeza mina bañi kuba sesiñwi seo musi sona. Mube fela seo mu lukela kuba, mi kipeto lika iponela zona liñi. Kana mu utwile batu habali, “Kihande, Na kubulelela. Ni . . . Ni keni kwa keleke. Ni—Ni lukela luli kutuhela kupuma kwa”? Ulika kupanga sika hape, cwale. Haukoni kueza cwalo, kacwalo hakuna mukwa wa kulika kupeta zeo, nihaiba yona—yona—yona mule haikoni ku ikezeza yona iñi boya bwa ngu. Haikoni kueza cwalo.

⁹² Kamba, linoñu kulika kuba nkwilimba, linoñu kulika—linoñu kuli kuba nkwilimba. Hamu nahane kañoti kwande kwani, kali, “Mwa ziba, Na ni nkwilimba,” ni kucomeka mafufa nyana kukona, kali, “Mwabona, Ni

bonahala sina. . .” Mwabona? Hakana ku bonahala hande kwa sibupeho. Yani mutu ya—ya bulela sika sesiñwi kanti hayo cwalo. Mwabona, ha ukoni kueza cwalo.

⁹³ Ha ukoni kubulela kuli, “Cwale mutalime, Ni lukela kuba ni mata, kacwalo Ni kaba ni mata. Ni lukela kupila ka bumulumu, kacwalo Ni ka ba ni bona.” Kiñi, ulika fela kucomeka mafufa. Nihaike nge wakona ku afumana, kono haukoni kucomeka mafufa mwa nyunywani ye si yona. Mwabona? Haina ku beleka. Mi si bonisa fela buipi bwa nyunywani yeo mobuinezi. Mwabona? Hamu nahane kañoti ka kale kalike kuba ni mafufa nyana a nkwilimba, kali, “Mutalime kwanu, mwabona, Na ni nkwilimba”? Mwabona? Kiñi, kaufela luna lwa ziba kuli ki kañoti. Mwabona? Mwabona? Ku felile. Lwakona kubona kuli ki kañoti.

⁹⁴ Kulukile, cwale cwalo kona mo kuinezi, kulika ku—ku ipangela Bukreste. Hamukoni kueza cwalo. Taba yapili yemu lukela kueza, ki kupepwa sinca. Mu lukela kucinciwa. Mwabona? Mi hamuse mu cincizwe, mufetuha sibupiwa sesinca. Fohe mu taha hande, cwale. Mwabona? Cwale hamu lukeli ku ikalelwa kaza mafufa, aka iponela ili ona, ha—ha uso pepilwe sinca. Eeni, sha.

⁹⁵ Sina ha Ni bile ni bulelanga. Hamunga ku—ku kulube, mu ikubule ni kubeya ni kui tinisa suti ya liyebela la kuputa, kamba suti ya baki yende, nitaluse, kuicoleta yona, ni kui tuhelela cwalo; ikaya mwa musima wa sileze ni kukala ku alabana. Kakuli, mwa bona, nekusike kwaba hande. Yona ki kulube. Wani kona mufuta wayona. Ku alabana ki sibupeho sa yona. Mu lukela kucinca sibupeho sayona, mi (ika) ze siyezi zateñi lika iponela zona liñi.

⁹⁶ Cwale mulemuhe. Mu lukela kupepwa sinca, sani ki, kucinciwa. Ku lukela kuba cincho.

⁹⁷ Mu li, “Kihande, Muzwale Branham, Na ziba musali yomuñwi yo kwanu, kiñi, hakuna sa ezize sesi fosahalile. Ki musali yomunde. Kamba, muuna *wa-kuli-nikuli* yo, ki muuna yomunde. Hakuna sa ezanga. Mwa ziba kuli ha holofazi mutu.” Sani hasi talusi taba iliñwi. Wakona kuba muyaha tuko yomunde, kono haki Mukreste konji apepwe sinca.

⁹⁸ Jesu naize, “Kwanda kuli mutu apepwe sinca,” Muñoli Joani 3, ili, “hakoni neba kubona Mubuso.” Cwale, sani si talusa, *mwabona*, si talusa ku “utwisisa.”

⁹⁹ Mu talime sika kaufela, muli, “Na ha ni si boni.” Utalusa kuli ha usi utwisisi.

¹⁰⁰ Mutu hakoni ku utwisisa libaka leba huwela batu. Mutu hakoni ku utwisisa mushobo wa mutu hau cinca mi abulela ka lulimi. Mutu wa butu hakoni kubona kamo kanya ya Mulimu ikona kutaha fa meto a mutu, mi ubona lipono ni kubulelela

mutu ka litaba zeñwi, ni sa kueza; ku mu bulelela lika ze ka ezahala, ni kutama lika ze ka ezahala, sina Mulena mwana lu ezelize kwanu busihu bwa maabani, cwalo. Mwabona? Mwabona? Ngana—ngana ya butu ilika ku nahanisisa. “Kulukile, kisikamañi sana ezize? Kamba, ki mufuta mañi wa mabibo wa itusisa? Ki makilikicani mañi anani?” Kubona mutu inza bulelela ka malimi, neba kali. . . mi yomuñwi wa toloka ni ku bulelela fela ona cwalo ku membala wa Mubili seo aezize, ni seo asa lukeli kueza. Mwabona? Mwabona? Ba nahana kuli ki mufuta wa mabibo cwalo. “Kuna ni sesi ezahala mwahala bona.”

¹⁰¹ Habakoni kuli utwisisa konji mutu apepwe sinca. Mi cwale ha sa pepilwe sinca, fo kipeto umwa sikuka sa kopano, kakuli ki sibupiwa sesinca. Kuikalelwa kwa kale kwani, buino bwa ku kakanya bwa nali ku bona, bu shwile. Cwale, seli sibupiwa sesinca. Kacwalo, mwa bona, halukeli ku ekeza sika ku za hae, cwale, kakuli lika i tahela isali zona.

¹⁰² Mulemuhe, mu lukela kupepwa sinca. Mi cwale hamu pepilwe sinca, hamukoni kupepwa sinca kusina kuba ni tumelo. Yani ki niti. Kacwalo, mwa bona, fa siswaniso saka fa, Nina ni mutomo wa luli, tumelo kona mutomo wa zona kaufela. “Kakuli hakusina tumelo haku konahali ku tabisa Mulimu. Ya taha ku Mulimu uswanezi ku lumela kuli ki Yena, mi ki Mufani wa zende ku baba Mu bata ka tundamo.” Mwabona? Ulukela kuba cwalo. Mi haiba ukakanya kaza Biblele, ha ukakanya ka Linzwi kuba la niti, uswanela pili kuitulela kufitela hau ta li lumela.

¹⁰³ Sibi ki sikamañi? Kusalumela. Kuna ni fela likalulo zepeli ze zamaisa mutu. Yani ikona kuba ku kakanya kamba tumelo, iliñwi kamba yeñwi. Ukenezwi ki mutu ya busa bupilo bwa hao. Ku itingile ka buñata bwa tumelo yo nani, mokona ku pahamela ka kulenda.

¹⁰⁴ Kono, pili, ilukela kuba tumelo. Mutuhele niine fa mutomo fo nako nyana. Cwale, tumelo kona se mulukela kulumela. Tumelo kona. . . “Tumelo ki sibyana sa lika ze libelezwi.” Ki, muna ni zona kale hamu ba ni tumelo, kakuli lu patululwa mwa tumelo. “Tumelo ki kusepa ka kutiya ze lu libelezi,” Maheberu 11, mwabona, “bupaki.” Kisikamañi sani? Ki mufuta mañi wa bupaki? Ki bupaki bobu kenile.

¹⁰⁵ Kabakaleo, hamu bulelela kuli, “Muzwale Branham, Na lumela kuli Mulimu ki Mufolisi.” Kulukile, haiba mwa lumela cwalo, mi ni ku Mu amuhela kuba Mufolisi wa mina, mi musa pumi, kono kaniti mu lumela kuli ka miupa ya Hae mu folisizwe, hakuna sika sesika mikelusa ku sona. Ki nto ye felile. Cwale mwakona kuba ni sepo, ku zwelapili fela ku picukela ku se ni ku picukela ku *sani*. Kono ha munani tumelo, mwa ziba zateñi, kakuli ki bupaki. Muna ni zona ni kale. Ne nili. . .

¹⁰⁶ Kiba bakai, mutu kaufela, baba utwile Oral Roberts kakusasana wo, hana sweli kukutaza kakusasana cwana, Oral

Roberts? Ni—Ni mu utwile inza bulela sesiñwi kamba sesiñwi kaza kuli kuna ni tumelo, kuamana ka ku tamululwa, kulapela tapelo ya tumelo, ya ku tamululwa. Na ize, “Mungungane ni zona ka kuswala fa silimba, mungungane ka kuswala sesiñwi, fakuli kube . . .” Muuna yani na eza cwalo, ili kufa batu sika sa kuswala kuli ba beye mazoho kusona. Sesiñwi, mu li, “Ni nani sona cwale, kakuli uni bulelezi kuli niswale silimba saka. Ni nani sona.” Mwabona? Cwale, zani li lukile. Kono, cwale, tumelo yaniti ye lukile hailukeli kuswala sesiñwi sa libyana zani. Cwale, Hani nyazi Muzwale Oral, batili kutokwa. Ueza musebezi omutuna, mi ki muuna wa bumulimu, mi Na—Na ni hupula hahulu ka Oral Roberts. Ki kabumai haluna babañata ba bona.

¹⁰⁷ Kono se Ni lika kubulela, ki kuli—kuli, tumelo haitokwi sika kaufela. Mwabona? Tumelo ilumela Linzwi la Mulimu. Kakuli tumelo itaha ka “kuswala”? Batili. “Tumelo itaha ka kuutwa, ni kuutwa Linzwi la Mulimu.” Sani kona sesi iswala. Iteni fani. Mwabona? Mi tumelo, sina kamo i bulelezi, haina butelele ku yona. Tumelo kifona onafa. Tumelo iteni fa. Cwale inge kuli kuna ni mutu . . .

¹⁰⁸ Mbututu yenyinyani yani, zazi leliñwi. Me yani yo Kezeli Kidd ni bona yene ba ambola ka yena, yani yana nani mbututu yenyinyani ni mala alabutukezi fande, kusina nzila ya kwa ku pilela, kwa kuzwela lico. Cwale, kalibe yo, kuutwa Kezeli Kidd ni bona ha ba paka, neba lumela kuli hane luka bonana, mi Na ni lapelele mwana yani. Cwale, mwabona, Mulimu walufanga batu . . .

¹⁰⁹ Babañwi ba kuluna luna ni kutwisiso kaza Mulimu, ka—ka mukwa wa niti kuli Mulimu uba sina ya zamaya onafa, sina, ka ku bulela ku Muzwale Neville kamba mutu yomuñwi yo mu twaelani ni yena. Mi fokuñwi lu kupanga batu bani ku lu lapelela. Sani kona selu lukela kueza. Mi haiba luna ni tumelo kuli muuna yani kamba musali yani, yo kaufela ya lu lapelela, u bulela ku Mulimu, fohe kipeto tumelo yaluna ya ngiwa. Ya swaliwa. Ya ina.

¹¹⁰ Kwanu. Mu Roma nailo katanyeza Jesu. Mi kiha li, “Na—Na hani swaneli kuli Utahe mwatasa situwa saka. Hani cwalo. Na—Na hani swaneli. Mi Na—Na ne nisa . . . Na—Na hani ipali kuba ya cwalo. Kono,” ali, “mwanaka wa mushimani ukula hahulu. Mi Wena ubulele fela Linzwi, mwabona, mi mwanaka u kapila.”

¹¹¹ Neli sikamañi sani? Butelele nebusika panga shutano. Mwabona? Kakuli, Mulimu ufumaneha kai ni kai. Mulimu kiya mata kaufela. Mi kai ni kai Mulimu u kwateñi, mata ateni. Mi Mulimu, kakuba ya liteni kaufela, sani sipanga Mulimu kai ni kai, kaufela kona. Mwabona? Mulimu kiyo mutuna luli mwa Germany, mwa Switzerland, mi ni kwani mwa Africa, ka ona muzuzu ona wo, sina Mwa bezi ona mo. Oh! Ki fo cwale.

112 Kacwalo naize, “Na hani swaneli kuli Utahe mwa situwa saka. Bulela fela Linzwi.” Neli sikamañi sani? Neli tumelo ya Muroma yani. Na i lumezi.

 Mi Jesu naize, “Zamaya uikele. Mwana hao wa pila.”

113 Mi kiha funduka, musipili wa mazazi amabeli. Mi kale litatama, hasika fita kale kwa hae, akatana babañwi ba batanga ba hae inge bataha. Mi kiha bali, “Mwana hao wa pila.”

114 Mi Muroma na tabezi hahulu, kufitela abulela kuli, “Neli nako mañi fana kalezi ku ikutwa hande? Ki siemba sifi mwa musihali?”

 Ki hali, “Bukaufi ni hola yabu ilebene, akala ku hupula.”

115 Mi Muroma aziba kuli neli yona nako yateñi luli fani Jesu hatoli, “Mwana hao wa pila,” mi na lumezi. Amen.

116 Ya mata kaufela, ya liteni kaufela, yaziba lika kaufela, ya ipitezi, yani ki Mulimu. Kacwalo, haba luma luwaile ni kubulela kuli, “Mulapele!” Ngungahano yani! Mi tumelo yamina itisa Mulimu. Ki nto yetisa tapelo ni Mulimu, hamoho, kuto iponahaza. Tapelo! Tumelo ya cinca kuzwa *fa* kuya *fa*. Ya li tisanga hamoho.

117 “Bulela Linzwi. Zeo kaufela Ni bata ku Wena kikuli ubulele Linzwi, mi lika kaufela likaba hande.” Mwabona, Na sa tokwi kuli abe kwani. “Bulela fela Linzwi.” Kiñi? Mulimu ukai ni kai. Kiya mata-kaufela. Yena una ni mata mwatasa lifasi sina Mwa inezi fa halimwa lifasi, kamba kwa maneku amabeli kaufela. Ki Mulimu. “Mi sika fela So lukela kueza ki kubulela fela Linzwi,” abulela.

118 Mi, cwale, tumelo kona ye peta ze siyezi zateñi. Tumelo ipeta ze siyezi. Kacwalo mulukela kuba ni tumelo ya mutomo. Bukreste kaufela, seo muli sona kaufela, seo kaufela mukaba sona, si itingile fa tumelo mwa Linzwi. Lani kona libaka ha Ni lumela Linzwi. Mwabona?

119 Hani koni kubeya tumelo yaka fa sika sisili kaufela. Haiba Ne nika ibeya fa keleke, ki keleke ifi ye Ni kona ku ibeya kuyona: Katolika, Lutheran, Methodist, Baptist, Pentekota? Ki ku ifi ko Ni ka ibeya? Ha ni zibi. Kaufela bona ba lyangana ni zeñwi kaufela, kukopamisa mibamba, ni lika zeñwi kaufela.

120 Kono ha Ni beya tumelo yaka mwa Linzwi la Hae, i sweli. Hakuna yaka I toloka. Ki Se fa, KISONA SA BULELA MULENA. Mi Na lumela Cwalo. Ani kona makalelo.

121 Mualafi yomunyinyani yomunde ona kwanu mwa tolopo, mulikana ka, Mualafi Sam Adair. Nelubile bashimani hamoho. Kaufela mina mwa muziba Sam. Mi ki hali kuna, ki hali, “Bill. . .” Mi pono yani se itaha, ku mubulelela kwana yahile sibaka sa hae, mone sika bonahalela. Cwale mukene mwahali mwani, mu mubuze haiba yeo ha ki niti. Lilimo zepeli kamba zetalu lisika ezahala kale, neni mu bulelezi kone li kabela.

Ne niize, “Ukabe ungile sibaka sesi kuma fani.” Mi nekusina sika kwanda nto iliñwi mwahala yena ni sani, mi sani kona sibaka sesi sweli kuyahiwa. Mualafi Adair una ni ze siyezi za zona, ni kuziba milyani. Ku felile. Mualafi Adair na talelelize sani ona cwalo fela, pono yani. Koo, sibaka sa na bulezi kuli, “Hasikoni nahaiba ku swaliwa ka myaha ye mashumi amabeli ka ye ketalizoho. Si mwa kuta.”

¹²² Se nili, “Mualafi, Mulena wa kufa sona, bakeñisa kuishuwa kwa hao.”

Yena ali, “Na hani yomunde.”

¹²³ Se nili, “Wena u kulu. Una ni sikapana fande, sikapi seo ukona kutalima kwa balikani ba hao kwande kwani, kono mwahali u mutangana wa niti. Uzwe mwa sikapana sani.” Se nili, “Mulimu uku file sona.”

¹²⁴ Yena ali, “Nali kuba ni ku kakanye, Billy, kono Ni ka kakanya seo.”

Se nili, “Zamaya kwa ofisi ya hao.” Mi kacwalo aya kwatani.

¹²⁵ Ka le litatama kakusasana, kiha ni biza, ali, “Na kangela kubata kushwa.”

¹²⁶ Se nili, “Butata ki bufi?” Neli ka kweli ya Sikulu. Se nili, “Butata ki bufi, Doc?”

¹²⁷ Ali, “Ni lekile kale sibaka, Billy. Neba nani mukopano maabani busihu mwa Boston, mi Nina nilekile kale sibaka kakusasana wo.”

Senili, “Ne ni ku bulelezi.”

¹²⁸ Nenili kwani zazi leliñwi, ni ambola ku yena, fani tobolo haito lila fa sifateho saka. Yena ali, “Na hupula Ne ni bulelezi zatefi kwa batu baba lule baba tahanga kwanu, sina cwalo.” Kisikamañi sani? Cwale, cwale Mulimu abulela sika, silukela ku ezahala.

¹²⁹ Maabani manzibwana balikani babañwi nebatile. Neba utwile kaza kwalata yani yene nani manaka a butelele bwa mainci a mashumi amane ka amabeli, ni bere yene nani ngo ya silivera cwalo. Hani zibi kuli ki batu babakai ba batile kwa ndu, baba bata ku ibona. Ne niize, “Ki wo fa muhala wa ku likanyeza. Muswale kwa lunaka.” Na li utwile hali bulelwa lisika ezahala kale. Mwabona? Kiñi? Cwale Mulimu abulela sika, sina ni ku ezahala. Lani kona libaka, si tomilwe.

¹³⁰ Cwale, ki *wo* mulelo wa ku piliswa. Mi cwale haiba pono ya Hae i ezahala ka ku petahala, ona cwalo mone li bulelezwi kuli lika ezahala, mi keleke ye kwanu yaziba kuli yani ki niti, fohe kucwañi ka Linzwi la Hae. Mwabona? Zani ki za niti luli kufita pono. Kambe pono neisika bulela ka Linzwi, konakuli pono i fosahalile. Kono ki Linzwi, pili, kakuli Linzwi

ki Mulimu. Mwabona? Kacwalo, Yena ukai ni kai. Na bulezi cwalo mo, mi asitahisa mwa Canada. Amen. Mwabona, Yena ufumaneha kai ni kai. Ku lukile.

¹³¹ Pili, mu lukela kupepwa sinca. Mi cwale hamu pepilwe sinca, muna ni tumelo; mwa lumela Linzwi. Kufitela mu pepwa sinca, muka Li kananisa. Haiba mu ipeya fela kwa bulapeli, mi—mi muna ni—ni—ni zibo ya butu kuli mulukela kueza ka kuluka, hamuna kukona ku lumelelana ni Linzwi la Mulimu. Hamuna kueza cwalo. Mulukela kupepwa sinca. Mi, kupepwa sinca, ku tahisa tumelo. Ku lukile. Mihe, hasamulaho muba ni tumelo, ona mwahali *mo*, t-u-m-e-l-o, tumelo, fohe mu mwa sibaka sa kuhula.

¹³² Cwale, buñata bwa batu bayanga kwa pata, ni kulapela, mi bali, “Mulena, ni swalele.” Mi zibo yetuna ya kukeniswa itaha fahalimwa bona, ni lika. Konakuli muka ba ni nako yende, ku nanuha kuya kwa pata, munze muhuwa. Mwa kuta, muli, “Kufuyolwe Mulimu, Ni nani sona.” Batili, uile fela kwa sibaka ko lukela kuhula. Hakuna sika so ezize haisali. Mwabona? Sika fela so ezize ki kutoma mutomo.

¹³³ Cwale muka yaha ndu, mi muyala mutomo, muli, “Mushimani, Ni na niyona.” Mwabona? Muna ni mutomo wa kuyaha fateni ndu yamina. Cwale mulukela kuyaha ndu.

¹³⁴ Cwale fani kona fo kutaha lika, kakusasana cwana, luka ambola ka zona cwale. Ku lukile. Kaza ndu, mutomo wo ki wapili. Mutomo wa Bukreste ki sikamañi? Tumelo mwa Linzwi la Mulimu. Wani kona mutomo wa mina. Fani kipeto mukala kuhula. Mi mwa kala, mukala ku ekeza kwa mutomo wo.

¹³⁵ Cwale, kuyaha ndu, mubeya kuluka kwa mina ni lika kaufela. Muzwale Wood, mi babañwi ba babeti ba ni bayahi kwanu bakona ku lu bulelela mwa kuyahela ndu yamina. Mwabona? Kono Ni ka mi bulelela mwa kuyahela ndu yamina ya moya, ko Mulimu akona kupila. Ubata kupila mwahali ku wena. Ubata ku kueza kuli ube sina Yena. Ubata kuli wena ubonahalise, ku monyeha, nitaluse, Sibupeho sa Hae.

¹³⁶ Mwa ziba, mwa linako zakale hane ba panganga gauda, ba sikaba kale ni mishini ya ku shengununisa, neba natanga gauda cwalo, kunata kwateni mafumi, butale bwa ayoni ni kopa kaufela, kuzusa, ni kuzwela fela pili kunata, ni ku fetula kwa buse, ni kunata kwateni. Ma India baeza cwalo linako ze, kunata gauda, mi ba inata. Mwa ziba mone ba zibela kuli ayoni izwile kuyona, ni masila kaufela ni zeñwi, ni matakala azwa kuyona? Fani mutu ya na nata hakala kubona sifateho sa hae, sina siiponi, ku yona. Neli ye kenile mi isina masila konji hai bonahalisa yana nata.

¹³⁷ Cwalo kona Mulimu mwa ezeza. Unga gauda Ya fumani mwa mubu, mi Wa inata, ka Moya o Kenile, kui fetula

kwa buse, ni kwa buse, ni kwa buse, ni ku inata konji (Wa amuhela) Wakona kubona sifateho sa Hae. [Muzwale Branham nakambela mazoho hañata ñata mwa mubamba wo—Mu.]

¹³⁸ Mi sani kona selu lukela kueza, ku bonahalisa Mwana Mulimu. Mi cwale lu lukela kueza musebezi wa Hae. Na ize, “Ya lumela ku Na. . .” Muñoli Joani 14:7, “Ya lumela ku Na, misebezi ye Ni eza niyena uka ieza.” Mu kala ku bonahalisa misebezi ya Kreste.

¹³⁹ Kono buñata bwa luna lulika kueza misebezi ya Kreste kusina ku bonahalisa Kreste ku luna. Cwale bwani kona butata. Lufumana lika zani likala ku ezahala. Mwa ziba cwalo. Na ziba cwalo. Lu bona lika, ze sitatalisa mwa nzila. Lufumana libunda la bakutazi ba basitani, la Bakreste, bali kubundama mwa nzila, kakuli neba sika kena kuyona hande.

¹⁴⁰ Mi kona ha ni li mo kakusasana cwana, ki kulika kuluta keleke ye nyinyani ye, nina kasibili, kamo lukona kubela sibaka sa pila kusona Mulimu. Ki babakai baba tabela kuba cwalo? [Puteho ili, “Amen.”—Mu.] Sibaka sakuli Mulimu apile kusona!

¹⁴¹ Cwale kise fa se lueza. Nto yapili ki sikamañi? Kuba ni tumelo, ni kupepwa sinca. Kwani ki kutoma mutomo.

¹⁴² Fohe, hasamulaho lu mano toma mutomo, sa bubeli mu ekeza kwa mutomo wamina. “Muekeze kwa tumelo yamina,” Pitrosi wa bulela fa. Muekeze kwa. . .Pili mube ni tumelo, mihe muekeze mata kwa tumelo yamina. Ye kona taba ye tatama. Pili, muyale mutomo wa mina, tumelo. Fohe, kwa tumelo yamina, muekeze mata.

¹⁴³ Cwale, ona fani buñata bwa luna kona fo lu palelelwanga. Eeni, sha. Eeni. “Muekeze mata kwa tumelo yamina.” Sani hasi talusi fela kupila bupilo bwa bwalyanjo, mwa ziba, sina musali kamba muuna, ni zeñwi cwalo. Sani hasina sa kueza ni sona.

¹⁴⁴ Biblele iize, lu bala mo mwa Buka ya Luka, ko Ibulezi kuli, “Mata nazwile ku Yena.” Kiniti yeo nji? [Puteho ili, “Amen.”—Mu.] Haiba lukaba sina Yena, lulukela kuba ni mata, kanti. Lu lukela kuba ni ona, kuba sina Yena. Kona pina yapili ye Ni kile na lata, mwa—mwa lipina, iliñwi ya ze tuna, neli, *Kuba Sina Jesu*. Kulukile, haiba Ni kaba sina Jesu, Ni lukela kuba ni mata, ni sikuka sakuli azwe kuna aye kwa batu. Kakuli, “Mata nazwile ku Yena kuya kwa sicaba.” Mata! Mi musika a tuhela kale kuli azwe, mulukela kuba ni ona pili. Hamu sina ona, hana kuzwa. Hakuna sesi liteni kuli sizwe.

¹⁴⁵ Kucwañi haiba mutu naka lika kuhoha mata kuzwa kuluna, mi kalabo itaha kuli “masheleñi ki amanyinyani”? Mwabona? Batili, batili, hakuna zeliteni ze lukela kuhohiwa, kalabo i hanile. Mutu yomuñwi uku talima kuba Mukreste, mi kamuso uku bona kwanu ueza sina mu ezalibi, hakuna mata akona kuhohiwa kuzwa ku ze cwalo. Mwabona? Luli.

146 Mata alukela kuba ku luna. Mi kufitela luba ni mata. . . Fohe kipeto lukaba ni mata aniti, lwakona ku aekeza kwa tumelo yaluna. Lani kona limota lelitatama. Cwale, pili mulukela kuba ni tumelo. Tumelo inosi haina kukona. Mulukela kuba. . . Pitrosi naize, “Fohe muekeze mata kwa tumelo ya mina.” Mulukela kuba ni mata, ili kuli muekeze kwa tumelo yamina.

147 Cwale, he, ya lukela kuba, libaka hamu sina yona, kakuli likeleke zeñata za kacenu li luta kuli hamu lukeli kuba ni ona, kamba mazazi aona afelile. “Haba lukeli kuba ni ona. Sika fela semu lukela ki kuikenya mwa keleke. Eeh, mazazi afelile.”

148 Mata, mutu kaufela waziba seo linzwi la mata litalusa, mwabona, mi lulukela kuba ni ona. Haiba mata nazwile ku Yena, kufolisa musali yana kula, Ulibezezi mata aswana mwa Keleke ya Hae, kakuli Nali mutala waluna. Mi haiba Na nani mata akufa kwa sicaba, Ulibezezi kuli lube ni mata akufa kwa batu. Cwale mata kisikamañi? Mata ki tata, kutiya.

149 Babañwi ba kubona haba lumeli mwa mata a Mulimu. Ba li, “Zani—zani—zani lifelile. Sika fela solukela kueza ki kubeya libizo la hao mwa buka, mi ufafalezwe, kamba kuseliwa, kamba ku kolobezwa, kamba seo kaufela. Mi sani kona fela solukela kueza.”

150 Kono Pitrosi ubulezi cwana, “Muekeze mata.” Cwale, Pitrosi ubulela kaza kuyaha Ndu ya Mulimu, mwabona, yona Tempele ya Mulimu, ku ifitisa fa sibaka. Mi hamuse mubile ni mata, mulukela kuba ni. . . Hamuse mubile ni tumelo, mulukela kuba ni mata ka yona. Yani ki niti. Mube ni mata a lifasi kaufela.

151 Neni kutalize kutazo mwendi myaha ye mashumi amabeli yefitile, Na sepa, kaza Mubuleli Munamuhulu Mulilima. Mulilima, mulisana. Neizwa kwa palo yana bulela Jesu kuli, “Mubone mulilima, haulimi kamba kuota bwanda. Koni Nili ku mina, Solomononi mwa kanya ya hae kaufela nasika apala sina yeñwi ya zona.”

152 Mutalime mulilima. Uzwelela musipili omutelele mwa sileze. Mi muzuzu kaufela wa lizazi ulukela kuca mwa mubu. Mwabona? Mi kisikamañi se ueza ka mata a ouhoha? Wa afa kwande. Upanga sibaka sesinde kuya utalima. U ikwalulela ili ona kwa linosi, kuli muka itahe itonga sibaka sayona. Ha ubilaeli. Una ni zona, za kufa kwande. Kucwañi haiba muka itaha mwani; i fumana kuli masheleñi ki amanyinyani, hakuna masheleñi? Muka yenyinyani yani ika ñwaya mwa toho yayona ni kubulela kuli, “Ki mulilima wo cwani wani?”

153 Haiba mutu wataha cwalo, ulika kufumana puluso, uya kwa keleke ye lumela kuli mazazi a limakazo afelile?

154 Sina Jack Coe hakile abulela nako yeñwi. Naile mo kulekiswa lico, mone kuna ni papazo yetuna ya lico; akala kubala ka kushetumuka, Nama ya masapo nama yebunolo ni zeñwi. Ali, “Nika ca Nama ya masapo.”

“Kulukile, yani neli ya zazi leli felile. Haluna yona.”

¹⁵⁵ Hakulata nalulile papazo ya lico ni kuzwa fande, mwabona, yani kiniti, kakuli habana za kuca, niha kulicwalo. Kacwalo ni mina mwakona kuya ko kuna ni lico zelekiswa.

¹⁵⁶ Mi mutu wa moya, ya sweli kuhula, utokwa sika sakuli ace. Lani ki Linzwi la Mulimu. Na lumela Linzwi la Teni kaufela.

Mulimu una ni tafule ye lukisizwe ko ba bakenile ba Mulimu bacela,

Umema sicaba sa Hae se si ketilwe uli, “Mu tahe mutoca.”

Ka maana a Hae wa bafepa, Wa lufa ze lutokwa kaufela,

Oh, ki hande kuca ni Jesu nako kaufela.

¹⁵⁷ Yani ki niti. Eeni, sha. Una ni Zona. Keleke ina ni Zona, ona Keleke ya Mulimu yapila, ye yahilwe ku mutu ya petehile yo, wa zibo ya Kreste. Cwale, cwale mulukela kuba ni mata.

¹⁵⁸ Ne niize cwale, taba yapili mwa ziba, kuna ni yalata ku nunkelela munko omunde. Yena hana buitati. Una ni munko omunde. Hasi kafa kale munko omunde, ulukela kuba ni ona. Asika fa kale linosi, ulukela kuba ni zona. Asika fa kale bunde, ulukela kuba ni bona.

¹⁵⁹ Musika fa kale mata, mulukela kuba ni ona. Kacwalo, muekeze kwa tumelo yamina, mata. Amen. Mwa utwisisa? Lwakona kuina fani nako yetelele, kono nako yaluna ika lu felela. Ku ekeza mata kwa tumelo yamina. Cwale, sapili ki tumelo, hasamulaho ki mata.

¹⁶⁰ Mi he, sa bulalu, muekeze zibo. Zibo, cwale, sani hasi talusi zibo ya lifasi, kakuli bwani ki bukuba ku Mulimu; kono zibo ya ku atula, ku atula (sikamañi?) bunde kwa bumaswe. Muka bu atula cwani, he, haiba muna ni zibo ya Bukreste ni mata amina ni tumelo? Muka atula haiba Linzwi li lukile kamba kutokwa. Mi haiba mwakona kubeya kwatuko lituto za litumelo zamina, ni kusa lumela kwa mina kaufela, lika kaufela ze mu ipapata kuli mu ezize, fohe kipeto muna ni zibo yaku lumela kuli Mulimu hakoni kupuma. “Mutuhele linzwi la mutu kaufela libe buhata, kono Aka abe aniti.” Mwabona? Cwale mukala kuba ni zibo. Yani ki zibo yepahami. Hamu lukeli kuba ni ma digri abuituti kuzwa kwa koleji yeñwi, kamba sesiñwi sesi cwalo, kuli mube ni yona, kakuli mata a kaufela afilwe ku mina ki Mulimu, ku kambekiwa fahalimwa mutomo wa tumelo yamina, kuli mukone kutaha fa sibupeho sa luli, sa muuna Mulimu yapila. Eeni, sha.

¹⁶¹ Muekeze, muekeze zibo, kakuli, zibo ya Linzwi la Hae. Mulukela ku lumela ka mufuta wo. Sina cwana, mulukela ku lumela kacenu kuli. . . niku li amuhela, kuli mazazi a limakazo asikafela. Zibo yeneli ya Mulimu iize, Mulimu wakona kupeta.

¹⁶² Abrahama nalumezi cwalo. Mi fani hana bile ni lilimo ze mwanda za kupepwa, na sika kakanya fa sepiso ya Mulimu ka kusalumela. Mutalime bukuba kamo neli bonahalezi Linzwi lani. Kiyo fa muuna, wa lilimo ze mwanda za kupepwa, ulibelela mbututu kuli ipepwe mwa lapa la hae, ka musali wa lilimo ze mashumi aketalizoho ka amane. Mwabona? Nese kufitile lilimo ze mashumi aketalizoho za lupepo, na pilile ni yena kuzwa hanali—hanali musizana yomunyinyani, kamba mwa myaha yabunca. Mi kiyo fa, buuna bwa hae nese bu shwile. Ni mba ya Sarah nese i shwile. Mi sepo kaufela nese kufelile, kuya kamo neku lukela kuli sepo. Kono, niteni, kulwanisa sepo, na lumezi mwa sepo, kakuli nana ni zibo yakuli Mulimu nakona ku buluka lika kaufela za Na sepisize.

¹⁶³ Cwale, hamu na ni yona cwalo, fohe kipeto muekeze sani kwa tumelo yamina. Hamuna ni mata a niti, mu aekeze kwa tumelo yamina. Hamuka zamaya kwanu fa mukwakwa, kupila sina Mukreste, kuezwa lika sina Mukreste, mube Bakreste, muekeze seo kwa tumelo ya mina. Hamuna ni zibo . . .

¹⁶⁴ Mu li, “Kulukile, Hanizibi cwale haiba Liñolo *le* li lukile. Cwale kiye fa Likezo 2:38, Hanizibi mwa ku i zamaiseza ni Likezo 28:19. Hani zibi.” Ku lukile. Musike mwa—mwa ekeza sika, kakuli hamuna Zona haisali. Mwabona? Muka eza sikamañi? Kakuli, hamuna zibo yeñata kuli muzibe za Mulimu, ibo, kanti Bibehe ha iitwanisi yona Iñi. Muli siye linosi. Musike mwa bulela sesikana ka zona. Mwabona? Muli siye linosi.

¹⁶⁵ Kono hamukoni kubona kuli Mañolo aitwanisi ili ona, kuli mwakona ku bulela kuli; mi mwakona ku bona, kuli, ka sinulo ya Mulimu, Linzwi kaufela li ñozwi ka likunutu, mi konji fela zibo ya Mulimu kona yekona ku Li patulula; fohe kipeto muli, ku bulela Linzwi la Mulimu kaufela ka “amen,” mi kipeto muekeze sani kwa tumelo yamina.

¹⁶⁶ Oh, muse mukala kuba muuna yomunde cwanoñu. Mwabona? Mwa huliswa, mwabona. Ka sikamañi? Ka tumelo, mi ka mata, mi ka zibo. Mwabona mo iyahela muuna yo? Mwakona kubona kuli hakuna—hakuna mukwa wa ku picuka ka ona. Ye kona nzila ya kutaha mwa sibupeho sesitezi sa Kreste. Eeni, sha.

¹⁶⁷ Ku atula, ku atula ka swanelo. Ku atula haiba li lukile kamba lifosahalile, ku lumela Linzwi la Mulimu. Ku atula haiba li lukile kamba lifosahalile, haiba Ni ka sebeleza lituto za litumelo kamba ku sebeleza Mulimu. Ku atula haiba li lukile kamba lifosahalile, Ni pepwe sinca kamba ni ikenye mwa keleke. Fohe kipeto mukalile. Ku atula ka swanelo, fani mukutazi hali, “Mazazi a limakazo afelile.” Bibehe ibulezi kuli, “Jesu Kreste kiya swana maabani, kacenu, ni kuyakuile.” Cwale ki likamañi ze muka lumela?

¹⁶⁸ Hamuka bulela kuli, “Ni ka nga Mulimu.” Cwale, hamu buleli zeo ka kubulela fela, “Kulukile, Na—Na ikungela zona,”

ibe kuzwa kwa pilu ya hao. Kono, sesiñwi ku wena, tumelo ya hao i kasheza kwani. Kifo he cwale. Tumelo ya hao ili, “Na ziba kuli Wa swana. Amen. Ni Mu pakile kuba yaswana. Hakuna zekona kuni zusa kwateni. Na ziba U teni.” Amen. Kipeto muekeze seo kwa tumelo ya mina. Musibeye fafasi fa mutomo. Mwa hula cwale, mu hulela kutaha bukafu ni Mubuso. Mufitile fa siyemo cwale. Ku lukile.

169 Cwale, taba ye tatama, mukutazi uka mibulelela, ni batu babañata bali, “Yona. . . Lika ze mubala mwa Bibeze ze, neli za lizazi lisili. Cwale, Nika kubulelela libaka. Kakuli, halutokwi lika zani kacenu. Ha lu litokwi. Mwabona? Halu lukeli. Halu lukeli ku ituta lika zani, foliso ya Bumulimu. Halu ituti mwa kubulelela ka malimi, mwa keleke, kuli—kuli lubeye keleke yaluna mwa sikuka. Mi halu ezi ze.”

170 Luka fita ku zani. Ni nani Liñolo leli ñozwi fa ka sani, mwabona, kamba lulukela ku lieza nako ye kamba kutokwa, cwale.

171 Kono fa naize, “Ha ni zibi. Halu lukeli kueza cwalo kacenu. Taba fela ye Ni hupula kuli lulukela kueza, lulukela ku ituta kubulelela hande fapila sicaba. Lulukela kuya ni kutuhela mutu wa kwa sipatela atatube ngana ya luna, kubona haiba lwakona kui tahisa hande, haiba katengo ka zibo yaluna ka kona zetuna, mi—mi zeñwi ze cwalo. Na sepa. . . Mi lusweli likopano zetuna. Lu yaha kopano yaluna.”

172 Ha luyahi katengo. Haniyo kwanu kakusasana wo kuto yaha katengo. Krete nasika ni lumela kuto yaha katengo. Krete nani lumezi kuto yaha batu mwa sibupeho sa Jesu Krete, kuli bakone kuba ndu ye mata ni sibaka sa kupila Moya, ka Linzwi la Hae. Ka Linzwi la Hae, mwabona, kuyaha mutu kufita fa sibaka sani. Isiñi kuyaha katengo kuisa kwa kopano yetuna, kono kuyaha mutu kuba bana ba bashimani ni ba basizana ba Mulimu. Wani kona mulelo. Mwabona? Muekeze kwa tumelo yamina, mata; kwa mata amina, muekeze zibo. Kulukile, cwale mutaha fa sibaka.

173 Cwale haba kala kubulelela kuli, “Kulukile, halu lukeli ku amuhela zani kacenu.” Mwa lukela kueza. Ki swanelo yateñi.

174 Mañolo hakoni kupuma. “Mi hatolokeli lika kwa mukunda,” Bibeze ibulezi. Mu I lumele fela ona mo Iñolezwi Mwani. Mwabona? Mu lukela kuba ni lika ze. Mi nzila fela yeo mukona kubela ni zona, ki kuba ni zibo ye pepilwe kwa Lihalimu. Mi zibo ye pepilwe kwa Lihalimu ika paka Linzwi. Mwabona?

175 Mu lukela kulumela, isiñi ku likanyisa kulumela. Hakuna ni yekana yazona yeli ku likanyisa kulumela, mwabona, haiba mulika ku bulelela kuli, “Ni na ni sona.” Usike waba sitengu unzo comeka mafufa a nalukapwa ku wena, mwabona, kakuli aka comoha kwateni. Hasika mela kwani ka sipepo. A comekilwe fela kwateni.

176 Ni nahana ka seo Davida nabulezi mwani, Lisamu 1, “Uka swana sina kota ye calilwe kwa tuko ni mezi.” Mwa ziba, kuna ni shutano mwahala kucalwa ni ku suñiwa, ku comekiwa. Sina kota ya kale ya oke, i cezwi, ikeni mwatasi mi isweli hande. Kakota kakanyinyani kakale ka sweli ku yona, hamu zibi ze ka ezahala ku kona. Hakana mibisi. Hakana mutomo. Mwabona?

177 Kinto yeswana sina batu babañwi baba zwa kwa mukopano kamba sesiñwi, mwabona. Habana. . . “Kulukile, Muituti wa *kuli-ni-kuli* kiyena yani beile mazoho mwa bulumiwa.” Hasipangi shutano kaufela ku seo sani sili sona.

178 Krete umi pepezi kuyona, mwabona, mwabona, ka tumelo yamina. Mwabona? Mwa cinciwa niku pepwa ku yona. Mi hamuse mu pepilwe ku yona, ze kona lika zeo A kulubela kuli muekeze. Muzwelepili fela ku ekeza. Cwale luya lu shetumuka mwa mundandwe.

179 Cwale kukaba sika sesiñwi fa zibo ye, seluka bulela ka sona, zibo ya bumulimu. Mwabona? “Kana Biblele mwa mazazi aa i latehezwi ki taluso ya Yona?” Mwabona, bona, buñata bwa batu babulela kuli, kuli Biblele hai talusi cwalo. Haiba Mulimu wani bona, ni ku ni sikulula ka sibi saka, mi haiba Ni mwana Mulimu, Wa eza cwalo. Wa mi ezanga cwalo, bana baba shimani ni [Hakuna manzwi fa tepu—Mu.] basizana. Ha mueza sika sesi fosahalile, Wa mi sikulula. Mi haiba Mulimu wa mi keta, kuli Wa mi tokomela ni ku mi sikulula, kucwañi he Ka Linzwi la Hae, yeli mutala wa mina, yeli Yena kasibili!

Kwa simuluho neku nani Linzwi, mi Linzwi nali ku Mulimu, mi Linzwi nali Mulimu.

Mi . . . lato ezwa nama, lato yaha ku luna, . . .

180 Linzwi ki sinulo ya Jesu Krete, Biblele ibulezi ona cwalo, Krete ubile ya patuluzwi mwa Linzwi la Hae. Mi haiba Wa mi bona hamu loba milao ye, Wa mi nyaza ka zona, kana kukuma kai Inza talima mulao wa Hae onzo mi nyaza! Amen.

181 Zwelapili cwalo, mushimani, usike wani bulelela litaba zeo!

182 Na ni lumela kuze lukile, zibo ya Moya o Kenile. Zibo ya Moya o Kenile kamita i pakanga Linzwi ka “amen.” Hamu kanga lika ze bonahala ku lwanisana ze, mwa Biblele, muine mi mubalisise, mi katapelo sina cwalo. Mi sika sapili mwa ziba, Moya o Kenile ukala kukena mwateni. Kasamulaho mubona litamana hamoho, fo kipeto muna ni zona. Mwabona? Yani ki zibo.

183 Babañwi ba kubona bali, “Kihande, cwale, Biblele ibulezi kuli Yena wa swana maabani, kacenu ni kuyakuile.”

184 Kono keleke ibulela kuli, “Mwa mufuta omuñwi, Kiya swana.” Huh-uh! Huh-uh! Muse mukeluhile sibaka, ona fani. Mwabona? Eeni, sha. Batili, sha. Yena kiya swana. Eeni, sha.

185 “Jesu Kreste kiya swana maabani, kacenu, ni kuyakuile.” Hakuna shutano ku Yena, ni yekana. Upila mwa Keleke ya Hae, inza eza lika ze swana. “Nako nyana,” sina ha Ni sazo bulela nako yefitile, “nako nyana lifasi halina ku Ni bona, ibo mina muka Ni bona.” Kakuli, Na ize, “Ni ni mina, mane mwahala mina, kuisa mafelelezo alifasi.” Hape, Na ize, “Misebezi ye Ni eza muka ieza ni mina.” Hape, Na ize, “Ni kaba Kota luli. Mina mukaba mitai.” Mi mutai upila fela ka Bupilo bwa Kota. Kaufela sesili mwa Kota sitaha kufitela mwa mutai. Kanya! Konakuli, “Kreste ya swana maabani, kacenu, ni kuyakuile.” Si tahisa Bupilo bwa Mulena Jesu Kreste. Amen.

186 Zibo; isi ya lifasi (yona yakakanya). Mufuta kaufela wa zibo ya lifasi ya kakanyanga. Mwabona? Kono tumelo ha ikakanyi. Mulimu hapatulula ku mina kuli sika sa *kuli-ni-kuli* sika ezahala, mutu kaufela wa sayansi mwa lifasi uka mibulelela, “Ki kulyangana. Ha sikoni ku ezahala.” Muka lumela, niha kulicwalo. Mwabona? Eeni, sha. Ha ikakanyi. Biblele ibulezi kuli, “Lu hanyeze likañi.” Ha mu lukeli ku kakanya ka tumelo. Tumelo haina ku kakanya. Tumelo yaziba fo inzi. Tumelo ya beleka. Tumelo ya swalelela. Haikoni kushenya. Hakuna sesi kona ku ishenyisa. Hanina taba kaufela sesi bulela *se, sani, sesiñwi*. Yona hai shenyi, niha nyinyani. Ika ina ona fani, kulibelega, kulibelega, kulibelega, kulibelega. Hasipangi shutano ni yekana. Ika ina ona fani.

187 Mulimu na bulelezi Nuwe kuli lika ze lika ezahala. Na li lumezi. Mwabona? Mulimu na bulelezi Mushe kuli lika ze lika ezahala. Na li lumezi. Mulimu na bulelezi balutiwa lika zeñwi lika ezahala, “Muye kwani kwa Pentekota mi mulibelega.” Neba inzi ona kwani. Eeni, sha. Ku lukile.

188 Cwale, zibo, cwale, isiñi zibo ya lifasi, kono ki zibo ya Lihalimu. Mi zibo ya Lihalimu, fani haiba Mulimu kiyena liweluwelu la zibo kaufela, mi Mulimu ki Linzwi, konakuli, haiba muna ni zibo ya Lihalimu, muka lumela Linzwi, mi muka nahana sika kaufela ka Linzwi.

189 Mi ni taba ya likoloti ye yeo keleke ikeni kuyona, kamba mo Ni bile. Alimuñwi wa bona nako yeñwi, ka kuutwa nyana, na ni bulelezi. Ali, Se nili. . . “Neba sika fumana sesi fosahalile.” Mi kacwalo bakala ku. . .

190 Se nili, “Kihande, he, haiba hakuna sesi fosahalile, kiñi hamusa ni tuheli?” Mwabona? Mwabona? Mi Na zwelapili, ku mu bulelela Mañolo nyana.

191 Ki hali, muuna muhulu yomutuna ni musanga wa kwai mwa lizoho la hae, ki hali, “Bo Branham, Na ni munituti wa Biblele.”

Se nili, “Ni tabile ka kuutwa cwalo.”

192 Yena ali, “Cwale Ni bata kuutwa kaza buhata bo, mwa lifisanga litaulo ze mu lumela kwa batu ze, buhata bwani

bwa ku lapelela litaulo ni kuli luma kwande, zani 'liapalo ze tozizwe,' muli biza kuli, 'litino.'" Yena ali, "Kona kuli wa lifisanga zani."

Se nili, "Batili, sha. Hakuna tifo kuzona."

Mi yena ali, "Kihande, ka buhata bo."

¹⁹³ Se nili, "Ubiza kuli ki buhata, muñaka. Uni bulelezi mizuzu yefitile kuli u muituti wa Bibebe."

Yena ali, "Ni cwalo."

¹⁹⁴ Se nili, "Uni balele mwa Likezo 19:11." Zibo! Na ikenyize isali yena ku zona, na likile ku cinca tuto. Se nili, "Kanti he uni balele Joani 5:14." Na palezwi kueza cwalo. Se nili, "Cwale Jakobo 5:14." Na palezwi kueza cwalo. Se nili, "Kana wa ziba Joani 3:16?" Mwabona? Zibo, butali, lifasi! Kono he . . .

¹⁹⁵ Na ize, "Kono, Bo Branham, mulika kulika taba ye ka Bibebe. Luna lulika ka milao ya naha."

¹⁹⁶ Se nili, "Muñaka, kana milao ya naha hai sika toma fa Bibebe? Konakuli ki kuluka." Amen! Luli.

¹⁹⁷ Zibo; isiñi ya lifasi. Zibo ya moya wa Linzwi, kuziba seo Mulimu abulezi, kueza seo Mulimu abulezi, sesi lukile. Mi haiba muna ni sani mi mukona kulumela lika ze kaufela, kuli ki Ya swana mwa litaba ze kaufela Linzwi libulela kuli ki niti, muka bulele sifi ni sifi ka "amen." Ku lukile. Muekeze seo kwa tumelo yamina. Fani ku lukile. Eeni.

¹⁹⁸ Haiba mutu ulika ku mi bulelela, kuli, "Bibebe ilatehisize mata ayona. Hakuna sika sakuli kolobezo ya Moya o Kenile." Huh-uh. Musike mwa ekeza sani. Hasina ku beleka. Sika wa kwateni. Sina kubeya lizupa fa licwe, halina ku yema nonga. Lika bulumuka.

¹⁹⁹ Sicaba sika mibulelela, "Bibebe haikoni ku sepiwa kacenu. Mulukela ku tokomela cwale. Musike mwa yo lumela zani. Haikoni kuba ya niti." Muse mu utwile zani linako kaufela. Pulelo nyana, "Hamukoni kusepa Bibebe." Kulukile, haiba—haiba muba ni zeo mwa minahano yamina, musike—musike mwa li ekeza kwateni, kakuli halina ku beleka. Muyaho kaufela uka wela ona fani.

²⁰⁰ Ulukela ku swalana ka Moya o Kenile. Ni talusa ku swalana hamoho, bulimbwe bo bu lamatela. Mi kinto yeswana ye li mamatisa . . . Mwa ziba nzila . . .

²⁰¹ Sipi ye kopanyizwe hande kamita iina nako yetelele kufita ya kumenda menda. Mufutumala nyana wa kakatelanga fa sikamba se si katezi, taba yapili mwa ziba, munge sikamba sani mi sicise luli, mumate ka ku akufa nyana, mi sika shengunuka. Eeni, sha. Mwabona?

²⁰² Mi bwani kona butata bobuli ni batu babañata kacenu. Balika ku kakatelisa zibo yabona fa zibo ya lifasi, ka bulimbwe

bo bunyinyani bwa lifasi, mi, miliko hai taha, “Kulukile, mwendi Ne ni fosize.” Mwabona? Mi ni moya wa zwa, kikale upopoloka mwa mizuzu ye nyinyani. Kuhuwa kwa mina kaufela ni ku-tula-tula neli sika kueza bunde nibo bukana. Batu ba kubona mwa lisa leli swana hape. Mwabona? Yani ki niti.

²⁰³ Kono haiba muina fani ni mufutumala omuñata wa Moya o Kenile, kufitela li kupanga wena ni sipi kuba nto iliñwi. Kona cwalo. Wena ni sipi mufetuha nto iliñwi. Hamu ka ina fani kufitela mina ni sepiso ya Mulimu kaufela muba sika silisiñwi, fohe kipeto muekeze seo kwa tumelo yamina. Haiba ha muezi cwalo, musike mwa ekeza ni hanyinyani.

Mu li, “Linzwi halikoni ku sepiwa.” Musike mwa lika kueza cwalo.

²⁰⁴ Mu li, “Lisepiso mwahali mo, za kolobezo ya Moya o Kenile, neli pangezwi fela ba apositola ba lishumi kaba babeli,” sina likeleke zeñwi mo li bulelela kacenu, musike mwa lika ku ekeza sani. Fani kona fokuinzi mutomo wa bona, kaufela ba lyangani. Mwabona? Sina Uzia mwana inezi, busihu bobu fitile, hana boni mutomo wa muuna yani yana sepile, kaufela zona li lyangani, na natilwe ki mbingwa, nekusina bunde. Cwale, “Ka ba apositola fela ba lishumi kaba babeli, ba apositola fela ba lishumi ka bababeli.”

²⁰⁵ Ne nili kwani ku Muzwale Wright . . . Na sepa ba kutile kwani kokuñwi. Busihu bobuñwi, neku nani mukutazi kwateni kwani, Ne ni bulela, bakutazi ba bane kamba ba ketalizoho hamoho. Mukutazi yo uto yema ni kutoli, “Cwale, Ni bata ku mi bulelela mina batu babande taba yeñwi. Oh, Na sepa mu sicaba sesinde.”

²⁰⁶ Se nili, Neni bulelezi mutu yomuñwi, Se nili, “Yani—yani kiyena yainzi ona fani. Mutokomele.”

²⁰⁷ Kacwalo, Junior Jackson, kwa mulaho kwani, nasweli fela ku bulela. Mi ki hali . . . nasweli kukutaza fa muhau wa Mulimu. Oh, mawi!

²⁰⁸ Na sweli kutuka, kulibelega. Naile kwani mi nalika ku utwisisa. “Cwale, Ni bata ku bulela kuli Bo Branham kwanu, Na mi bulelela, ki ma antikreste.” Mi akala ona cwalo, busihu kaufela.

²⁰⁹ Babañwi ba bakutazi bakala . . . Se nili, “Mu libelele fa muzuzu. Cwale, musike mwa bulela sika, mizwale. Yena ki anosi luna lu sikwata.” Se nili, “Mu musiye fela anosi cwale. Kiha kala ka na.” Ne nibata cwalo, na kasibili, hahulu luli, Ne nisa zibi sa kueza. Mwabona?

²¹⁰ Kacwalo, ki hali, “Bo Branham ki ma antikreste,” mi azwelapili ku bulela lika kaufela mwa ziba, kazona. Ki hali, “Na ize kwani, ‘Kolobezo ya Moya o Kenile.’” Naize, “Bibele neize nekuna ni fela baba lishumi bene ba amuhezi kolobezo ya Moya o Kenile.” Ku ambola kaza foliso ya Bumulimu,

“Konji fela ba apositola ba lishumi ka bababeli kona bene bana ni foliso ya Bumulumu.” Na ize, “Lu bulela fo Biblele ibulezi, ni kukuza fo Biblele i kuzize.” Ne ni libelezi kufitela ambombola kaufela ka licika la hola.

211 Se nili, “Libelela fa muzuzu fela. Ne ni ñozi zeñata hahulu fa,” Se nili, “nife nako kuli ni alabe zeñwi.” Mi ha Ne ni yemi, Se nili, “Shangwe muñaka, na bulela kuli na ‘na ambola fo Biblele i ambozi,’ keleke yahabo i cwalo, ‘ni kukuza fone I kuzize.’ Mina kaufela mu lipaki. ‘Eeni.’” Se nili, “Cwale, na ize ‘Neku nani fela ba lishumi ka bababeli bene ba amuhezi Moya o Kenile.’ Biblele yaka iize nekubani baba mwananda kaba mashumi amabeli, kuswaba kwa pili.” Amen! Mwymbe mufuta wa zibo wani, mwa bona, fani nasweli kulika.

212 Se nili, “Konakuli Nisepa Paulusi nasika amuhela Moya o Kenile hana bulezi kuli na u amuhezi.” Mwabona?

213 Se nili, “Kwani kwa...Fani Filipi hanaile kwa kuyo kutaza kwa ma Samaria. Neba se ba kolobelizwe ka Libizo la Jesu. Fela, Moya o Kenile nosika taha kubona. Mi kiha balumela ku Pitrosi ni Joani, bataha mi baba beya mazoho, mi Moya o Kenile wataha fa halimwa bona. Na sepa bani kona fela baba lishumi kaba babeli?”

214 Se nili, “Mwa Likezo 10:49, fani Pitrosi hanali fa ndu yakwa halimu, mi abona pono yakuli neyaha ku Kornele’. Ka nako yeo Pitrosi na sa bulela manzwi aa, Moya o Kenile wa wela baba utwile Linzwi.” Se nili, “Biblele isa bulela. Keleke ya mina ikai?” I kutezi mwahala litaba za bo mwendi. Yani ki niti. Mwabona?

215 Se nili, “Foliso ya Bumulumu, uize, ‘Konji fela baba lishumi ka babeli kona bene bana ni foliso ya Bumulumu.’ Biblele ibulezi kuli Setefani naile kwa Samaria mi aleleka mioya ya diabulosi ni kufolisa bakuli, mi kwaba nyakalalo yetuna mwa munzi. Mi yena nasi yomuñwi wa baba lishumi. Yena nasi mu apositola. Nali dikoni.” Amen. Amen.

216 Se nili, “Mi Paulusi nasi alimuñwi wa baba lishumi ka bababeli bene bali mwa ndu yafa halimu, kono nana ni mpo ya kufolisa.”

217 Se nili, “Mutalime fela fa limpo za kufolisa! Mi munahanisise fateni, myaha ye mashumi amalalu hasamulaho, nasali mwa Korinte, ku tomahanya mpo ya foliso mwa Mubili wa Krete.” Oh, mawi!

218 Cwale, zibo ya mufuta wani ye mu ituta kuzwa mwa buka yeñwi, ku hande muinepele mwa sikala sa masila. Mutahe kwa zibo ye. Fani Mulimu hana ize, “Kiya swana maabani, kacenu, ni kuyakuile,” muli, “Amen.” Eeni, sha. Eeni, sha. Isifi kuba ba lishumi ka bababeli; ki sa bao kaufela. Ha mu kaba ni tumelo ya—ya mufuta o cwalo, fo tumelo yamina haika bulela zateñi, siemba kaufela, ka “amen,” fohe mukali, “Ku lukile,” muekeze seo kuyona.

219 Sabune. Lukaba ni ku akufa, kakuli se Ni. . . Ku utwahala hande hahulu kuyema fa ni kubulela kaza teni. Amen. [Muzwale uli, “Lwa ikola yona.”—Mu.] Eeh. Sabune. . . Ni itumezi.

220 Muekeze “buiswalo.” Oh, mawi! Lutile kwa buiswalo. Cwale, mubile ni tumelo, pili; mulukela kuba ni sani, ka kukala. Kuzwafo muekeze mata kwa tumelo yamina, haiba ki mata a mufuta omunde. Kuzwafo muekeze zibo, haiba ki mufuta wo munde wa zibo. Cwale muekeze buiswalo.

221 Buiswalo ha bu talusi, “kutuhela kunwa bucwala,” kwanu, niteni. Batili, batili. Buiswalo ha bu talusi kalafo, isiñi ka mufuta wo. Bo ki buiswalo bwa Bibebe, buiswalo bwa Moya o Kenile. Yani ki yeñwi fela ya litakazo za mubili, kono lu bulela kaza buiswalo bwa Moya o Kenile. Sani sitalusa, mwa ku sikululela lulimi lwa hao, isiñi kuba musebi; mwa ku sikululela buhali bwa hao, isiñi kufelega mwa halimu nako kaufela mutu abulela ze ku libile. Oh, mawi!

222 Mushimani, buñata bwa luna luka wa lusika kala kale, nji cwani? Mwabona? Fohe luka komoka kuli Mulimu kiñi hasiyo mwa Keleke ya Hae, kuezza limakazo ni lika zene baezanga. Eeni, sha. Mwabona?

223 Muekeze lika ze. Muekeze buiswalo kwateni. Oh, buiswalo, mwa ku alabela ka lilato ha ubulelelwa ka buhali. Yomuñwi hali, “Mina sikwata sa bapikuluhi-babakenile kwani!” Usike wa tula ni kushuñã mazoho a sapalo sa hao. Mwabona? Isiñi sani. Kono ubulele ka lilato la bumulimu, buiswalo, bunde. Kana kona mo mu batela kubela cwalo? [Puteho ili, “Amen.”—Mu.] Ha u tapuzwi, usike wa tapula ku kutisa. Tuhela Yena abe mutala wa hao.

224 Fani hane baize, “Haiba Wena u Mwana Mulimu, fetula macwe a abe sinkwa,” Na ka li eza, ni kubonisa kuli Nali Mulimu. Kono Na nani buiswalo. Fani hane ba Mu bizize kuli, “Balezebubi,” Yena ali, “Ni ka mi swalela ka zona.” Yani ki niti? Neba hohile kukumula mulelu wa hae kuzwa kwa sifateho sa Hae, ni ku kwelaka mati fa sifateho sa Hae, mi bali, “Tuluka kuzwa fa sifapahano!”

225 Yena ali, “Ndate, ba swalele. Bona mane haba zibi seo basieza.”

226 Fani, ha Na nani mpo, Naziba lika kaufela, kakuli ku Yena neku nani mutalelela wa Bumulimu ka mubili. Neba Mu boni inza eza limakazo, ka kubulelela batu sene si fosahalile ka bona, ni zeñwi cwalo. Ba beya kasila kwa toho ya Hae sina cwalo, kwa meto a Hae, mi ba Mu nata kwa toho ka kota, mi bali, “Polofita, lu bulelele ki mañi ya Ku natile. Lwa Ku lumela.” Mwabona? Na nani buiswalo.

227 Cwale, haiba muna ni zecwalo, muekeze kwa tumelo yamina. Haiba muhalifa ni ku kanana, ni ku omana, ni ku filikana, ni ku zwelapili, huh-uh, ha mu na. . . Hamukoni ku

ekeza zani, kakuli halina ku ekeza. Mwabona? Halina kukopana. Hamukoni kunga siemba sa raba, mwa ziba, ni ku si swalisa kwa siemba sa sipi. Hasina fela kubeleka. Batili, silukela kuba se si kona ku bondololwa, ona cwalo fela moinezi raba. Mwabona? Mi cwale tumelo yamina ni buiswalo bwa mina haliba za mufuta oswana wa Moya o Kenile wa buiswalo wa Na bile ni ona, kona kuli lika swalana ni Yena. Mwa ekeza ku zona.

Cwale mata ahao aswana ni mata a Hae, konakuli ika ekezwa ku yona.

²²⁸ Mi zibo ya hao hai swana ni zibo ya Hae, “Ni tile kwa kueza tato ya Hao, O Mulimu.” Mwabona? Ka Linzwi la Ndate, Na komile bumaswe kaufela. Lihalimu ni lifasi lika fela, kono Linzwi halina kufela. Mwabona? Ha muna ni zibo ya mufuta o cwalo, ika swalana ni tumelo yamina.

²²⁹ Haiba muna ni mufuta omunde wa buiswalo, sina ya Na bile niyona, ika swalana. Haiba mwali kuba, licika fela laipangezi mutu, tumelo ya ku onga-onga fela, kamba buiswalo, “Oh, Ni lukela ku mu bakula, kono—kono ha Ni lukeli, kakuli bakona kubeya libizo laka mwa mutende ka zona.” Wani hakona mufuta wa buiswalo Wa ambola fateni. Musike mwa lika ku ekeza zani. Ha si na kubeleka. Kono hamukona luli, ka munati ozwa mwa pilu yamina, ku swalela mutu kaufela, muine mukuzize, mulisiye li zamaye, mwabona, konakuli lika swalana. Mwa kona ku ekeza sani kwa tumelo yamina. Whew!

²³⁰ Ki kabakaleo keleke ya felelwa. Ki niti yeo nji? Ki kabakaleo. Ni kali, “Mubake mi mukolobezwe, kimo i bulelezi Bible, ka Libizo la Jesu Kreste.” Mi waba Bulalu bwa bumulimu halumeli cwalo, ali, “Mu antikreste yani wa kale. Yena kiwa ba Libizo la Jesu. Kiwa ba Jesu Fela.” Tokomela, mushimani, Hani zibi kaza buiswalo bwa mina nako ye. Mwabona? Kiñi hamusike mwa taha, muli, “Halu ikamboteni se hamoho, Muzwale Branham. Ni tabela kuutwa Se hasi taluswa”? Mwabona? Mi kipeto mutahe muto Li teleza. Mi cwale kipeto Li beiwa fa pila mina, mi mina mwa ikela; luka—luka fita ku sani fa mizuzu fela yelikani, mwa “bulapeli,” mwabona. Kono cwale ha mu—ha mu felela mwa halimu, mubata kutulela kwa kufeleleza kaufela, huh-uh, zani—zani haki zona. Mwabona? Hamuna buiswalo bwa Bible hamu eza cwalo; mwa ku alabela ha ufilikani. Mi haiba muna ni ze kaufela, mwakona ku ekeza se kwa tumelo ya mina.

²³¹ Kutuhafo, hasamulaho wa se, sabune, mubate ku ekeza buiswalo kwa tumelo yamina. Haiba muna ni tumelo, “ika beleka ka buiswalo,” kona moiamblezi Bible. Mwabona? Kacwalo, bo ki buiswalo. Cwale, sani kona sesi tatama sesika yaha sibupeho se. Mwa bona, Mulimu una ni Lipangaliko za luli mwa Muyaho wa Hae.

232 Mwabona mo lubezi baba felelwa, muzwale, kezeli? Mwabona? Mwabona libaka, kikai foluinzi? Eeni, sha. Mwabona? Luna ni kanya, luna ni kuhuwa ni lika, kakuli luna ni tumelo. Kono cwale halu shetumukela kwatasa lika ze *fa*, Mulimu hakoni kulu yahela mwa sibupeho sani. Mwabona? Ha koni. Hakoni ku lu beya fa sibaka sesicwalo sani. Una ni lika zeñwi ze kaufela. Lwa wa, ku sitatala ka zona. Mwabona? Hakoni kuyaha Keleke ya Hae.

233 Buiswalo ka sikamañi? Ki buiswalo bwa mufuta mañi? Taba yapili, ki kuba ni buiswalo ni Mulimu. Haiba muna ni tumelo yaniti, ya luli, mu ka ba ni buiswalo bwa niti ya luli, kakuli tumelo i beleka buiswalo. Fani Mulimu habulela sika, mwa lumela. Ku felile. Muna ni buiswalo.

234 Muli, “Kihande, Ne ni Mu kupile maabani busihu kuli ani folise, mi mane Ni sa kula onacwalo kakusasana wo.” Oh, mawi! Ki pilutelele mañi?

235 Mulimu na bulelezi Abrahama, mi myaha ye mashumi amabeli ka-aketalizoho nekusina nihaiba sisupo silisiñwi. Na sa lumela. Na nani pilutelele ni Mulimu. Uh-huh.

236 Mubeyange Yena kamita fapila mina. Yena Abe ya tatama mwa lika ze mulibelela. Hamukoni ku Mu fitelela, kacwalo mu Mubeye fela fapila mina. “Na bulezi cwalo, mi sika ezahala.” Mwabona? Mu beye Yena fapila mina. Yani ki niti.

237 Nuwe nana ni pilutelele. Eeh. Nuwe nabile ni pilutelele, ya niti ya bumulimu. Mulimu naize, “Ni ka sinya lifasi le ka pula,” mi Nuwe akutaza myaha ye mwanda ni mashumi amabeli, niteni. Buñata bwa pilutelele. Nekusina nihaiba puka yene wile kuzwa kwa Lihalimu. Nekusina sika. Ni maluli fela ona mone kuinezi kamita, ka myaha ye mwanda ni ye mashumi amabeli, kono nabile ni pilutelele.

Konakuli, Mulimu walikanga pilutelele yamina. Yani ki niti. Mulimu wa li likanga.

238 Ha Mana kubulelela Nuwe, cwale Sa li, “Nuwe, Ni bata kuli uzwelepili ukene mwa aleka. Na nika kenisa lifolofolo mwateni, mi Ni—Ni bata kuli wena ukene. Upahame kwa sibaka sa fa halimu, cwale, kuli utalimange fande, lihaulo lafa halimu. Cwale, Ni bata kuli ukene mwahali mwani. Ni bata kuli ubulelele batu ba, ‘Kamuso, seo Ni bile ni kutaza ka myaha yemwanda niye mashumi amabeli, sika ezahala.’ Ku lukile, zwela kwateni mi ubataluseze.”

239 Sisupo sapili neli sikamañi? Nuwe nakeni mwa aleka. Nekusina pula. Nuwe na itukisize, mi atina koti ya pula, ni lika kaufela, kuli alitalimange fande, fa ni fa mwa linako. Na itukisize. Kono kale litatama . . .

240 Na sepa na bulelezi lubasi lwa hae, ni makwenyana-hae ba basali ni bona kaufela, ali, “Oh, mawi! Kamuso muka

bona sika semu sika bona kale. Kakuli, lihalimu kaufela, lika unsufala bwii. Mi mishika ni mamonyi likanga sibaka. Mukwale omutuna wa Mulimu uka taba mwa mbyumbyulu. Uka sinyanya sikwata sa ba ezalibi se si lu hanezi kuutwa se, ka myaha ye mwanda ni mashumi amabeli yee. Mu talime fela mi mubone.” Mwabona?

241 Babañwi ba balumeli ba sihalihali, mwa ziba, ba bainanga bukaufi mi haba tahangi, mwa ziba. Musa—musa nani bona, mwa ziba. Kacwalo ba—ba taha kwateni, bali, “Kihande, muuna muhulu hakulata ubulela niti, kacwalo lukaya luyo libelela mazazi alikani nyana, kamba kulibelela liholo zelikani nyana ka kusasana, mi lubone.”

242 Kale litatama, mwa sibaka sa lilo lelinsu, ku taha lizazi ona cwalo molibile litelanga kamita. Nuwe atalima fande. Ali, “Yela, hakuna malu.”

243 Mutangana ataha, ali, “Ah, Ne ni ziba kuli wena u yomuñwi wa bona. Mwa bona, uteni mwahali mo.”

244 “Kihande, muni swalele, sha. Ha-ha. Mwendu Ne—Ne—Ne nili fela, mwa ziba, kutabela fela, mwa ziba. Mukwa ocwalo, mwabona. Ha-ha-ha.”

245 Kono, Nuwe, nabile ni pilutelele. Ali, “Haiba haina kutaha kacenu, ikaba fa kamuso.” Kiñi? Mulimu nabulezi cwalo.

“Ki lili fa Na ku bulelezi cwalo, Nuwe?”

246 “Myaha ye mwanda niye mashumi amabeli yefitile. Nitile musipili wo kaufela, kacwalo Ni sweli fela ku libelela ka cwale.” Mwabona seo? Kasamulaho nyana. . .

247 Lu fumana, Mulimu butelele bobu kuma fa, ulibelela Keleke, niyona, kono Ikaba teni. Musike mwa bilaela. Na I sepsize.

248 Lu libelezi nako ye kaufela kulitela zuho. Ikaba teni. Musike mwa bilaela. Mulimu uli sepsize. Mulibelele fela ka pilutelele. Amuka wela mwa buloko, sani hasina kukona. . . Mwakona ku ngumoka nyana lisika ezahala kale, kono muka zuha ka nako yani. Na li sepsize, mwa bona. Ku ngumoka, mwabona, seo lubiza kuli buloko bwa lifu, mwa ziba. Seo lubiza lifu, ki ku ngumoka fela hanyinyani, kamba ku lobala ku Krete. Hakuna sika sakuli kushwa ku Krete. Bupilo ni lifu hali pili hamoho. Mwabona? Luna lu ngumokanga fela, buloko bo balikani baluna habakoni ku lu zusa ku bona. Kiyena fela Anosi yakona ku lu zusa. “Uka biza, mi Ni ka Mu alaba,” ki Jobo yo. Jobo ubile alobezi cwale ka myaha ye likiti zene. Musike mwa bilaela. Uka—uka zuha. Musike mwa bilaela. Usa libelezi.

249 Nuwe na libelezi. Zazi la bune la fita. Hakuna pula. Ku lukile. Lika ezahala.

250 Nakona kuutwa Musala Nuwe ataha kuto bulela kuli, “Tate, kikuli mus- . . . ?”

“Usike wa bulela cwalo.”

251 Nana ni pilutelele, kakuli nabile ni tumelo. Eeni, sha. Nana ni mata. Na nani zibo yakuli Mulimu na bulela niti. Nana ni buiswalo. Na sika felela mwa halimu, kuli, “Kihande, Hani zibi kuli li ambola fa sikamañi. Ni latehezwi ki kabubo kaka kwande kwani.” Batili, batili. “Sicaba haba sa ni tokomela ni hanyinyani. Ni kaya kwande kwani ni yo kala sinca, sinca hape.” Batili, batili. Na nani pilutelele. Mulimu na sepisize. Mulimu uka lipeta. Mulimu uka lieza, kakuli Mulimu nabulezi cwalo.

252 Mi Nakona kubona mwana hae wa mushimani ataha kwatuko, uli, “Tate, mwa ziba. . . .” Anata lizoho la hae kwa milili ya hae ya limbi yetelele, mwa ziba. Mi nakuma fa myaha ye mianda ya kupepwa, mwa ziba, ali kuina fani. Ali, “Na ziba wena u mushemi wa kale. Na—Na mi lata, tate. Kono kana kwa konahala kuli hakulata mwendi neli buhata?”

“Oh, batili. Batili.”

“Kiñi?”

“Mulimu nabulezi cwalo!”

253 “Kihande, tate, seli mazazi a silezi oluinzi mwahali mo. Kuina fa halimu fa mwa aleka, ye ya kale, ye omile yetuna ya lififi kwanu. Mi kaufela yona imatehilwe, mwahali ni kwande. Mi lubile lu i yaha mwa lilimo ze kaufela. Mi ne mu yemanga kwande kwani kukutaza, kufitela hamuba ni limbi ni sitenda. Mi fa semu li fa halimu fa cwale, kulika ku bulela kuli sika *sakuli-ni-sakuli*. Mi batu basweli kuseha, ni ku nepela fateni matamangisi abolile ni lika zeñwi. Mutalime cwale se mu eza. Kiñi, mwa ziba. . . .”

“Ube ni pilutelele, mwanaka.”

“Kana mwa sepa?”

“I ka nela!”

Mukwenyana hae wa musali ali, “Tate, mwa ziba. . . .”

“I ka nela!”

254 “Kono lubile myaha ye kaufela, lu libelela. Lubile lu itukisa. Mi mu lu bulelezi kuli ika nela, sunda kele i kwana. Mi lumwa hali mo, ni likwalo likwalilwe, mi fa lusweli ku zamaya zamaya mwahali mo, mi lizazi kona li ciseza mukwazo sina kamita mo libezi.”

“Kono pula ika nela!”

“Mu ziba cwani?”

“Mulimu nabulezi cwalo!”

255 Cwale ha mu ile ka nzila yani, mu iekeze. Kono haiba hamuna yona ka nzila yani, musike—musike mwa lika kui

ekeza. Halina kubeleka. Halina kubeleka fa foliso. Halina kubeleka fa sika kaufela. Mwabona? Li lukela ku lumelelana ni lipangaliko ze swana ze swalani. Yani ki niti. Li lukela ku ekeziwa. Pilutelele kwa lisepiso za Mulimu. Eeni, sha. Nuwe na li lumezi. Mi nabile ni pilutelele ku Mulimu, myaha ye mwanda kaye mashumi amabeli.

²⁵⁶ Mushe, nabile ni pilutelele ku Mulimu. Eeni, sha. “Mushe, Ni utwile kulila kwa sicaba sa Ka. Ni boni ku nyanda kwa bona. Na taha ni ba lukulule. Ni ka ku luma kwani.”

²⁵⁷ Mi tamahano ye nyinyani fani mwahala yena ni Mulimu, mi Mulimu amu bonisa kanya ya Hae. Ali, “Kina yo Naya.” Fani hana boni kanya ya Mulimu, mwa bona, sa ba ni tumelo.

Ali, “Kisikamañi so sweli mwa lizoho la hao, Mushe?”

Ki hali, “Ki kota.”

Ki hali, “Inepele fafasi.”

Mi ya fetuha noha. Ki hali, “Oh, mawi!” Ki ha kala . . .

²⁵⁸ Ali, “I nanule, Mushe. Haiba Na kona kui fetula kuba noha, Na kona ku i fetula sinca hape.”

²⁵⁹ Ah! [Muzwale Branham ukambela mazoho ahae halalu—Mu.] Amen! Haiba Mulimu wakona kunifa bupilo bwa butu, Wakona kunifa ni bwa Moya! Haiba Mulimu na nifile kupepwa kwa pili, Wakona kunifa Kupepwa kwa bubeli! Amen! Haiba Mulimu wakona kufolisa se, ka foliso ya Bumulimu, Wakona ku si zusa hape kwa kanya ya Hae, mwa lizazi la mafelelezo. Yani ki niti.

²⁶⁰ “Nakona ku nepela kota ye fafasi ni kui fetula kuba noha. Nakona ku ikutisa kuba kota. Inanulele kwa muhata.”

²⁶¹ Mushe kiha inama mi aiswala. Kiyani fale, seli kota. Kiha kala ku ekeza zibo kwateni. Mwabona?

“Ki butata mañi bobuli kwa lizoho la hao, cwale, Mushe?”

“Hakuna.”

“Aku libeye mwa liñafwa la hao.”

²⁶² “Ku lukile. Kucwañi he ka . . .” Busweu ka mbingwa. “O Mulena, talima lizoho la ka!”

“Aku libeye mwa liñafwa la hao, Mushe.”

²⁶³ Ali beya hape sina *cwalo*, kiha li fetuha hape sina . . . Kiha kala fela ku li ekeza sina *cwalo*, kasamulaho, mwabona. Eeni, sha.

²⁶⁴ Kiha ya kwateni kwani. Mi swalisano yapili . . . Hana ile kwateni kwani. Ataha kwani mi ali, “Mulena Mulimu uize, ‘Lukulula sicaba sa Ka si zamaye.’ Faro, Ni bata kuli uzibe se. Ni tile kakuba muyemeli wa Mulimu. U lukela kuni utwela.”

²⁶⁵ Faro ali, “Ku utwela? Kana wa ziba yo Nili yena? Kina Faro. Ku utwela wena, mutanga?”

266 Ali, “Uka ni utwela, kamba wa shwa. Uka eza silisiñwi so lata kueza.” Kiñi? Na zibile sana ambola fateni. Nabile ni tumo. Na liteni kwani. Na ambozi ni Mulimu. Nabile ni tumelo. Na zibile fa na inzi.

“Ubata kuli na ni utwele wena? Aku zwe fa!”

“Ni ka kubonisa.”

“Aku ni bonise sisupo.”

Kiha nepela kota ya hae fafasi; ya fetuha kuba noha.

267 “Kiñi,” ki hali, “ona mabibo amanyinyani ao! Taha kwanu fa muzuzu. Taha kwanu, Janise, wena ni Jambri, amu nepela likota za mina fafasi.” Ba i nepele fafasi, mi kiha i fetuha kuba linoha.

268 Ali, “Cwale, wena nto yesina tuso, utile cwale kwanu kuna, na nili Muegipita, faro wa Egegipita. Mi utaha kwanu ni mabibo a hao amanyinyani, zeñwi za lisheha la hao,” mwa ziba, kubala mihupulo. Mwa ziba ze Ni talusa. Na sepa mwa bala ka zona. “Ku nahaniseza kamba sesiñwi, mwa bona, eeh, utile kwanu ni zeñwi ze cwalo.” Ali, “Kulukile, lwa kona kueza lika ze swana zo eza.”

269 Mushe nali sikamañi? Na sika li, “Oh, Bo Faro, Ni—Ni swabile, sha. Ni ka ba mutanga hao.” Batili, sha.

270 Na yemi inza kuzize. Amen. Muine ona fani. Mulimu naize, nekusina ku kakanya mwa pilu ya hae, “Wena ukuze. Ni ka ku bonisa sesiñwi.” Mi fani ha ueza onacwalo Mwa bulelezi kuli ueze, nekubonahalile kuli ku fosahalile; yema ukuzize, ube ni pilutelele.

271 Mushe ali, “Mwa ziba, hane Ni yendami fa mutomo wani, nekubile pilutelele tibeleso yeneli fani, kacwalo Nika libelela fela ni bone seo Mulimu aka eza.”

272 Fani nekuna ni linoha ze hulile zakale, linze li zamaya kufita cwalo, kushelana, kulila lila ku yeñwi ni yeñwi. Taba yapili mwa ziba, noha ya Mushe seiya, “Mizu, mizu, mizu,” ni kuli miza ku koomeza kaufela zona. Nabile ni pilutelele.

Bao baba libelela ku Mulena, baka ancafazwa
mata abona,

Baka pahama ka mafufa sina mbande.

Ki niti yeo nji? [Puteho ili, “Amen.”—Mu.] Mwabona? Eeni.

Baka mata mi habana ku katala, baka
zamaya mi habana ku zwafa.

Mwabona, mu no libelela fela ku Mulena. Mube ni pilutelele. Mwabona? Eeni, sha.

273 Mi Isilaele neika lu kululwa. Sekutaha lika ze swana zetuna, mi Mushe alibelela.

274 Mi ki ha ya kwa lihalaupa. Ki musipili fela wa mazazi amalalu kamba amane. Ki limaele fela ze mashumi amane kuzwa

fana silezi fani, fa buse fela bwa fone ba silezi hape. Kono, Mushe, mwa lihalaupa, alibelela myaha ye mashumi amane. Pilutelele. [Muzwale Branham waseha—Mu.] Amen. Yani ki niti. Na libelezi myaha ye mashumi amane. Oh! Eeni, sha.

²⁷⁵ Mi lulukela kuba ni pilutelele ku yomuñwi ni yomuñwi, niluna. Mwabona? Nako yeñwi. . . Luba—lubanga hahulu ba basina tibeleso ku yomuñwi ni yomuñwi. Lu hupula kuli lube sina Mushe. Mushe nabile ni pilutelele kwa batu. Mutalime, zani kona zene tisize kuli basike ba sila. Mwabona? Haiba ulika kueza sika. . .

²⁷⁶ Sina, Ni likile kuisa Liñusa le kwa tabernakele, kubona kuli wa siemba kaufela sa tabernakele abe *Se*. Ku tata kupeta. Ni likile kuba ni pilutelele; ye seli myaha ye mashumi amalalu ka-yemilalu. Mwabona? Mube ni pilutelele. Basali basa ota milili, isali fela baba swana. Kono mube fela ni pilutelele. Mwabona? Mube fela ni pilutelele. Mulibelele. Mwa lukela. Haiba hamuna yona, musike mwa lika kuyaha fa sika fafasi *fa*. Mube ni pilutelele.

²⁷⁷ Nahaiba nako iliñwi, fani sikwata sa batu ba bakwenuheli bani hane sibile ni kutokwa pilutelele, neba tiselize Mushe kueza sika sesi fosahalile. Kono, niteni, hane itile kwa ponahazo, Mulimu na nyikwile likezo za bona. Na ize, “I kauhanye kubona, Mushe. Ni ka bulaya sikwata sa bona kaufela, ni kukala sinca.”

²⁷⁸ Kiha i kenya mwa pakani, mi ali, “Mulimu, usike wa eza cwalo.” Sikamañi? Pilutelele kwa batu bene ba mu hanyeza.

²⁷⁹ Hani sepi haiba lwakona kueza cwalo? Haiba ha mukoni, musike mwa lika kuyaha ku *se*, kakuli halina—halina ku cinca, mwa ziba. Yani kona nzila yeo zapili neli swalani kukena ku *se*, mi yani kona nzila zeñwi kaufela za zona lilukela ku swalana. Haiba hamu cwalo, hamuna kufita fa siyemo sani sa sibaka mwa kuina Mulimu yapila, haiba hamuna pilutelele, pilutelele, ku yomuñwi ni yomuñwi. Ku lukile.

²⁸⁰ Bana ba Siheberu neba bile ni pilutelele. Luli, ne babile cwalo. Mulimu naba sepisize, kuba bulelela, “Musike mwa kubamela siswaniso kaufela.” Kono ne ba bile ni buiswalo. Bali, “Mulimu waluna wa kona. Kono, nihakulicwalo, haluna ku kubamela siswaniso sa hao.” Buiswalo, kakuziba cwana, kuli Mulimu uka mu zusa mwa lizazi la mafelelezo hape.

²⁸¹ Bupilo bo ha bu talusi hahulu, niteni. Mwabona? Mulimu uka bu zusa hape mwa mazazi a maungulo. Kono ha itaha kwa ku kubamela siswaniso, haluna kueza cwalo. Cwale, lu kafa Sesare sesili sa Sesare, kono, hai taha kuza Sesare ku lwanisana ni Mulimu, Mulimu kiyena wapili.

²⁸² “Mulimu naize, ‘Musike mwa kubamela siswaniso sani.’ Mi Nina hanina kueza cwalo. Mulimu waluna una ni mata aku lu lamulela. Haiba Ha ezi seo, Hanina ku kubamela siswaniso.”

Ali, “Kulukile, kiyani ondo ya mulilo.”

283 “Kihande,” ki hali, “oh, Na sepa, pula ika nela ka tata busihu kacenu mi ika utima.” Kono neisika nela. Neba sa na ni pilutelele.

284 Habusa lelitatama, hane ba tiszwe kwande fapila kuta, neku inzi Nebukadinezare. Ki hali, “Ku lukile, bashimani, kana mwa itukisa kuhupula kuli ni mulena mina?”

“Kaniti. Upile kamita, O mulena.”

“Cwale a mu kubamele siswaniso saka.”

“Oh, batili.”

285 “Kihande, muka cisiwa. Mu baana baba butali. Mu talifile. Mubile tuso yetuna kuluna. Mubile mbuyoti kwa mubuso wa luna. Kana hamu utwisisi kuli ha Ni lati kueza se? Kono Ni pangile mubulelelo fa, mi ulukela ku ezwa. Hani lati ku mi nepela mwateni mwani. Oh, baana, ki butata mañi bobuli ni mina?”

286 “Na ziba sani sa utwahala hande. Kono, Mulimu wa luna wakona ku lu lamulela. Kono nihakuba cwalo. . .” Nebabile ni pilutelele.

287 Seba kala kuya mwa njetumuko. Yo utalima yomuñwi. “Ku likani. Ku lukile.” Nebabile ni pilutelele. Bakena muhato ulimuñwi, Mulimu na siyo. Mihato yemibeli, Na li siyo. Mihato yemilalu, mihato yemine, mihato i ketalizoho, neba zwezi fela pili kuya, niteni Na li siyo. Mi kiha kena mwahala ondo ya mulilo osabisa. Nebabile ni pilutelele. Kono Yena nali teni. Mwabona? Mulilo nyana no ba ngunyutile, kucisa mihala yeneli kwa mazoho abona ni mautu. Mi cwale hana ilo nata fa lilaho la musima, Yena nali teni. Mwabona? Nebabile ni pilutelele.

288 Daniele taba yeswana. Daniele nabile ni pilutelele. Luli. Nasike ku tuhela. Batili, sha. Kisikamañi sana ezize? Na ba kwalulezi mahaulo ni kulapela, nihakuli cwalo. Neli zana bata Mulimu. Nabile ni pilutelele. Na libelezi ku Mulimu, kakuziba kuli Mulimu nakona ku buluka Linzwi la Hae. Kiha ba mu nepela mwa musima wa litau, bali, “Luka tuhela litau li kuce.”

289 Yena ali, “Fo ku lukile.” Nabile ni pilutelele. Kiñi? “Kihande, Ni libelezi nako ye kaufela, ku Mulimu. Haiba Ni lukela ku libelela myaha ye likiti hape, Nika zuha hape ka lizazi la mafelelezo. Kacwalo, ki haba ni pilutelele, mulibelele.”

290 Paulusi nabile ni pilutelele. Kaniti nabile cwalo. Mutalime seo Paulusi nana ni kueza. Mu bulela ka pilutelele!

291 Kucwañi he ka sicaba sa mapentekota? Ibile fela nebana ni tumo, “Mulibelele kufitela,” mwabona, “mulibelele kufitela mutala Mata.” Kufita lili? Neba sina nihaiba puzo, kuka nga nako yekuma kai? Neba bile fela ni kalabo, “Mulibelele kufitela.”

292 Nebaile fa halimu fani mi bali, “Ku lukile, bashimani, mwendi mizuzu ye lishumi ka ye-ketalizoho kuzwa cwale Moya o Kenile ukaba ku luna mi lukaba ni bulumiwa bwa

luna.” Mizuzu ye lishumi ka ye-ketalizoho ya fita, hakuna. Zazi liliñwi se lifita, hakuna; amabeli, amalalu, amane, aketalizoho, asilezi, asupile.

²⁹³ Babañwi ba kubona ne ba kali, “Yela, kana hamuzibi kuli luna ni Ona kale?”

“Batili, batili, batili, batili.” Kona cwalo. Batili. Yani ki niti.

²⁹⁴ “Ku hande muzwele fande, bashimani.” Diabulosi abulela, “Mwa—mwa—mwa ziba muna ni kale se mubata. Mu zwelepili, mukale bulumiwa bwa mina.”

²⁹⁵ “Batili, batili, batili. Haluna Ona, pili. Kakuli, Na ize, ‘Kuka taha, ze ka ezahala mwa mazazi amaungulo: Ka malimi a sikukuma ni malimi asili Ni ka ambola kwa sicaba se, mi ye kona Pumulo yene Ni bulela,’ mubone, Isaya 28:19.” Iize, “Se ki—se Kisona, muka—muka Li utwisisa hamuka... Kifi, luka ziba Ha sika taha. Luka ziba Ha sika taha. Luka si ziba, ‘Sepiso ya Ndate.’” Na libelezi kwani mazazi a ketalizoho ka amane. Mi cwale kala bu lishumi, “Nelili kwani.” Neba bile ni pilutelele, ku libelela.

²⁹⁶ Cwale, haiba una ni mufuta wa pilutelele yani, hasamulaho Mulimu hakufa sepiso ni ku ibona mwa Bibeles, “Ki yaka,” fohe kipeto libelela. Kutuhafo, haiba una ni mufuta wa pilutelele yani, uiekeze kwa tumelo ya hao. Mi mwabona cwale bupahamo bo se muli kubona cwale? Musweli kuya mu pahama fa halimu *fa* cwale. Ku lukile. Lunaka lwa waci fa lizoho lwa potoloha ka swanelo, nilona, nji cwani? Ku lukile. Ku lukile. Muekeze seo kwa tumelo ya mina.

²⁹⁷ Kamita mubeyange Yena fapila mina, kuhupula, kuli ki Yena yana sepisize. Nesi na, yana sepisize. Nesi mulisana, yana sepisize, kamba Muzwale Neville. Nesi mubuleli yomuñwi cwalo, yana sepisize. Nesi muprisita yomuñwi kamba popu. Nesi mutu ufi kaufela wa lifasi. Neli Mulimu yana file sepiso, mi Mulimu wakona ku buluka lika kaufela za Na sepisize. Ku lukile. Haiba muna ni tumelo ye cwalo, ya kuziba kuli Mulimu na sepisize! Muli, “Muzwale Branham, Na kula. Ni tokwa foliso ha butuku luli.” Aku iamuhele. Ki mpo ye filwe ku wena, eeni, sha, haiba wakona ku lumela. “Kihande,” mu kali, “Na lumela.” Mi mulibale. Ku felile. Kipeto kufelile. Mwabona?

²⁹⁸ Mube ni pilutelele, haiba muna ni pilutelele. Haiba hamuna yona, muka kulumuka kuwa kuzwa fa Muyaho wo, mwabona. Uka bulumuna kaufela ze siyezi fafasi, ona taba iliñwi yani. Mulukela kuba ni sani. Musike mwa si ekeza, kakuli, sika sinyo muyaho wa mina haiba hamuna pilutelele, haiba hamuna mata aku ekeza kwa tumelo yamina yeo mubulela kuli muna ni yona. Mi haiba hamuna tumelo ni yekana, mi mulika kubeya mata kuyona, ika lobaka tumelo yamina fafasi. Mwabona? Mu li, “Kihande, cwale, libelela

fa muzuzu. Hakulata a ki mafosisa kaufela, niteni. Mwendu Mulimu haki Mulimu. Mwendu mane hakuna Mulimu.” Mwabona, sika lobaka lika mwa liemba zepeli. Mwabona?

²⁹⁹ Kono haiba muna ni tumelo ya luli, mi mubeya teni mata a luli kuyona, mi ni zibo ya luli, mi ni buiswalo bwa luli, mi ni pilutelele ya luli. Mwabona? Musweli kuya mupahami fa mundandwe. Ku lukile.

³⁰⁰ Sabu ketalizoho, mukeze bumulimu. Oh, mawi! Bumulimu bu ekezwe. Bumulimu bu talusa sikamañi? Ne ni talimile mwa libuka za li taluso za manzwi zene kamba liketalizoho mane neni sika fumana nihaiba seo litalusa. Mafelelezo, Nenili kwa sibaka sa Muzwale Jeffries kwani, nelu li fumani mwa—mwa buka ya li taluso za manzwi. *Bumulimu* italusa “kuba sina Mulimu.” Oh, mawi! Hasamulaho muba ni tumelo, mata, zibo, buiswalo, pilutelele, mi muba sina Mulimu. Whew!

³⁰¹ Mu li, “hanikoni kueza cwalo, Muzwale Branham.” Oh, eeni, mwa kona.

³⁰² Mutuhele ni mi balele fela Mañolo nyana fa, fa muzuzu fela. Mateu 5:48. Lukanga iliñwi ye fa ni kubona mo ika utwahalela, Mateu 5:48, ni kubona kamba mulukela kuba sina Mulimu. Mwa ziba Biblele ibulezi kuli, “Mina mu milimu.” Jesu nabulezi cwalo. Kiñi? Mata kaufela, lika kaufela zeli ku Mulimu, li ku mina. Mateu 5:48, “Mu be. . .” Jesu wa bulela, mwa litaba za baba fuyozwi.

*Ki fohe mube baba p-e-t-e-h-i-l-e, (Kisikamañi sani?)
ku petahala, kuba sina Ndata mina. . .mwa lihalimu
hali ya petahalile.*

³⁰³ Mufitile fa halimu fa cwale, musika kupiwa kale kueza sani. Lika ze kaufela lilukela ku ekezwa pili. Mi hamuse mufitile fa halimu fa, Umi kupa kuli cwale mube baba petehile, bumulimu, bana baba shimani ni baba sizana ba Mulimu. Yani ki niti. Ki lika kwa buñata ze Ni kona kubulela fa neku lani!

³⁰⁴ Halu apuleni mwa Maefese 4, ni kufumana mwateni seo, mwa Buka ya Maefese, ibulela ka sika se, niyona, kamo lulukela—kamo lulukela ku ezeza. Maefese, kauhanyo yabu 4, ni kukalela fa timana yabu 12. Maefese 4, ni kukalela fa timana yabu 12. Ku lukile. Halu kaleleni fahalimu nyana fa timana yabu 11.

*Mi ubeile babañwi, ba apositola; ni babañwi,
bapolofita; . . .*

³⁰⁵ Muhupule maabani busihu? Musike mwa lika kunga ofisi ya yomuñwi. Mwabona?

*. . .mi babañwi, babuleli; mi babañwi, balisana. . .mi
babañwi, baluti;*

306 “Kwa ku petahala kwa Mulimu”? Kana kona mo ibalela cwalo? [Puteho ili, “Batili.”—Mu.] Ki ku petahala kwa sikamañi? [“Baba kenile.”] Ki bo mañi ba bakenile? Baba kenisizwe. Amen. Bona baba kalezi kwatasi *kwanu*.

...ku petahala kwa baba kenile, kwa ku sebeza kwa (bulumiwa bwa Jesu Kreste), kwa ku hulisa kwa mubili wa Kreste (kwa ku hulisa, ku U yaha, ku hulisa): kufitela...

Kufitela kaufela luna ha fita fa tamahano ya tumelo, mi...zibo ya Mwana Mulimu, ni fa mutu ya petehile, ku isa kwa sepiso, (oh, mawi), ku yofita fa sikala sa sibupeho sa mutalelela wa Kreste:

307 “Ku petahala,” kulwala bumulimu. Mu lukela ku ekeza kwa tumelo ya mina, bumulimu. Mwabona, mu kalela kwatasi *kwanu*, ka mata. Kutuha fo muya fa zibo. Kutuha fo muya fa buiswalo. Kutuha fo muya fa pilutelele. Cwale semuli fa bumulimu. Bumulimu! Oh, mawi! Nako ya luna isweli kucibilika. Halu boneñi. Kono mwa ziba seo bumulimu ne bu talusa. Mu opezi pina yeli:

Kuba sina Jesu, kuba sina Jesu,
Fa lifasi Ni bata kuba nge Yena;
Mwa musipili wa mwa lifasi kuya kwa Kanya
Ni kupa fela kuba nge Yena.

308 Bwani kona bumulimu. Fani ha Na bakuzwi kwa neku la lilama leliñwi, A sikulula leliñwi. Fani ha Na bulezwi bumaswe, Na sika bulela. Na sika kutisa ka buhali. Mwabona? Bumulimu, kamita mubatange nto iliñwi, “Ni ezanga kamita ze tabisa Ndate.” Mwabona? Eeni, sha. Kamita. Bwani kona bumulimu. Mwabona?

309 Hasamulaho mumano taha *fa*, ni *fa*, ni *fa*, ni *fa*, ni *fa*, ni *fa*, cwale se mu taha mwa sibupeho sesitezi sa mwana Mulimu. Kono mulukela kuba ni *se*, kubeya kwateni ze kaufela, mi mane hamukoni kukala konji mube ni *se*.

310 Cwale mu hupule sitengu ni mafufa a nalukapwa. Musike mwa si libala. Mwabona? Musike mwa lika ku si ekeza kufitela kaniti mu pepwa sinca. Kakuli, mina, halina ku beleka, mi hamu—hamu koni ku lieza kuli libeleke. Sika taha ku *se*, kamba *se fa*, lika bulumuka fokuñwi.

311 Kono hamuse mufitile kwatasi *kwanu*, nkwilimba ya luli ye pepilwe sinca, fohe kipeto ha musa ekeza sika. Ya ekeza ku mina, mwabona, itaha fa halimu, ku lukile, kutaha kwa ku petahala cwale. Ku lukile.

312 Hasamulaho, sa bu silezi, halu ekezeni, Bible ibulezi fa kuli, luekeze lilato la batu kamukana...lilato la batu kamukana. Cwale, lani ki lelinde, ona fa, sa bu silezi, busupa.

Ku lukile. Ku ekeza lilato la batu kamukana. Ku lukile. Cwale lu ye kusani, lilato la batu kamukana, muipeye ili mina mwa sibaka sa hae, fa taba. Cwale mu li . . .

³¹³ “Muzwale waka uni foselize,” ki Pitrosi yo. “Kana Ni muswalele,” ki hali, “ha linako zesupa ka lizazi?”

Yena ali, “Sebente hai alulwa ha supile.” Mwabona?

³¹⁴ Lilato la batu kamukana. Cwale, mwa bona, haiba muzwale uzwile mwa nzila, musike mwa baba batokwa pilutelele ni yena. Mwabona? Batili. Mwabona? Mube mwa bunde ni yena. Muye, nihakuli cwalo.

³¹⁵ Yomuñwi naize, haki kale hahulu, ali, “Mukona ku lumela cwani lika ze ka mukwa omu lumela kaona, mi musazwela pili kuya kwa Assemblies of God, ni ba Oneness, zeñwi kaufela?” Kutuha fo mubeye, mwabona, lilato la batu kamukana. Mwabona? Mwabona? Kakusepa, zazi leliñwi, mwabona; mube ni pilutelele ni yena, mwabona; buiswalo, muitiise ni yena; zibo, ku utwisisa sa lumela, muhupule, ki mwa pilu ya hae, sani kona sali sona; mata, ku mina bañi, kuli lizamaye ka lilato la batu kamukana, kuishuwa, ku yena; kuba ni tumelo kuli zazi leliñwi Mulimu uka mu kenya mwateni. Mwabona?

³¹⁶ Lilato la batu kamukana, taba yabu supa. Sapili, sa bubeli, sa bulalu, sabune, sabu ketalizoho, sabu silezi, sabu supa. [Muzwale Branham unata fa limati ha supile—Mu.] Mwabona, taba ya bu supa. Kutuhafo, cwale, musweli ku taha.

³¹⁷ Taba ye tatama, hasamulaho, muekeze kulata, yeli lilato. Lani kona licwe la ku kwalisa. Leliñwi la mazazi a, mwa keleke . . .

³¹⁸ Cwale, shangwe, taba ye i zibahale fa tepu, ni nako yeo kaufela, Hani kutazi se sina tuto, seo Ni ka bulela cwale. Kono Ni bata fela ku mibonisa sani, ka tuso ya Mulimu, seo sili sona luli, kuli, Bibeke yapili yeo Mulimu akile añola neli Zodiac mwa mbyumbyulu. I kalela ka mwalyanjo. I felela kwa Leo yona tau. Mi cwale ha Ni ka fita fa Liswayo la Busilezi ni Busupa, muka fumana kuli, fani cwale Liswayo leliñwi lani hane li kwaluhile, ona sisupo sa kansa fa Zodiac, tapi ye futuzwi. Mi lwani kona lusika lwa kansa lo lupila kulona cwale, ku patulula. Mi taba ye tatama ki Liswayo leli tamuluzwi, Ne i patuluzi Leo yona tau, Kutaha kwa bubeli kwa Krete. Wa taha, lwa pili, kuya ku mwalyanjo; Wa taha, ku tatama, Leo yona tau. Ni ka tisa se kwa . . .

³¹⁹ Cwale, Hani zibi kamba Ni kaba ni nako kakusasana wo. Ni kaeza zende ze Ni kona, ku mi bonisa kuli mihato ye imwa mundandwe o pahami, ona cwalo, Bibeke ya bubeli yeo Mulimu na ñozi. Enoke na liñozi, ni kulibeya mwa mundandwe o pahami.

³²⁰ Mi ya bulalu, Mulimu kamita upetahala ku zetalu, kutuha fo A ikeza Iliyena Linzwi la Hae.

321 Fa, cwale, muhupule, mwa mundandwe o pahami. . . Na sepa buñata bwa mina masole ni lika nemuli mwa Egepita. Mundandwe o pahami hauna sikwaheliso sa fa halimu. Neku sina. Ona—ona Licwe la Sikone, ni lika zeñwi kaufela zene banani, kono niteni. . .

322 Haiba muna ni dollar mwa pokoto yamina, mutalime fa butokwa bwa dollar, mi muka fumana kuli, kwa neku la silyo, ina ni mbande ni ndembela ya America. Mi kuñozwi kuli, liswayo “la ba United States.” Kwa neku leliñwi, ina ni mundandwe o pahami, ni licwe lelituna la ku kwahelisa ni lito la mutu. Ili cwana kwa neku leliñwi, “Liswayo le lituna.” Kulukile, haiba ye ki naha yetuna, kiñi liswayo lelituna le hali sabi liswayo tuna la naha ya lona? Mulimu wa lieza kuli bapake, hakuna taba kamba baya kai.

323 Ne ni ambola ni mualafi nako yeñwi, mi nasweli fela kuni fitisa fa mufuse, kaza foliso ya Bumulimu. Neni yemi mwa mukwakwa. Ki hali, “Bo Branham, mulyanganisanga fela batu.” Ali, “Hakuna foliso, konji ka milyani.”

324 Se ni sikuluha, kutalima fa sisupo fa mota ya hae, neli noha yani fa musumo. Se nili, “Kihande u zuse sisupo sani mwa mota ya hao, kutuha fo, kakuli sisupo sa hao tota sa paka kuli Mulimu ki Mufolisi.”

325 Mualafi wa luli wa lumela cwalo. Bani kibona baipumi. Eeni, sha. Noha fa musumo! Mushe na pahekile noha fa musumo. Na ize, “Kina Mulena ya folisa matuku amina kaufela.” Mi neba talimile kwa noha yani, kwa foliso ya Bumulimu. Mi ba paka ka bumaswe ka yona; ibo sisupo sabona luli si paka ku ba lwanisa. Whew!

326 Kwanu, naha yaluna, babulela lika zeo bali zona, mi ba keshebisa lika ze, ni masheleñi abona luli, mali abona, apaka kuli liswayo la mahalimu kaufela ki Mulimu. Mwabona lito lani leli yemi fahalimu fani, fa butokwa bwa dollar? Lani kona liswayo lelituna.

327 Neisika beiwa fahalimwa mundandwe o pahami. Neba sa utwisisi libaka. Licwe la ku kwahelisa neli hanilwe, yona Toho, Kreste. Kono Li ka taha, zazi leliñwi.

328 Cwale, mwa muyaho, mata. . . Kuyaha papazo ya licwe, kuyaha sibupeho se, mwabona, ukalela ka mutomo; tumelo, mata, zibo, buiswalo, pilutelele, bumulimu, lilato la batu kamukana. Cwale lieza sikamañi? Kutuhafo balibelela licwe la kwa Toho, yeli lilato, kakuli Mulimu u lilato. Mi Wa zamaisa, mi ki Yena mata a zona lika ze kaufela. Yani ki niti. Eeni, sha.

329 Ona mwahali *mo*, ona mwahali *mo*, mwa bona Ni nani, mwa hali, misebezi ye kaufela mwahali *mo*, mi fa kutaha mandinda nyana aa. Kisikamañi sani? Moya o Kenile utaha ushetumuka, kufitela ku Kreste, mwabona. Moya o Kenile!

Moya o Kenile u fahalimwa ze kaufela, kuciseleza ze hamoho, kuyaha (sikamañi?) Keleke ye petehile, kuli Licwe la ku kwahelisa likwahele Fateni.

³³⁰ Kisikamañi sesi ezahalile hape? Li bonahalizwe mwa Linako za Likeleke Zesupa, ni linumwana za Likeleke zesupa.

³³¹ Neli kalezi kwa mulaho *kwanu*. Keleke nei kaliselize kai lwa pili? Kikai kone i kalezi Keleke ya pentekota lwa pili? Ka Mulumiwa Paulusi, kwa Efese, ona naleli ya Keleke ya Lusika lwa Maefese, Efese.

³³² Keleke ya bubeli neli Simnar. “Mata.” Irenaeus, muuna yomutuna yana sweli Evangeli ya Paulusi.

³³³ Keleke ye tatama neli Pergamosi, yana li Martin. Martin muuna yomutuna yana pilile. Paulusi, Irenaeus, Martin.

³³⁴ Kuzwa fo mwa Tiyatira kutaha Columba. Mwa hupula? Ki se fa, si swanisizwe hande *fani*. Columba. Hasamulaho wa Columba. . . Linako za Lififi za taha mwateni.

³³⁵ Kutuha fani kwa taha Sardisi, ye talusa *kushwa*. Luther. Haleluya! Kisikamañi hasamulaho? Kiñi zene tatami kasamulaho wa Sardisi, Luther?

³³⁶ Kutuha fo kiha kuta Filadelfia. “Bumulimu.” Wesley, kukena! “Baba lukile baka pila ka tumelo,” kiyena Luther. Kukeniswa ka Wesley.

³³⁷ Kuzwa fani kwa taha lilato la batu kamukana, kufitela mwa Laodesia. Mi lu lumela Liñusa lelituna la ku bonahala kwa bubeli kwa Elia, mwa lizazi la mafelelezo, kuka bubana mwa naha.

³³⁸ Kifo he cwale, Linako za Likeleke Zesupa, mihato yesupa. Mulimu uyaha Keleke ya Hae, kuswana sina mutu alimuñwi ku yomuñwi, kukena ku Yena luli. Kanya, ona Mata a Mulimu, anza shetumuka kutaha *kase*, ku Li ciseleza hamoho. Kabakaleo, sicaba sa ba Pentekota sene si zusize ba Lutheran, sa zusa ba Wesleyan ni zeñwi, haba zibi zeba ambola fateni. Mwa bona, neba pila mwa siemba *se* sa tempele. Yani kona nzila, batu babañwi nebatile kutofita fa halimu fani mi seba wa. Kono kuna ni siemba sa luli sa sona, sesi panga kuli muyaho wani uzwelepili. “Ni ka kutisa,” ku bulela Mulena.

³³⁹ Mwa hupula *Kota Ya Munyaliwa*? Mwa hupula kutazo ka za *Kota Ya Munyaliwa*? Neba I cile kushetumuka, kono Yena nali kokozi kwateni. Nebangile mitai ya likopano; Na li kokozi kwateni. Kiha ba zusa keleke yeñwi, mitai ya likopano; A li kokola kwateni. Kono pilu ya Kota yani nei zwezi pili kuhula. “Mi mwa nako ya manzibwana kukaba Liseli.” Mwabona? Fani kona fo kutela Krete, ona Moya o Kenile. Jesu utaha fafasi mi uto lula ili Ona kwa Toho ya Keleke, mi Uka zusa Keleke ye, kakuba Mubili wa Hae Tota. Mwahali *mwani* kuna ni Mubili.

340 Mi nzila yeo Mulimu abata luna mutu ni mutu kuli luhule, ka nzila Ya hulisize Keleke ya Hae. Lusika lwa Keleke kaufela, Iba Keleke iliñwi yetuna. Mwabona?

341 *Lika* ze nelisa tokwahali kamo li inezi *lika* ze. *Se* nesi sa tokwahali kamo si inezi *se*. Mwabona? Kono Na hulisize Keleke ya Hae ka nzila yeswana. Na hulisize Keleke ya—ya Hae ka nzila yeswana Ya hulisa batu ba Hae ka yona. Mi Pitrosi fa uli, pili, lika zesupa: tumelo, mata, (mwabona, za taha), zibo, buiswalo, pilutelele, bumulimu, lilato la batu kamukana, muekeze lilato la batu kamukana, mi kuzwa fo lilato la Mulimu. Moya o Kenile, Kreste ku mutu wa Moya o Kenile, utaha fahalimwa mina, mwa kolobezo ya niti ya Moya o Kenile, mi muna ni mata a kaufela aswailwe ku mina. Kutuha fo, Mulimu upila mwa Tabernakele, yebizwa Muyaho, ona Tabernakele yepila ya Mulimu yapila ili sibaka sa kuina.

342 Mi cwale mutu hana ni lika za mufuta wo, kipeto Moya o Kenile utaha fahalimwa hae. Hakuna taba, wakona ku bulela ka malimi, wakona ku likanyisa mpo kaufela yeo Mulimu anani. Wa kona kueza cwalo. Kono konji kufitela mata a *mo* akene ku wena, usali kwahule ni mutomo, wa niti wa luli wa tumelo. Kono cwale mata a asa hulile, mi uekelize sani ku zona, fohe u papazo ye pila. U kalimu kaka pila, kaka zamaya.

343 Kono, mwa ziba, ba—ba hedeni, bakubamelanga kalimu ka kubupa, kalimu ka kuikupulela. Mi ka nzila ya ku nahana ba hupula kuli kalimu ka kuikupulela ka ba ambotanga. Bwani ki buhedeni. Bwani ki Buroma. Ba kubamela mifuta kaufela ya baba kenile ni lika zeñwi kaufela. Mi bana ni Muhalalehi Cecelia, kalimu ka ndu, ni zeñwi lika ze shutana cwalo. Ba kubamela zani, mi kaniti ba lumela zani ka mukwa wa ku nahana. Ki—ki mufuta o cwani, wa Mulimu wa niti ya pila.

344 Kono cwale luna, isiñi ka nzila ya ku nahana, kono lu kubamela fapila Mulimu yapila, mata apila, zibo yepila, pilutelele yepila, bumulimu bobu pila, Mata a pila azwa ku Mulimu yapila, apanga mutu yapila mwa sibupeho sa Mulimu. Ueza sikamañi? Lika ze swana zeo Jesu na ezize; ku zamaya ka nzila yeswana ya Na zamaile, ku eza lika ze swana za Na ezize. Kakuli, haki lika za kuikupulela. Kuna ni buniti bo bu paka.

345 Mwabona se Ni talusa? Mwabona kamo mata aa, lipangaliko za kuyahisa ze, li swanisisa linumwana za Keleke, ni linako za Likeleke? Cwale, leliñwi la mazazi a, lukanga leliñwi ni leliñwi la manzwi aa, ni ku abalisisa hande, ni ku bonisa kuli apaka ona ze. Kaufela ona azamaelela. Luli. Mwabona? Oh, mawi! Ki bunde cwani bo, mwabona, kubona seo—seo si eziwa.

346 Cwale, yani kona Ndu yeo Mulimu apila teni; isiñi muyaho ni mulangu omutuna fa halimu, ni moongola omutelele. Mwabona? “Kono Mubili kona o Ni lukiselize,” ki Mubili o

Mulimu akona kupila kuona, mo Mulimu akona ku zamaya teni, mo Mulimu akona kubonela, mo Mulimu akona ku ambolela, mo Mulimu akona ku belekela. Amen! Sibyana sesi pila sa Mulimu, Mulimu kuzamaya ka mautu amabeli, ku wena. Kanya! “Mizamao ya baba lukile i zamaiswa ki Mulimu,” Mulimu ku zamaya ku wena. “Kakuli mina mu mañolo a ñozwi, abalwa ki batu kamukana.” Mi haiba Bupilo bone buli ku Kreste buba ku mina, mukaba ni Bupilo bo Kreste na nani.

³⁴⁷ Sina ha Ni bile ni bulelanga kamita. Muzuse mulo mwa kota ya muselo ociwa, mi haiba mwakona ku i shimbulula, ka ku cinca sibupeho sa mwahali, kuba kota ya apule, kota ya apule ikona kubeya miselo ya litolwana zamwa naheñi. Luli. Kaniti i kabeya. Hakuna taba kamba mitai ibonahala cwani, ina ni mulo wa kota ya apule kuyona, mwabona, kamba kota yeo kaufela ili yona. Mwabona? Inga bupilo bwa yona mwa kota ya apule, ku uzusa kaufela ona, ni ku—ku ushimbulula kuzwa mwa kota, ni ku zusa mwa kota ya litolwana za naheñi kusela kuya apule. Ku ezahala sikamañi? Hai sana kubeya litolwana za naheñi. Mwabona? Batili, sha. Hai koni. Haiba bupilo bwa kota ya miselo ya naheñi butaha mwa kota ya apule, nitaluse, hai sana kubeya hape maapule. Ika beya miselo ya naheñi, mwabona, mwabona, kakuli ina ni bupilo ku yona.

³⁴⁸ Kihande, ha mu luise, zani haki zeñwi kwanda kuba sihwana, ona sitimbi, mwabona, mi hakuna sesiñwi ku luna, kakuli kaufela luna lu shwile kwa sibi. Luna kaufela lumwa mifuta yona ye. Mi cwale luna, kasibili, lwakona ku kubama niluna, kuipa luna bañi, konji Mulimu ange mupila wa Hae wa ku lu shimbulula ka ona, Libizo la Jesu Kreste, kakuli, “Hakuna Libizo lisili mwatasa Lihalimu ili koo lulukela ku piliswa ka lona,” mi ushimbulula Bupilo bwa Kreste ku luna. Fohe kipeto luna ni mufuta wa tumelo *ye*, ona tumelo yani Kreste ya na nani. Mi tumelo ya Kreste neisika toma fa Bafalisi bani, kamba Basaduki, kamba mwa lipoto zabona, li ketele, ni lipani, ni kutapa kwa bona. Neli tomile fa Linzwi la Mulimu, amen, hahulu, kufitela Kreste atoba Linzwi, Linzwi neli ezizwe nama. Mi cwale ha luba baba cincwa ka Mata Hae, kuli lushwe kwa neku la minahano yaluna, mi tumelo yaluna iba tumelo ya luli, haleluya, fohe kipeto Bupilo bwa Kreste bu shimbululelwa ku luna. Luba libupiwa ze pila za Mulimu, sibaka sa kupila ko Moya o Kenile ukona kuluma limbuyoti za Hae ze buheha kufitela mwani, mi luna lumwa siyemo sa Kreste.

³⁴⁹ Jesu naize, “Kana haku sika ñolwa? Mu Ni nyazize, kuli, ‘Ni Mwana Mulimu.’ Kana haku sika ñolwa, kuli, ‘Mina mu balimu.’ Kikuli mulao wa mina haubuleli cwalo?” Sina Mushe, sina Elia, sina bapolofita bani bene ba pilile bukaufi

ni Mulimu, kufitela Mulimu aishimbulula Iliyena kukena kubona. Mi ba bulela, isi bona bañi, kono Mulimu. “Musike mwa itukiseza sa kubulela, kakuli haki mina baba bulela. Ki Ndate ya pila ku mina; Kiyena ya bulela.” Manzwi a Hae a ki ahae anosi, kakuli, bupilo bwa hae, u shwile.

³⁵⁰ Ha mu shwa, muzusa mali mwa mubili wa mutu, mwa mu omisa. Butata bwa teni kikuli, buñata bwa bona neba sika omiswa. Mu zuse mali ku mutu, uile. Mi nto yeñwi ye mu ka eza ki kubeya mali amañwi ku yena; uka pila hape. Ne mu zusize mali ahae ku yena.

³⁵¹ Mi cwale lu beile Mali a Jesu Kreste mwatani, mwabona, mi sani sitisa tumelo ya Jesu Kreste, mata a Jesu Kreste, zibo ya Jesu Kreste, buiswalo bwa Jesu Kreste, pilutelele ya Jesu Kreste, bumulimu bwa Jesu Kreste, lilato la batu kamukana la Jesu Kreste, ni lilato la Mulimu, yeli yena Jesu Kreste. Ki yena Toho mi wa mi busa. Mi mautu amina ki mutomo, tumelo. Amen! Ku zamaiswa ki Toho, kunga...?....Kifo he cwale. Yani kiyena mutu ya petehile wa Mulimu, hase abile ni mata a.

³⁵² Kutuha fo, Mulimu, uyemela Keleke ya Hae sina Munyaliwa, musali. Mulimu uyemela Keleke ya Hae sina Munyaliwa. Mi ni nzila Ya tisa mutu ni mutu kwa kuba mwana Hae, ku kena ku Munyaliwa yani, Kimwa tiselize hape ni Munyaliwa mwahala masika, [Muzwale Branham unata hasupile fa limati—Mu.] kufitela A tisa Keleke ye petehile ye *ku se*.

³⁵³ Mautu aka azamaya. Kiñi? Kakuli toho yaka ibulela cwalo. Cwale, haikoni ku zamaya inge lizoho laka, kakuli ki mautu aka. Luther hakoni kueza lika ze lu ezize, niheba bona ma Methodist, kakuli nebali lika lisili. Mwabona? Mautu azamaya kakuli toho ibulela cwalo. Mi toho yali kuba ibulele kuli, “Cwale, mautu, amufetuhe mazoho. Zebe, fetuha ube meto.” Mwabona?

³⁵⁴ Kono, lusika kaufela, Mulimu utomile lika ze mwa Keleke ya Hae, ni kueza katata kuli mutu ni mutu una ni lika ze, una ni libyana ze. Mi sibupeho *Se*, hase sifelile, ki Keleke ya Mulimu yeya mwa Kuungelwa. Mi mutu *yo*, mi haku felile, uba mutanga Mulimu, mwa Keleke ya Mulimu, yani kiyena yaya mwa Kuungelwa. Kanya! Mwabona se Ni talusa? Kifo he cwale. Ki yeo fo taba yetezi.

³⁵⁵ *Kiha* se kutaha muuna, Paulusi, yana yahile mutomo. Irenaeus akala kusela *se* fateni. Yana tatami nasululezi *se*. Yana tatami nasululezi *se*. Yana tatami *sani*, ni *sani*, ni *sani*, mi ni kushetumuka kufitela litaha kwa lusika lwa mafelelezo. Kono ki sikamañi seo? Ki Moya o swana.

³⁵⁶ Ona moya oswana opila kuna, uli, “Mazoho, muswale fa sika sani.” Ona moya oswana, “Mautu, amu shenye ka muhato.” Mwabona se Ni talusa?

357 Kutuha fo, sibupeho mutumbi kaufela sa mina si busiwa ni ku zamaiswa ka lika ze, kono hau koni kuba o zamaiswa kufelelela kufitela uba ni zona lika ze.

358 Kana mukile mwa utwa se? Cwale ni mi bulelele se. Mi mube luli. . . Mubeye se kwa zebe yamina ye utwa. Mwabona? Liwenge litiyezi fa sibaka fo ku fokola. Yani ki niti. Ha li sika tiya kufita fa sibaka foku fokolela mukwazo.

359 Hakuna taba kamba ze li yahilwe cwani ka kutiya, se si yahilwe; haiba sina ni siemba sesi fokola, fani kona fosina ni kulobehela. Mi ha si sika tiya kufita siemba sani sesi fokola. [Muzwale Branham uswanisisa kwa siswaniso sa hae fa limati—Mu.] Cwale haiba muna ni, muli muna ni se, se, se, hamuna se, fani kona foku lobehela. Haiba muna ni se, mi hamuna *sani*, uka lobehela ona fani. Muna ni se, kono hamuna *sani*, sika lobeha. Se, mi hamuna se, sika lobeha. Se, mi hamuna se, sika lobeha. Mwabona? Mi haiba hamuna. . . Hamukoni kuba ni se kusina kuba ni se.

360 Kacwalo hamuka ipeya kamo muinezi kaufela, fohe kipeto Moya o Kenile uka suluhela ku mina, mwa mata ona a, fohe semuli tabernakele yepila. Mi batu baka talima ni kubulela kuli, “Yani ki yena mutu yatezi mata, zibo (wa lumela Linzwi), buiswalo, pilutelele, bumulimu, lilato la batu kamukana, utezi lilato la Moya o Kenile. Mwabona, kiyani fale, usweli ku zamaya.” Kisikamañi sani? Sibupeho seo ba basa lumeli bakona kutalima kusona mi bali, “Kiyani fani Mukreste. Kiyani fani muuna, kamba musali, yaziba sa sweli ku ambola fateni. Hamusika bona kale mutu yo munde, ya munati, wa bumulimu.” Mu swailwe. Liswayo liboniswa mwa maneku amabeli kaufela. Kamba mwaya kamba mwa taha, muka bona liswayo ka mukwa oswana. Kifo he cwale. Mwabona? Mi muuna kamba musali ha sa bile ni se, fohe kipeto Licwe la ku kwahelisa la taha kuto swaya mwa Mubuso wa Mulimu, yeli Moya o Kenile.

361 Kuzwafu cwale Linzwi, lelizwa *Kwanu*, la I ponahaza ili lona kufitela mwahala libupiwa zona ze, mwabona, ni kupanga Mutu ya tezi wa Tabernakele ye ya Mulimu yapila, ya zamaya, ili mutala opila wa Bukreste. Seo Krete nali sona, kona seo bali sona batu baa, kakuli Bupilo bwa Hae bu mwahali mwani. Bainzi ku Krete. Mi bupilo bwa bona bu shwile mi bu patilwe ku Krete, ka Mulimu, ni ku swaiwa mwahali mwani ka Mulimu. Makorinte Bapili 12. Yani ki niti. Mwabona? Muikunga ili mina sina baba shwile, fohe kipeto mupepilwe ka tumelo. Fohe kipeto mata ni lika zeñwi ze li ekezwa ku mina kufitela muba sibupeho se si petahalile, sa Mulimu. Sani ki sesinde? [Puteho ili, “Amen.”—Mu.]

362 Mi cwale Mulimu, ka sani, utisize hape Linako za Likeleke Zesupa, ku bonisa mihato yesupa ya Na tisize, kuyaha mutu wa Hae mwa sibupeho sa Hae, U yahile Keleke ye tezi mwa

sibupeho sa Hae. Mi ka zuho, ona Mubili o felile o uka zuha ni Yena kuyakuile, kakuli ki Munyaliwa. Mwabona? Kacwalo sani si pumile mwa lusika kaufela, lusika kaufela lone lutile.

³⁶³ Mi kuna ni zeñata ze sa tokwahala, muhupule. Muhupule seo Paulusi nabulezi mwahali mo mwa Maheberu 11? Ni mi balele fela sika sesiñwi lusika kwala kale fa, ka muzuzu fela. Mi kuzwa fo muka...Ki lika zekona ku mi utwisa muinelo usili ha Ni...kamita, ha Ni balanga se. Ni kanga Maheberu 11, mi Ni ka kalela fa timana ya 32.

Kiñi zeñwi hape, kisikamañi se Ni ka bulela hape? kakuli nako ki ye kuswani kuli ni mi bulelele za Gidioni, . . . wa Baraki, ni . . . Samisoni, ni . . . Jafeta; . . . Davida . . . ni Samuele, . . . ni za baplofita:

Ili bao ka tumelo bahapile mibuso, ba sebelelize kuluka, ba fumani kuze ne ba sepisizwe, ba tibile milomo ya litau,

Ba timile mata mulilo, ba bandukile kwa buhali bwa lilumo, bafolile kwa matuku, ba ezizwe lindume mwa ndwa, ba sa bisize . . . limpi za lila.

Basali ba amuhezi bafu babona haba zuhela kwa bupilo hape: . . . babañwi bakena mwa nyandiso, mi bahana ku lamulelwa, basika amuhela kuliululwa; kuli ba fumane zuho ya bafu yende:

³⁶⁴ Ku shetumuka kwatasi *kwanu*. Mwabona? [Muzwale Branham uswanisisa kwa siswaniso sa hae fa limati—Mu.] Ku lukile.

Babañwi ba nyandiswa . . . ka ku shubulwa . . . ni ka lipafa, eeh, ka . . . mawenge . . . mane ni ka litolongo:

Neba pobauzwi macwe, neba sahilwe fahali, neba likilwe, neba bulailwe ka . . . malumo: neba yambaezi mwa mukata ya lingu ni ya lipuli; kakuba babotana, ni kuzumwa, ni ku nyandiswa;

(Bona ba lifasi nelisa ba tabeli.) . . .

³⁶⁵ Mwabona, mwa tukozwana mwani, mu lemuhiile mwa li Bibe le za mina.

. . . neba zamaile mwa mahalaupa, ni mwa malundu, mi ni mwa misima ni mwa mañope a lifasi.

. . . ba kaufela, kakuli neba amuhezi piho yende ka tumelo, . . .

³⁶⁶ *Fa!* [Muzwale Branham uswanisisa kwa siswaniso sa hae fa limati—Mu.]

. . . piho yende ka tumelo, neba sika amuhela sepiso: (Mwabona?)

Mulimu kakuli na lu lukiselize lika zende, kuli bona luna lusiyo bakone ku petahaliswa.

³⁶⁷ Mwa utwa kana? Batu ba bene ba shwile, mwahali *mo*, ba itingile ni ku libelela ku luna. Kacwalo, Keleke *ye* ina ni kutaha kwa ku petahala, fa kukona kutisa zuho. Mi bainzi mwa tasi, mioya yeli mwatasa aletare, kulibelela kuli Keleke ye ifite fa ku petahala kwa Yona, ka nako ya taha Kreste.

³⁶⁸ Mi Keleke ye, mwa bona, se iba ye nyinyani, mwa bunyinyani. [Muzwale Branham uswanisisa kwa siswaniso sa hae fa limati—Mu.] Ki sesi buhali hahulu kufita fani, kono sina fela kuñola sifapahano sani, mwabona. I fitile fa kushenga kwa ndonga. Kufitela, Keleke, mwa bunyinyani, ina ni kufita fa sibaka sakuli ki mufuta wa bulumiwa bo bu swana bone bu siilwe ki se, kakuli, fani licwe la Toho le halika kuta . . .

³⁶⁹ Sina ni kaemba nyana sina pokoto *fa*, ha sika yo ina ona fateni fani, fa mundandwe o pahami. Yona haki kuwani fela ye inzi fahalimu. Ki bupahamo bobuñwi nyana, mi buna ni kuina ona fani, kakuli ya sulula mezi.

Mi cwale ha kuse kutile, Keleke ye ilukela ku loziwa.

³⁷⁰ Ze kaufela, liswala macwe mwa mundandwe o pahami, li inzi ka ku petahala luli kuli mane hamukoni nihaiba kufitisa kabemba fahali azona, lina ni buima, bobu inzi mwani. Mone ba li pahekela, ha ba zibi. Kono ne li yahilwe.

³⁷¹ Mi fa *halimu fa*, ha ku ka taha Sikwahezo sa mundandwe o pahami, mundandwe o pahami Kasibili, Mubili wa Kreste uka tokwa ku uloza. Isiñi fela ka litumelo zeñwi za bulapeli kamba lituto, kamba zeñwi ze lufitile ku zona. Sika tokwa kuli sipetahale luli sina Kreste, kufitela, Ha ka taha, Yena ni bulumiwa bwani lika swalana hande kaswanelo hamoho. Mwabona? Kona kuka taha Kuungelwa, kuya kwa Hae.

³⁷² Mutalime fo lupila cwale, mwa Laodesia, ko keleke neibile keleke ya lusika lo lu maswe ni kufita ze kile zaba teni. Mwa Bibebe, lu fumana cwana, neli yona fela nako ya keleke ya lusika lo Mulimu nali kwande a keleke, inza ngongota, kulika ku kutela mwa muyaho wa Hae luli. Lituto za litumelo ni likopano mane neli Mu kashelize kwande a keleke ya Hae tota. “Bona, Ni yemi fa munyako na ngongota. Haiba mutu kaufela anyolelwa mi akwalula sikwalo, Ni ka kena, nice ni yena.” Mwabona? Ki ze fa, mwa keleke ya lusika *lo*. Ne ba Mu latela kwande hanyinyani hanyinyani, kufitela *cwale* ba Mu leleka ka kufelelela kwande. Haba lati kuezza sika ni Yena.

³⁷³ Cwale mwa bona kacenu ko luya. Mane nihaiba kufela kwa Lusika lwa Keleke ya Laodesia se kubile kwa sihalihali, kufitela zona ni Bukatolika, bone bu to li lobaka ona mwahali *mwani*, za taha hamoho ni ku swalana sina keleke iliñwi yetuna. Ni swalisano ya likeleke, ki nto yeswana ni Bukatolika.

³⁷⁴ Kuna ni fela shutano iliñwi, haiba bakona fela kufita fani, kwani ki nga mulalelo. Sani kona sika fela sinosi mwa bukombwa bwa diocese, sani—sani—sani si tuhelisa Bukatolika

ni Buipanguli kwa ku kopana, kona butokwa bwa mulalelo. Keleke ya Katolika ili, “Ki mubili.” Mi keleke ya Baipanguli yona ili, “U yemela mubili.” Ba Katolika bapanga sebelezo ya masi ku yona. Masi ki, kuli, ba ca mulalelo, ku sepa kuli ba swalezwi. Baipanguli bona baca ka tumelo, ba lumba Mulimu, mwa mulalelo, kuli ba swalezwi. Baipanguli bona bali, “Lu swalezwi.” Ba Katolika bona bali, “Lu sepa lu swalezwi.” Masi ni mulalelo. Ba ibiza kuli ki masi; luna lu biza kuli ki mulalelo. Masi ki kusepa kuli ku cwalo. Mulalelo ki kuziba kuli ku cwalo, ni kulumba Yena ka ona. Mwabona? Mi sani kona sika sinosi seba sa koni ku kopanela hamoho kusona. Ba ka sieza.

³⁷⁵ Oh, si bonahala hande hahulu. Si ka swalana, ku mata... Sika—sika mata kaufela mwa... Kihande, Biblele iize kuli, “Mi libatana ze kiha lifa mata a zona kwa lihule,” mwabona, kuikonga konga ili zona hamoho. Mwabona? Ona cwalo fela mone i bulelezi Biblele kuli lika eza, lisweli kueza cwalo ona fa. Li inzi mwa musipili, ona sunda onaye. Isiñi kuli Ni nani sa kulwanisa batu ba Katolika, batili nihaiba batu ba Baipanguli kutokwa.

³⁷⁶ Mina ma Methodist ni ma Baptist, ni buñata bwa mina Mapentekota, fani likeleke za mina hali kena mwani mwa tumelano ya likeleke, fani hane ba nani muyaho omutuna onoli mwa New York, wa swalisano ya likeleke wani, ki nto yeswana ni mwa United Nations ni zeñwi. Balika ku tamahanya Baipanguli kaufela hamoho.

³⁷⁷ Cwale, Bukatolika ba butali ku zeo, mi baka tisa Pope John wabu twenti sili, kamba twenti tu, seo kaufela ali sona. Usweli wa lika, ka mukwa, wa buikokobezo, wo ishuwile kutisa tumelo kaufela ya Baipanguli ni tumelo ya Bakatolika kuba tumelo iliñwi, ona cwalo mone i bulelezi Biblele kuli baka eza. Kifo he cwale. Mi Baipanguli kona fo ba kondwa, kumangana, teku, ni kashuto.

³⁷⁸ Kiñi? Kiñi? Kakuli haba na zona lika ze. *Zibo*, “Linzwi kila niti.” *Pilutelele*, “Bao ba balibelela ku Mulena.” Mwabona se Ni talusa?

³⁷⁹ Sina bishopu yani wa Methodist hana bulezi zazi leliñwi, hane ba nyatezi sani. Mi mutu ni mutu wa ziba cwalo, kamo, sene si susumelize sani, kulika kuba ni tapelo yeñwi kuli ipetiwange mwa keleke, kamba mwa sikolo. Mi ni kubata kuli... Na sepa neli buka ya litapelo yaba Presbyterian, kamba sesiñwi cwalo, mi bashemi bazekisa ona—ona—ona sikolo kakuli neba sa lumeli kuli tapelo ye mwa likolo. Mi mu bishopu yo wa Methodist neli muuna muhulu ya butali, ki ha yema ni kubulela kuli, “Zani lifosahalile.” Ali, “Haliyo mwa mulao.” Na hohile moya wa zona. Kiha li, “Sina mwa keleke yaluna ya Methodist,” naize, “mwa keleke yaluna ya Methodist,” ali, “buñata bwa sicaba saluna kamita ba bulela

kaza butata bwa Hollywood, mi buñata bwa bona ka lipesenti ze mashumi aketalizoho ka amane ni aketalizoho abona bayanga ku yo libona nihakuli cwalo.”

³⁸⁰ Ki butata mañi? Neba siile lika ze. Yani ki niti. Neba siile sani.

³⁸¹ Ne nisweli ku bulela ona kwanu mwa sibaka se, zazi leliñwi, ku—ku—ku alimuñwi yomutuna wa likeleke za ba Methodist zeliteni mwa muleneñi kwani kwa Falls City, alimuñwi wa ba likeleke za moya hahulu kwani kwa Falls City. Kubonisa, lusika lwa Methodist lolu tata bukaufi ni lusika lwa luna kwani, ba Pentekota. Mi ki hali, “Mwa St. Louis, Missouri, neba bile ni ku batisisa, mwendi ka likweli zetalu kamba zene ze fitile, mi mufumane.” Muna yani hakulata uinzi mo kakusasa cwana. Kihande, kiyena yene ba bizize kuto yaha wo, kuto lu yahela muyaho wo. Kwa Main Street Methodist, kona kwa fumaneha, ko Muzwale Lum mi bona neli bo mulisana. Kacwalo he lufumana kuli, mwahali mwani, Na lumela kuli neli mapesenti a mashumi aketalizoho ka amabeli ni ketalizoho a batu a Methodist mwa kunyakisisa, kuli, patisiso ya ba St. Louis, nei bonisize kuli mapesenti aeza mashumi aketalizoho ka amabeli ni ketalizoho cwalo aba Methodist neli bazubi, ni mapesenti aeza sikisite eiti abona banwa macwala akola. Mutu wa Methodist! Mi taba ye komokisa neli kuli, hane ku filwe patisiso yateñi, kamba kuakaleza mwahala baana ni basali; basali, neli sebente, mapesenti aeza mashumi aketalizoho ka amabeli ni zeñwi cwalo, kuisa bukaufi ni mapesenti aeza mashumi aketalizoho abona neli baana. Basali babañata ba zuba ni kunwa kufita baana. Mapesenti aeza mashumi aketalizoho ka amabeli, mashumi aketalizoho ka amabeli ni amañwi cwalo, neli basali babañata kufita baana.

³⁸² Cwale kucwañi haiba luna ni kuya mwa Tuto ya Bibeles ya kutina tuputula, ni kuota milili, ni lika ze cwalo, mwabona, koo bumulimu, basali baba ipulela kuli ki balapeli ba bumulimu ni kukena? Mikiti ya kubina ni lika zeñwi cwalo, basebi, mahata, baba sina buiswalo ka malimi abona. Malimi abona ambombola ni ku seba, ni kuzamaya kafa ni kafa. Kucwañi he kwa baana? Mikiti ya kubina, lipapali za gofu, kwande kwani batinile licika, tuapalo totunyinyani twa kale twa masila cwalo, ni basali bani hamoho kwande kwani. Kona libaka!

³⁸³ Mwabona litaba ze masila zani ze beiwa ku mukutazi yani mukutazi wa mutamiwa, kakusasa cwana? Eeni, sha. Hani sepi kuli muuna yani una ni mulatu ka sani. Kisikamañi sene si ezahezi? Yani ki Muzwale. . . Hani koni ku nahana ka yena. . . [Yomuñwi uli, “Dan Gilbert.”—Mu.] Eeh. Dan Gilbert, mukutazi wa mwa tolongo. Fani muuna yani hana matile ni kuyo bulaya Dan, kwanu likweli nyana ze fitile, mi cwale fa musala hae ulibelezi mbututu. Kakuli, Dan u shwile, haba koni kubeya

mali ku mbututu cwale. Ubulela kuli Dan na fosize ni yena ka kapelezo, mi yani kona . . . “Yani ki mbututu wa Dan.” Mufuta wa . . . Hani lumeli sani sina ha Ni sa lumeli kuli ki—kuli ki—ki liñwalala lina ni mafufa a nkwilimba. Batili, sha. Na lumela ki buhata. Na lumela kuli Dan Gilbert nali muuna wa Mulimu. Mi Ni lumela kuli ani ki makilikicani a diabulosi.

³⁸⁴ Sina nto yani yelika kufeza litapelo za bona. Mu bishopu wa kale yani wa Methodist—Methodist nali ya butali kuli aswale zani. Haiba naka eza, haiba zani nelika zwelapili, zani neli susumelizwe fela ki lika zeñwi. Yani ki niti.

³⁸⁵ Sina fela butata bwa ketululo ye kwani kwa Mboela, lika ze swana. Na sepa baana balukela ku lukuluha. Na sepa naha ye iyemela tukuluho. Hani nyazi Bo Kennedy ka kuluma masole bani. Nihaiba, ha—ha Ni “mucaha yo munca,” mi hape ha Ni wa Tukuluho. Na hani wa Licaba. Ni Mukreste. Kacwalo Na . . . Kono Hani lumeli ku zani. Hani lumeli kuli batu ba bansu balukela ku lekisa litukelo za kupepwa kwa bona kwa lika ze cwalo, nibona. Neli mu—mu mukiti wa Licaba. Mali a Abraham Lincoln na lukuluzi sicaba sani kakuli nali muuna yomunde. Na sepa balukela ku kumalela kwa mukiti wa katengo ka bona haiba baka ba ni kuketa ni hanyinyani.

³⁸⁶ Kono Na mi bulelela taba iliñwi, mushimani yani na sikaba kwani bakeñisa fela kuli, likolo zabona. Mushimani yani ki wa mwa naha. Ki mu American. Ye ki tukuluho ya batu kaufela. Mubala wa mutu ha ulukeli ku cinca shutano ya hae. Luna kaufela . . . “Mulimu,” ali, “ka mutu alimuñwi, uezize mali kaufela, linaha kaufela.” Kaufela luna lu alimuñwi. Kono, mushimani yani, nali musole. Yena ki wa mwa hae. Na lwanezi se sinde. Na nani tukelo ya kuya kwa sikolo. Yani ki niti. Kono nana ni likolo zeñata kwana lukela kuya.

³⁸⁷ Kona seo taba ili sona. Haiba muya kwa mulaho wa zona, ki lika za likopano za lizazi le la kacenu zeli kwani, ze sweli ku susueza zani. Kiñi? Basweli kuzukuza maboti ani a mansu kuzwa kuba Licaba kuya kuba Tukuluho, mi basweli ku lekisa litukelo za kupepwa kwa bona ka zona. Luli ki niti. Moya o Kenile hauyo mo . . .

³⁸⁸ “Yo yana ni butali.” “Yo yana ni zibo.” Luli. Kuswana fela sina keleke ye, lusika lo lwa kacenu, kuitekisa ili lona. Kana hamuboni sesi ka ezahala?

³⁸⁹ Hanina taba kamba se sa tepiñiwa. Ki seo sa taha. Uh-huh. Eeh. Ki butata mañi? Boma ne ba bulelanga kuli, “Mufe diabulosi likalulo za hae.”

³⁹⁰ Kuna ni muuna alimuñwi yana ezize taba yende, yani neli Castro ona kwani. Eeni, sha. Na ile kwateni kwani. Mi ba litekisano neba na ni lipafa kaufela ni lika kaufela . . . ifa mayemo a butokwa, sina mwa United States. Kiñi sana ezize? Na lekile li kutwano zani kaufela. Kunga masheleni

kaufela anakona. Kiñi sana ezize hasamulaho? Na lyanganisize muinelo wa masheleñi, mi aa cinca. Ku li beya hape kwani. Yani kona taba fela yeo naha ye neikona kueza.

³⁹¹ Kana ne mu utwile kaza *Life Line* kakusasa omuñwi? Kiñi, mwa ziba, kuswana fela sina ku lekisa litamiso za gauda. Litamiso li se liingilwe kale. Mi muso wo wa kacenu usinyeza mali kwa sikamañi? Ka masheleñi a mutelo oba kaba ni ona kasamulaho wa myaha ye mashumi amane. U felile. Yani ki *Life Line* yezwile mwa Washington D.C., kuhasana mwa naha. Mitelo ye ba itusisa, ni kulika kuleka za kwahule. Kihande, basweli fela kuifanisa ona cwalo nihakuli cwalo. Kana hamuboni nji? Sani kona luli seba—seba ka eza. Mwabona? Kisikamañi? Cwale, haiba naha ye ika panca, taba fela ye ikona kueza ki kupanca. Taba fela yeo ikona kueza ki ku felelwa ki mali.

³⁹² Sani kona sika fela sinosi sesinde sa kueza, ku cinca mufuta wa masheleñi. Kono habana kueza cwalo, kuya ka tamaiso yeliteñi cwale. Keleke ya Katolika ya Roma kiyona yesweli gauda ya lifasi. Mi se ba ka eza ki ku lekisa, “Baana baba fumile ba,” ni ba bañwi cwalo, “ba lifasi,” sina Bibehe ha ibulezi. Kisikamañi se ba kaeza, ba si ka luza kale? Ba Brown niba Kampani ya Kwai ya Williamson, buñata bwa yona ki ma Katolika, nihakuli cwalo. Ni lika zeñwi ze kaufela, kisikamañi se ba ka eza? Baka a muhela sani, mi bakanga masheleñi kuzwa kwa Rome, mi he ulukisize tukelo ya kupepwa kwa hae luli. Rome ya mu yemela. Eeni, sha. Uka li yemela. Mi basweli kuba ni milao yemiñata cwale, kuba ni yemiñata mwahala bona, ku itisa mwa kashandi ka hae. Mutalime seo Bo Kennedy ba kupa.

³⁹³ Mi cwale hamuse muboni se, ka zazi leliñwi, hakuna kuba ni butokwa bwa kuketa liketisa hape. Ki tuso ifi ya kubota? Fani, hane ba si beile mwa mutende, ni ku si nyakisisa fapila silundwamanje, mi ba hana kueza sika kaufela ka sona. Fani, hane ba nyakisize kuli mishini mwa naha kaufela nei lukisizwe, kuli ba toketa Bo Kennedy ka boti ya kapelezo. Kana Bibehe hai buleli kuli uka taha mwateni ka bupumi? Luli, buhata. Cwale, Hani lwanisi ba katengo ka Tukuluho kamba mane kulwanisa katengo kaba Licaba, kono Na ni bulela fela niti yamwa Bibehe. Ki tuso mañi ya kubota? Ba ziba yaka kena mwateni mwani.

³⁹⁴ Ki babakai ba mina baba hupula hane ba patalalize basali ba babeli baba yema? Mi alimuñwi, “Na nika botela Bo. . . .” Kamba, musali wa Muipanguli naize, “Na nika botela Bo Kennedy.”

Nebaize kuli, “Kiñi?”

³⁹⁵ Bali, “Kakuli Ni sepa kuli ki muuna ya butali kufita Bo Nixon. Ukaba Mutompehi yo munde.”

396 Mi kiha li, “Yo ki musali wa Katolika. ‘Kimañi ye mu ka botela?’”

397 Yena ali, “Nina niwa Katolika, wa Katolika ya Roma, mu Katolika ya ishuwile.” Yena ali, “Mi Na nika botela Bo Nixon.”

“Kiñi?”

398 Ali, “Kakuli, Na sepa Bo Nixon bakaba Mutompehi yo munde kakuli utwaezi hahulu lika. Yena una ni zibo hahulu kaza swalisano.” Musali yani na bulezi buhata.

399 Ni na niba *The . . .* seba biza kuli, *The Facts Of Our Faith*, buka yetuna kakufitisisa ya Katolika yakona kulekiwa. Mi ibulela mwani kuli, “Haiba kuna ni mu Katolika fa tikiti, yani uka lwanisa Baipanguli; haiba mu Katolika ubotela Muipanguli, ba mu leleka kuzwa mwa kopano ya keleke ya Katolika.” Luli. “Mi haiba kuna ni ma Katolika bababeli baba matela ofisi yeswana, baka nopa mu Katolika ya ishuwile luli kwa ‘keleke ya mushemi’ mi ba mu keta ka kubota.”

400 Mwabona kamo, bupumi bwani, seba sweli kulika kueza? Kufanisa fela masheleñi, ku leka. Kiñi? Balika ku li fosa. Mi basweli kuli eza, mi yena hana masheleñi. Mi ki sikamañi sani? Ki fa siyemo sa gauda. Mi keleke ya Katolika, mundandwe wa litulo, kona ona ni gauda ya lifasi. [Yomuñwi uli, “Ki ma dollar a mabilioni aeza mwanda ni mashumi a silezi ka a ketalizoho ni zetalu—Mu.] Mwanda ni mashumi ka silezi. Kifo he cwale. Ubeile mukokoto wa hae kwa siyemo sa gauda, mi mina sicaba mu buluke malapa amina ni libyana, kono muba siemba sa keleke ya Katolika. Naha kiya ba keleke ya Katolika. Taba kaufela imizizwe ona mwahali mwani sina cwalo, ka butokwa bwa masheleñi abona. Kana Bibehe hai buleli cwalo? Sani kona siswaniso seo Bibehe i lu swaniseza.

401 Se Ni lika ku bulela, muzwale, kacenu. Baka bulela kuli, “Sani sika panga keleke yende. Sika tamahanya Buipanguli.” Si bonahala bunde kwa liito la butu, kono zibo ya lifasi le ki bukuba ku Mulimu.

402 “Mi neku tabisize Mulimu, ka bona—ka bona bukuba bwa kukutaza, ili kupilisa baba latehile,” ka ofisi ya Bumulimu, ya Na beile mwa Keleke ya Hae, kuyaha Keleke fahalimwa likalulo za moya ze mi isiñi fa sika kaufela sa mwa lifasi.

403 Pitrosi naize, “Mi kakuli mu bandukile kubola koku liteni mwa lifasi ka takazo ya masheleñi, ni takazo ya nako yetuna, ni munyaka, ni kuca, ni kunwa, ni takazo ye lu nani. Mu bandukile zeo. Mi cwale mu yahilwe mwahala bupilo. Ni ambola seo kwa Keleke,” kiha bulela. Kifo he cwale. Kana mu balile seo? Kana mu i utwezi sona? Kana ne mu i utwezi sona hane lubala fa mwa Pitrosi wa Bubeli? Muteezeze fela sa bulela fa cwale, ki bunde mañi bobu ñozwi mwahali mo, kamo a—a ambolela zateñi. Ku lukile. Muteezeze ku yena hanza bulela. Ku lukile.

Pitrosi, *Simoni Pitrosi, mutanga ni muapositola wa Jesu Kreste, ku bona baba...neba amuhezi tumelo yende yeswana ni yaluna ka kuluka kwa Mulimu ni Mupulusi wa luna Jesu Kreste:*

...koko ibe—ibe ye ekezwa ku mina ka zibo ya Mulimu, ni ka Jesu Kreste Mulena luna,

Kuya ka—ka mata a hae a bumulimu ulufile lika kaufela...

404 Kimañi yaka yola lifasi ni lika kaufela? [Yomuñwi uli, “Babakenile.”—Mu.] Luli. “Balukela...” Eeh. Ku lukile.

...ze ama bupilo ni bumulimu, ka zibo ya ya lubizize kwa kanya kuli lufite kuza kanya:

Ili ko lu filwe lisepiso ze tuna...zende: kuli ka zona mube bo muca sanda sa sibupeho sa bumulimu, ka ku banduka kubola (Muteeleze ku seo.) ko kuliteni mwa lifasi ka litakazo.

405 Takazo ya masheleñi, takazo ya lika zetuna, takazo ya kabubo, lika ze li shwile ku mulumeli. Luna haluna taba. Tende kamba sipapela, kiñi ha Ni li bilaela; kupila kamba kushwa, kunwela kamba kutiba? Ye kona taba ye Ni iseza muhupulo ka yona, Mubuso wa Mulimu. Kamba Na babalela lapa laka, kamba Na babalela lubasi lwaka, kamba Na babalela sika seo kaufela sili sona, nibata ku babalela Kreste, sepo yaluna ya Kanya.

406 Uni yahe, O Mulena, mwahali a *Se*. Kreste abe Toho yaka, ya beleka ku na. Fa mutomo waka, tumelo yaka yeli ku Yena, kutuhela mata, zibo, buiswalo, pilutelele, bumulimu, ni lilato la batu kamukana, libeleke ku na, O Mulena, kona tapelo yaka. Na hani bilaeli; kupila kamba kushwa, kunwela kamba kutiba; kopano, kutokwa kopano; mulikani kamba kutokwa mulikani. Zani Li beleke ku na, kube mata a Kreste, zibo ya Hae, libube, kuli Ni kone ku luta bani.

407 “Kakuli Mulimu u beile mwa Keleke, ba apositola, baplofita, baluti, balisana, ni babuleli, kaufela ki kwa ku petahala ni ku hulisa mata a kaufela mwahala yona, kabakala ku petahala kwani kwa Kutaha kwa Mwana Mulimu.” Leliñwi ni leliñwi la macwe *aa* ki lipangaliko za Lililiñwi lani. *Se* ki sipangaliko sa *Se*. siemba kaufela sa mata a ki sa Hae, mi lisweli ku suluha kuzwa ku Yena, kukena ku zona. Amen.

408 Seli twelufu kiloko. Kana kaufela zona liya kai? Amen. Kana mwa Mu lata? [Puteho ili, “Amen.”—Mu.] Kana mwa lumela cwalo? [“Amen.”] Muteeleze, ba banyinyani.

409 Kezeli Kidd naize, kakusasana cwana, “Muzwale Bill, Ha ni zibi kamba Ni ka kubona hape.” Sani ne si bata ku ni bulaya. Mwabona? Uhupula kuli mwendi wa supala, mi u supezi. Ne ni lapezi ku Mulimu kuli amu banduse yena ni Muzwale Kidd, nako ya kale.

410 Ni mi bulelele cwana, halu zibi kuli lu kanga nako yekuma kai lunze luli ni yomuñwi. Hani zibi kuli ku kanga nako yekuma kai Ninze niinzi ni mina. Mulimu wakona ku ni biza kuzwa mwa lifasi. Wa kona ku ni bizeza kwa sebelezo yeñwi. Wa kona kuku bizeza kokuñwi. Halu zibi. Kono, halu—halu amuheleni. Lusike lwa tuhelela se kuli si fitelele fela kulu siya. Halu ikungeleni sona.

411 Ki sani cwale, mwa Bibebe. Ki se fa, sa swanisisa lika kaufela. Mi haiba Ne ni kaba fela ni nako ya ku sieza! Hamu koni kueza mwa zazi liliñwi. Mwa ziba cwalo. Kono, za kona ku tamahanya lika ze kaufela hamoho!

412 Mutalime, hane lufelize ka liñusa lani kwani, mwa bona seo Moya o Kenile no ezize kwani fa limota, nji cwani? Ki baba kai bene bali kwani? [Puteho ili, “Amen.”—Mu.] Mwabona? Luli! Kutaha ka kushetumuka cwalo, neu swanisisize nto ye swana, ona Lingeloi la Mulena lani.

413 Mwabona, ki niti. Musike mwa tuhela kuli si mi bolomoke. Mu swalelele kusona, banana. Mu swalelele ku sani. Muhupule, mu yahe fahalimwa tumelo ya mina, mata, zibo, pilutelele!

414 Cwale, kwanu, Na sepa Ne ni nani kaemba ka pampili fa, haiba ha Ni sika ka yumbela kokuñwi hane Ni kutaza. Onafa ki ka. Ni itumezi, muzwale. Ni itumezi, hahulu luli. Haiba mubata ku—ku talima kuzona, mi mubone haiba kuna ni sesiñwi se mu bata kukona ku. . . Mwendi ki mufuta omunde kufita wani oinzi fani, kuli mukone kukopisa zeñwi za yona fateni. Ni ka kabeya fela kuka comeka fa, mi kaniti mwakona ku talima ku yona mi—mi mu kopise ku yona.

415 Mi Ni bata kuli mu linge mi muli balisise, mi muli bapise, mi cwale mu eze sesiñwi ka sona. Musike mwa balisisa fela ka zona, muli bapise, kono mueze sesiñwi ka zona mumano balisisa. Mulinge ka kusepahala ku mina bañi. Musike mwali, “Kihande, Ni i kozi ku teezeza ku zona.” Ni na, niikozi. Kono kwa ku teezeza ku zona, mi cwale ni ku li amuhela, ki shutano. Mwabona? Mwabona? Ki shutano. Mwabona?

416 Kuna ni linepo ze supile ze panga sibupeho sa Mulimu. Kuna ni Linako za Likeleke Zesupa, zeo Mulimu atisize Keleke mwa linepo ze. Mi Ubile ni linumwana zesupa kuli lieze zateñi. Kuna ni zesupa, supile, supile. Mwabona? Supile ki—ki nombolo ya Mulimu ya kufeleleza, mi bulalu ki nombolo ya ku petahala kwa Mulimu. Kacwalo, kuna ni zetalu, ni li supile zetalu. Kacwalo, ka lipalo, ka moya, ka Linzwi, ka bupaki bwa Moya o Kenile, kaufela lifelize lika zateñi hamoho. Halu li balisise.

417 Halu ekezeni kwa tumelo ya luna lika ze, kutuha fo, kuli lufite fa sibupeho sa Kreste; kakuba baba swalani hamoho ka lilato la bumulimu, sabo ya Mulimu, likute mwa lipilu zaluna ku yomuñwi ni yomuñwi, likute leli tibile ku yomuñwi ni

yomuñwi, lilato la mizwale ni likezeli, isiñi ka ku nyemisa, hakuna kono ki kukena fela kwa Moya o Kenile opila. Mwabona? Kupila hamoho, mube Bakreste. Kuzamaya ka tumelo. Mutuhele mata a Mulimu abube ku mina; mutuhele zibo ya Mulimu, hai taha kuza ku petahala ni kufosahala. Fani diabulosi atisa sesiñwi sesi siyo mwa Mañolo, muzamaele kwa hule ni sona. Yani ki niti.

418 Na kona ku nahanisisa kuli ba apositola bani neba sika eza sina cwana. Neba ya kwa ni kwa, luli neli batu ba manzwi alikani, kufita haba taha fa katala. Neba zamaile ku zona ni baeza zene lukela ku ezwa, mi ba ya kwande. Eeni, sha. Neba na ni kutiya. Neba na ni mata. Neba sina likañi ni batu. Baziba fo ne ba yemi. Ku felile. Neba ziba yene ba lumela. Neba zwezi pili ku zamaya mwa Moya. Kueza fela. . .

419 Sina fela mone Ni bulelezi busihu bobuñwi. Ku lumela ka toho hañwi, kona fela za na ezize Mulimu, kona kuli hakuna sene sika ba hanisa. Neba sika buzabuza kamba ku balisisa, ni ku ñuñuna ni ku bilaela sina mo lu ezeza, kamba baeze se kamba *sani*. Neba zwezi pili kuyo eza cwalo, nihakuli cwalo. Ku lumela ka toho hañwi kuzwa ku Mulimu, zani neli kondisize, ona fani fela. Kiñi? Neba kona cwani kuziba kuli neli kulumela kwa Mulimu? Neba nani mata a kaufela mwahali mo, linepo ze kaufela. Mi kulumela ka toho kwa pili kwa Mulimu neku bapisize lika kaufela ze nyinyani *za teni*, mi ka Linzwi la Hae. Neba zibile kuli ki Linzwi la Mulimu, mi ona fani seba ya. Neba sina za ku bilaela kazona. Fani Mulimu hana bulezi, ne ba ya. Lwa bulela. . .

420 Mulimu wa bulelanga ku luna, mi niluna lukali, “Kihande, luka kala kwateni. Luka bona haiba lwakona kupila Bupilo bo.” Sika sapili mwa ziba, yomuñwi a mi filikanya. Kihande, luli, yani ki diabulosi.

421 Mu lukela ku mubona halika kuni isa kwahule ni mukopano wo kakusasana wo. Mu lukela kuba ni sani nako yeñwi. Oh, sishemo! Ni lukela ku lwana nako kaufela ha Ni bulela mukopano. Mi haiba ni ya kwa ku lapelela mukuli, mi yomuñwi wa shwa ni asika piliswa, kukona kuba lipizo ze mashumi amalalu mwa mizuzu ye lishumi, haiba bakona kuba ni zona kapili, kuni buluka kuzwa kuzona. “Oh, Muzwale Branham, mu lukela kueza se.” Kono kuna ni moya o sinyeha. Luli. Eeh.

422 Busihu bobuñwi, Ne ni bizizwe kwa sibaka. Mucaha yo munyinyani, Neni ambozi ku yena kwanu mwa sibaka se mu biza kuli, musika wa supa maketi, myaha yelikani. Na bile munwi wa bucwala. Ne ni ziba mushimani, mushimani yomunde, kono nali mueza libi. Mi kacwalo bo mahe ba biza. Na sepa na bizize Doc linako zeñata nyana. Na. . . Bizize, mi seba biza Billy, mi—mi mafelelezo Na to utwa liñusa. Mi

cwale hane Ni amuhezi liñusa, busepahali kuisa bunde, Ne nisika ikataza hahulu mwa bupilo bwaka, kuli ni yofita ku mushimani yani.

⁴²³ Mi hane Ni ilofita kwani, mutu yani nani zibile hande luli. Nali ona kwani, inza lobezi kwani, kusina kuziba sika, ni ku zwelapili cwalo. Ndatahe inza lika ku mu omba omba, mi ali, “Mulatiwa.” Mi muuna yani una ni myaha ye mashumi aketalizoho, mwendi seli mashumi aketalizoho ka iliñwi aku pepwa. Mi ali, “Mulatiwa,” *cwana*, “mi alobala akuzize.” Mi nalika kuli azuhe. Mazoho ahae amanyinyani ani *cwalo* ali ku mu kambeka. Mushimani nana ni kansa luli konji hane kusina tuso kwanda kansa ye swalani. Likalulo kaufela za mubili ne li na ni kansa. Mane niheba misinga ya hae neli fela kansa, lika kaufela. Mi nali fani, inza lika kuzuha, ni ku zwelapili cwalo.

⁴²⁴ Na to mu nanula ka lizoho, Na li, “Woodrow, Woodrow, yo ki Muzwale Branham.”

⁴²⁵ Bo ndatahe sebali, “Kana ha uzibi? Yo ki Muzwale Bill. Woodrow, yo ki Muzwale Bill.”

Yena ali, “Uh. Huh. Uh-uh-uh.” Sina *cwalo*.

⁴²⁶ Mi bo ndatahe seba talima mi bali, “Billy, utile ka ku liyeha nyana.”

Se nili, “Haku sika liyeha. Yena uteni fa.” Ni bile ni ndwa.

⁴²⁷ Mi cwale bashimani babañwi, bashimani babañwi cwalo, baezalibi, neba yemi kwani, babañwi bahabo yena. Se nili, “Mwa bona, bashimani, mu itukise, kakuli muka taha kwa sibaka se. Mu lukela kutaha kwanu. Mwabona? Mwendi haki ka—ka kansa ye. Wakona kutaha ni sesiñwi cwalo, kwande kwani mwa likululu, kuzwa mali kuisa lifu, kamba sesiñwi. Mu lukela kutaha ku zona.” Nelu ambozi ni bona.

⁴²⁸ Ne ni libelela ku bona seo Moya no bulela kuli lu eze. Kulibelela. Sika sapili muzibe, Ne ni iikutwa ku lumela ka toho kwani. “Mu mubeye mazoho.”

⁴²⁹ Ne ni fita fitile, ali, “Kaufela mina mu inamise litoho zamina.” Kaufela bona neba inamisize litoho zabona, micaha mwani bababeli kamba babalalu.

⁴³⁰ Ne ni beile mazoho aka ku yena. Se nili, “Mulena Mulimu, mushimani abe ni kuziba sa ka eza, asika kopana kale ni sika se. Wa shwa. Diabulosi yo umu holofalize, mi usweli waya. Mi unwile kubata kuipulaya, mi kiyo fa uinzi mwa buino bo. Na lapela Ube ni makeke ku yena.” Mi hane Ni mu lapelezi, kakusasana le li tatama na zuhile, ku ambola ku bondatahe.

⁴³¹ Busty Rogers, yana. . .Neba ni bizelize kwa sipatela kwani, haki kale hahulu. Ne nili kwani zazi lani, hasamulaho Ni feza kukutaza kwani kwa Milltown ko Georgie Carter yomunyinyani kwana foliselizwe. Kaufela mina mwa hupula cwalo. Mi kwani fani Muzwale Smith, mukutazi wa Methodist, ali, “Haiba

kuna ni ya kolobelizwe, ka Libizo la Jesu Kreste, muzwe mwa tende yaka,” sina cwalo. Ona kwani kwa ford ya Totten, kuba ni mukopano kwani. Mi, oh, bani nyaza ka lika kaufela zene mu nahana ka na. Ne ni sika bulela linzwi; seni ya onacwalo. Ne nina ni tumo. Mulena na ni bonisize pono. Neku nani ngu kwani, yene swasizwe kwani mwa lihalaupa. Kaufela mina mwa i hupula pono, kaufela mina. Na sepa mwa eza. Kana mwa hupula? [Puteho ili, “Amen.”—Mu.] Luli. Ku lukile. Kutuha fani se Niyo kena mwa lihalaupa kwani, ninze ni zuma.

⁴³² Ne niile kwa ford ya Totten. Muzwale Wright kwani waziba. Ne luile kwani, neni sa zibi sa kueza. Ne ni lekile kapokisi ka mulola, ka kapene ka muwayawaya kakanyinyani. Neni kaya teni kwani, kuyena fani ni kukutaza fa mahatelo. Naize na kaya teni kwani, fa halimwa lilundu, ili kueza litekisano zeñwi. Neni ile ni yena. Neku nani keleke yetuna ya kale ya Baptist kwani, ya mukungulu. Mulena sali kuna, “Uyeme onafu.”

⁴³³ Se nili, “Uni tuhelele ona fa, Muzwale Wright.” Seni yema. Naile kwateni mi akuta.

⁴³⁴ Na ya kwani, mi ne nisa koni ku kwalula sikwalo. Se nili, “Mulena, haiba Uteni kuse, Ubata kuli niye kwa keleke, uni kwalulele sikwalo.” Se ni ina fafasi fani ninze ni nahana.

⁴³⁵ Nato utwa yomuñwi inza taha; nato yema, mi kiha li, “U ikutwa cwani? Na mi bulelela,” ali, “ubata kukena mwa keleke?”

Se nili, “Eeni, sha.”

Yena ali, “Ni na ni sinotolo fa.”

⁴³⁶ Selu kala mukopano. Sunda yapili, kusina sesiñwi. Busihu bwa pili, Ne nina ni puteho, Muzwale Wright ni lubasi lwa hae. Taba yapili mwa ziba, kwa mafelelezo a sunda, neba sa koni nihaiba kuba yemisa mwa patelo, ni hanyinyani. Ngunyana yani niteni neisika taha. Muzwale Hall na pilisizwe ka nako yani, mulisana wabona kwani cwale, kaufela bona. Ne nisa koni kufumana kone kuna ni ngu yani. Hasumulaho nyana, kuzwa kwa church of Christ, kwani kwatasa lilundu, musizana yani yomunyinyani wa myaha ye ketalizoho ni yemine ni likweli ze ketalizoho kazetalu yana sikabe azamaya, ali ku lobala fani. Nali ona fani. Kaufela mina mwa ziba likande. Eeni, sha.

⁴³⁷ Mi musihali wani fani Busty Rogers, pelesa yetuna yene yemi kwani ya kale. . . Ne niile kwateni kwani. Mi kwani ne ku yemi puteho ya Muzwale Smith nei ni seha, kuni bona bukuba, ku kolobeza ka Libizo la Jesu. Neni zamaya mwa sileze ya ford ya Totten, kone bana ni. . . [Hakuna manzwi fa tepu—Mu.] . . . kwani kwa kanukana, ni kulila fela ka tata kamone ku konahalela. Ma dikoni bababeli baya nina.

⁴³⁸ Se nili, “Ni yemi fa musihali wo ka kuyemela Mañolo a Mulimu ya Kenile.” Se nili, “Ni balile mwa Bibebe mo

koo Pitrosi naize, ‘Mubake, mutu ni mutu wa mina, mu kolobezwe ka Libizo la Jesu Kreste ka swalelo ya libi za mina.’” Na sikuluha, na to tambeka Buka ku alimuñwi wa madikoni.

⁴³⁹ Naya kwande kwani, mi Nali, “Ya lata kaufela, yaka bakela sibi sa hae, ki yena ya lukela kutaha.” Nakena kwani mwa mezi. Se nili, “Kubonala kuna kuli Mangeloi ani ainzi mwa mutai kaufela cwale, inza talima.” Oh, mawi! Bukaufi ni nako yene Ni kolobeza mwendi bababeli kamba babalalu, puteho ya hae kaufela, basali bani ni lindelesi zende za bwanda, kucisa mezi ani, kuhuwa fa halimwa manzwi abona. Ne ni kolobelize puteho ya hae kaufela ka Libizo la Jesu Kreste. Mwa li ziba. Mi Ni nani siswaniso sa sona. Nesili fani.

⁴⁴⁰ Neli sikamañi sani? Muekeze kwa mata amina. Mwabona? Mu si tuhele ona cwalo. Mulimu waziba mwa ku li ezeza. Mulimu wa ziba mwa kutiseza lika ze kuto ezahala. Mu ba tuhele baeze ze ba bata kueza. Hakuna shutano ni yekana. Muzwele fela pili kuya.

⁴⁴¹ Busty Rogers inza yemi kwani, hana boni sani, ki hali, “Mi Na lumela ka pilu yaka kaufela.” Mi kwande mwa mezi ni kuzwa, na apezi liapalo za hae zende, mi na kolobelizwe ka Libizo la Jesu Kreste.

⁴⁴² Mwendi kasamulaho wa myaha ye milalu kamba yemine yefitile, neba ni bizize kwanu kwa sipatela mwa New Albany. Nali kwani, inza shwa, ni kansa, neisweli fela ku muca. Baalafi neba ufile kufitela kakusasa lelitatama, kuli apile. Ali, “Usweli kushwa cwale.” Ali, “Utahe onafa.”

⁴⁴³ Ne niile teni kwa sibaka, hane Ni ezize, ku yema fani ni kulapela. Ki hali, “Billy, kuna ni nambwamutalati yene tinguluka kwa buse kwani.”

⁴⁴⁴ Mi Na sikuluha, ku yo bona. Se nili, “Busty, ki tumelelano. Ha una kushwa. Tumelelano ya Mali kona ye kupilisa.”

⁴⁴⁵ Kiha ni mubeya mazoho, ali, “Mulena Mulimu, kamo pono yani kwa buse bwani i nyakisisa kuli Uteni fa. Tumelelano ya hao ki kuli, se, ‘Ka miupa ya Hae lu folisizwe.’” Na mubeya mazoho, mi fani sa ba hande. Ku muluma kwa hae.

⁴⁴⁶ Mi mwendi ka myaha yemine kamba ye ketalizoho, mwendi myaha yemine, ninze ni yamba kafa ni kafa mwa nuka ni lika kaufela, kuzwela pili cwalo. Ni kone ku inzi kansa kaufela mwa mumizo wa mba, neku cinezi, nekuna ni linungo leli tuna leli tiile. Baalafi, bo caziba kaza lipatela, ba mubulelela kuli nana ni kalafu ye ipitezi yene kona ku otolola sani, mutuhele kuli amize lico ka buñata ka nako iliñwi. Na banga ni butata fa ku miza lico zeñata, nana ni kuca hanyinyani. Naile kuli ayo tuseha. Ne nisa zibi kuli naliteni kwani.

447 Mi cwale hane ba mu pazuzi, neba fumani kuli neli mubeille mwa buino bwa mandingwe, mi nabile ni luñañali. Ku omelela neku leliñwi la hae sina cwalo. Mi taba fela yana kona kueza neli kulila hanyinyani. Mi ki ha nga potoloto, sina *cwalo*, mi aya, “uh, uh, uh.” Mi alika kuñola, ku njanja cwalo, ka lizoho la hae lelinde. Neku la nzohoto ya hae, awezi fafasi. Mi a ñola, ka lizoho la hae: “Jesu wa pilisa, ba 1900 ni sesiñwi.” Neba palezwi kuli utwisisa.

448 Kacwalo cwale fani musala hae naize, “Muzwale Branham, Hani zibi sa talusa ka sani.”

449 Se nili, “Ma Rogers, sa talusa, neli ba 1900 ni zeñwi, kuli na pilisizwe ni ku kolobezwa ka Libizo la Jesu kwatasi kwani. Sani kona se si beleka cwale. Ha sabi kushwa.”

450 Se nili, “Mulena Mulimu, aku banduse bupilo bwa hae. Na lapela cwalo, ka Libizo la Jesu, kuli U banduse bupilo bwa hae.” Na mu kambeka mazoho. Luñañali lwa musiya. Mandingwe a tuhela. Mi sa zuha mwa mumbeta. Mi uiketile fa cwale, ufa bupaki.

451 Muekeze kwa tumelo yamina, mata; muekeze kwa mata amina, zibo; kwa zibo ya mina, buiswalo; kwa buiswalo bwa mina, pilutelele; kwa pilutelele yamina, bumulimu; kwa bumulimu bwa mina, lilato la batu kamukana; kwa lilato la batu kamukana la mina, Moya o Kenile, mi Kreste uka taha. Kakuli, mwatasi a Hae fela. . . Moya o Kenile ki Moya wa Jesu Kreste mwa Keleke, ili ku bonahalisa mata ani. Oh, mawi!

Ki se fa, seli nako nyana hasamulaho wa twelufu.

Na mulata . . . Na Mu lata
Kakuli U ni latile,

Kushetumuka cwalo *kwanu*, kakuli nemuli lika kaufela.

Ni kulif- . . . (Kiñi sa Na ezize?) . . . puluso
yaka
Fa Kalvari.

Kana Niba cwani *cwana*? Kakuli Na ni latile, pili.

Na Mu lata, Na Mu lata
Kakuli Na ni latile . . . (Lani kona libaka.)
Ni kuleka puluso yaka
Fa Kalvari.

452 Na sepisa, kakusasana cwana, ku Yena, ka pilu yaka kaufela, kuli, ka tuso ya Hae ni muhau wa Hae, Ni lapela kuli Nika bata zazi ni zazi, kusina ku lisela, kufitela Ni utwa kuli kaufela zona lika ze tokwahala ze libuba mwa sibupeho saka sesinyinyani se, kufitela Ni ba ponahazo ya Kreste yapila. Kakuli, Na tiloba sibi sina na, kuli Ni kone kuba . . . taha wena kuluka kwa Mulimu, sina Yena. “Na ngile sibaka

saka; Mulena, ni lukela kuli ninge za Hae cwale.” Kakuli, lani kona libaka la Na shwezi. Ki babakai baba ka sepisa taba ye swana yani, ka muhau wa Mulimu? [Puteho ili, “Amen.”—Mu.] Ni litho zaluna ze inami cwale, ni mazoho aluna mwahalimu. “Na . . .”

⁴⁵³ Na sepisa cwalo, Mulena, kekeke ye ya sepisa cwalo, “Sibupeho sesitezi sa Jesu Kreste!”

Kakuli Na ni latile
Ni kuleka puluso yaka
Fa Kalvari.



SIBUPEHO SA MUTU YA PETEHILE LOZ62-1014M

(The Stature Of A Perfect Man)

Liñusa le ka Muzwale William Marrion Branham, neli kotalizwe lwa pili mwa Sikuwa la Sunda kakusasana, Yenda 14, 1962, ili fa Branham Tabernacle mwa Jeffersonville, Indiana, U.S.A., iingilwe kuzwa fa tepu ya magesi ya manzwi ni ku hatisiwa kusina kuzusa sika mwa teni kuya Sikuwa. Toloko ye ya mwa Silozi nei hatizizwe ni ku hasanyiwa kiba Voice Of God Recordings.

LOZI


©2016 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

www.branham.org

SIBUPEHO SA MUTU YA PETEHILE



PITROSI WABUBELI 1:1-8

LIKEZO 7:44-49, MAHEBERU 10:5, MATEU 5:48

MAEFESE 4:11-15, MAHEBERU 11:32-40

Se ki siemba sa siswaniso seo Muzwale Branham na swanisisize fa limati la hae mi ki kusona kwanza swanisisa mwahala a Liñusa le kaufela.

Zibiso ya bahatisi

Litukelo kaufela li bulukilwe. Buka ye yakona kupulintwa fa pulinta ya mwa ndu kuli iitususwe ki mutu kamba kuli ifiwe ku yomnwi, mahala feela, kakuba siitusiso sa ku hasanya Evangeli ya Jesu Krete. Buka ye hailekisiwi, kuatiswa mwa buñata, ku nepelwa fa moya wa webusaiti, ku bulukwa mwa mukwa wo bunolo, ku tolokwa mwa mishobo isili, kamba ku itusiswa kwa kukupa mashelēni ku sina tumelelano niba Voice Of God Recordings®.

Ka litaba zeñata kamba ka libuka zeñwi ze liteni, shangwe muñolele kwa:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org